

ELEMENTA
MATHEMATICA

IN QUATUOR TOMOS DIGESTA.

TOMUS TERTIUS

Geometriam solidorum continens.

1. The first part of the paper
 is devoted to the study of the
 properties of the function
 which is defined by the
 following integral:

I N D E X
L I B R O R U M
Q U O S T O M U S T E R T I U S
C O M P R E H E N D I T.



L I B E R X I.

De sectione, & genesi solidorum.

L I B E R X I I.

De circulis sphæræ.

L I B E R X I I I.

De similitudine, & ratione solidorum.

L I B E R X I V.

De solidorum dimensione.



THE UNIVERSITY OF CHICAGO
 LIBRARY

1917

1917

1917

1917

1917

1917



ELEMENTORUM MATHEMATICORUM

LIBER XI.

De genesi, & sectione solidorum.

A Planis ad solida gradum facimus. Agemus itaque primo de solidorum sectione, & genesi; tum de sphaera circums; dein de solidorum ratione, & similitudine; postremo de eorum dimensione.

DEFINITIO I.

1. Solidum, quod corpus Mathematicum etiam dicitur, est magnitudo, secundum trinam dimensionem, longitudinis scilicet, latitudinis, & profunditatis extensa, una, vel pluribus superficiebus terminata. In idea corporis Mathematici trina tantum dimensio occurrit, ita nimirum, ut quodcunque corpus sensibile veniat sub notione corporis Mathematici, si affectionibus omnibus, quae in ipso sunt, neglectis, trina dumtaxat dimensio in illo concipitur.

DEFINITIO II.

2. Angulus solidus est ille, qui continetur tribus ad minimum angulis planis simul penes duo ipsorum latera unitis, atque in idem punctum, quod Tab. VII. ipsius anguli apex dicitur, desinentibus, quin tamen planam superficiem constituent. Huiusmodi est angulus productus in A a tribus planis angulis BAD, BAC, CAD simul penes ipsorum latera unitis, atque commune punctum A habentibus, quin ex illorum unione plana superficies confluat.

COROLLARIUM I.

3. Hinc anguli plani, qui solidum angulum constituent simul sumti debent esse
A 2 esse

minores quatuor reſtis. Etenim, ſi ſecus, plana ſuperficies ex illorum unionem haberetur.

COROLLARIUM II.

4. *Duo anguli ſolidi erunt æquales inter ſe, ſi anguli plani, quibus continentur, fuerint numero, & magnitudine æquales, eodemque ordine inter ſe diſpoſiti*. Hoc enim ipſi illorum unus intra alterum poſitus perfecte ei congruet.

COROLLARIUM III.

5. *Viciſſim æquales anguli ſolidi planis angulis numero, & magnitudine æqualibus continentur*. Quandoquidem, ſi ſecus, anguli ipſi ſibi mutuo haudquaquam congruerent; ac proinde contra hypotheſim non eſſent inter ſe æquales.

DEFINITIO III.

Fig. 2. 6. *Ex ſolidis angulis ille vocatur reſtus, qui tribus reſtis angulis planis Tab. VI. comprehenditur*. Sic reſtus eſt ſolidus angulus productus in puncto C a tribus angulis planis BCD, BCF, DCF, quia quilibet horum trium angulorum eſt reſtus.

COROLLARIUM.

7. *Omnes anguli ſolidi reſti ſunt inter ſe æquales*. Omnes enim continentur angulis planis numero, & magnitudine æqualibus.

DEFINITIO IV.

8. *Angulus ſolidus obtuſus eſt ille, qui reſtum ſuperat. Acutus vero ille, qui a reſto deficit*.

DEFINITIO V.

9. *Solidum vel planis ſuperficiebus totum clauditur, vel una curva ſuperficie continentur, vel plana ſimul, & curva ſuperficie comprehenditur*. *Extrema igitur ſolidorum ſunt ſuperficies, quemadmodum extrema planorum ſunt lineæ, & extrema linearum ſunt puncta*.

DEFINITIO VI.

10. *Ex corporibus, quæ planis dumtaxat ſuperficiebus terminantur, illa dicuntur regularia, quæ planis regularibus, atque inter ſe æqualibus continentur, omneſque ipſorum anguli ſunt inter ſe æquales*. Corpora regularia ſunt *Cubus, tetraedrum, octaedrum, dodecaedrum, & icosaedrum*, quibus aditur *Sphæra*, corpus inter omnia nobiliſſimum. *Cubus, tetraedrum, octaedrum, dodecaedrum, & icosaedrum* corpora Platonica vocari ſolent, quod illis Plato

in

Timæo quinque corpora simplicia, *cælum*, videlicet, *ignem*, *aerem*, *aquam*, & *terram*, comparaverit. Cetera vero corpora ab his diversa, quorum infinita plane sunt genera, *irregularia* vocantur.

COROLLARIUM.

11. Omnes anguli corporis regularis sunt inter se aequales. Planis namque angulis numero, & magnitudine æqualibus singuli continguntur.

DEFINITIO VII.

12. *Pyramis* est solidum terminatum pluribus, quam duobus triangulis planis rectilineis; ea ratione simul penes duo qualibet ipsorum latera unitis, ut spatium undique elaudant, & eorum bases figuram planam rectilineam, quæ pyramidis basis dicitur, constituent; omnium vero ipsorum vertices in unum punctum coeant, quod ipsius pyramidis apex, seu vertex nuncupatur. Talis est solidum BADC, sicuti etiam solidum EFGH, quorum alterum pyramis trilatera, alterum pyramis quadrilatera dicitur, quatenus nempe basis BCD prioris figura plana trilatera est, tribusque idcirco triangulis planis pyramis ipsa continetur; basis vero KFGH posterioris est figura plana quadrilatera, ipsaque propterea pyramis quatuor triangulis planis comprehenditur. Porro punctum A, in quo simul coeunt vertices omnium triangulorum pyramidem BADC terminantium, vertex, sive apex pyramidis BADC vocatur, sicuti etiam punctum E dicitur vertex, sive apex pyramidis KFGHE.

Fig. 1.
Fig. 2.
Tab. VII

COROLLARIUM.

13. Quævis pyramis tot triangulis planis rectilineis terminatur, quod latera in ejus basi numerantur.

DEFINITIO VIII.

14. *Axis* pyramidis est recta linea ducta ab illius vertice in centrum basis. Fig. 3. Ut si punctum M fuerit centrum basis FGHE, recta EM erit axis pyramidis KFGHE.

DEFINITIO IX.

15. *Pyramis* dicitur recta, si illius axis ad perpendicularum basi insisterit, cujusmodi est pyramis KEGH. Dicitur vero inclinata, si illius axis oblique ad basim sese habuerit.

COROLLARIUM.

16. *Altitudo* pyramidis recta diversa non est ab illius axe. Altitudo namque

A 3

cujus.

cujuslibet figuræ est recta ducta a vertice in basim, eique ad perpendicularum incumbens (*Lib. V. §. 14.*)

DEFINITIO X.

17. *Prisma est solidum pluribus planis rectilineis comprehensum, quorum duo ex adverso æqualia sunt, similia, & parallela, reliqua vero sunt parallelogramma.*
 Fig. 4. Hujusmodi sunt duo solida AF, BH. Quandoquidem in utroque plana ex
 Tab. 7. adverso posita, nimirum ABC, DEF, sicuti etiam ACD, LGH, æqualia sunt, similia, & Parallela, reliqua autem sunt parallelogramma.

COROLLARIUM.

18. *Tot parallelogrammis prisma quodcumque clauditur, quot latera sunt in uno planorum sibi ex adverso positorum.*

DEFINITIO XI.

19. *Si pro basi prismatis sumatur unum ex illis planis, quæ sibi mutuo in illo aduersantur, illud prisma vocatur rectum, in quo omnia parallelogramma, quibus comprehenditur sunt rectangula. Rectum videlicet erit prisma AF, quia parallelograma ADEB, BEFC, ADFC sunt rectangula. Hoc enim ipso ad perpendicularum suæ basi incumbit.*
 Fig. 4.
 Tab. 7.

COROLLARIUM I.

20. *Tot rectangulis prisma rectum continetur, quot sunt latera in illius basi.*

COROLLARIUM II.

21. *Altitudo prismatis recti est latus unius ex illis rectangulis, quibus comprehenditur.*

DEFINITIO XII.

Fig. 2. 22. *Parallelepipedum est solidum sex parallelogrammis comprehensum, quorum duo qualibet ex adverso posita, sunt sibi mutuo æqualia, similia, & parallela. Tale est solidum AF.*
 Tab. 7.

COROLLARIUM.

23. *Omne parallelepipedum est prisma, licet non omne prisma sit parallelepipedum. Quandoquidem omne parallelepipedum est hujusmodi, ut duo ipsius plana ex adverso posita, sint æqualia inter se, similia, & parallela, cetera vero sint parallelogramma. Verum prisma non exigit, quemadmodum parallelepipedum, ut parallelogramma sint omnia plana, quibus comprehenditur.*

DE.

DEFINITIO XIII.

24. *Cubus est solidum sex quadratis aequalibus, & quæ ex adverso sunt, sibi* Fig. 6.
Tab. 7.
mutuo parallelis comprehensum. Hujusmodi est solidum BG.

COROLLARIUM I.

25. *Omnia cubi latera sunt inter se aequalia. Sunt enim latera quadrato-*
rum æqualium.

COROLLARIUM II.

26. *Omnes anguli cubi sunt recti atque adeo inter se aequales. Etenim eo-*
rum quilibet tribus angulis rectis planis continetur.

COROLLARIUM III.

27. *Cubus est solidum regulare. Terminatur enim planis regularibus, sibi*
mutuo æqualibus, & similibus, omnesque ipsius anguli sunt æquales.

COROLLARIUM IV.

28. *Omnis cubus est parallelepipedum, quamvis non omne parallelepipedum*
fit cubus. Plana enim, quibus cubus continetur, sunt parallelograma (§. 24.)
& quidem similia (Lib. IX. §. 3.), ex quibus duo quælibet ex adverso sunt
parallela, & inter se æqualia, prout parallelepipedum exigit. Verum omnia
sunt quadrata, quod ad parallelepipedum non requiritur.

COROLLARIUM V.

29. *Altitudo cubi aequat latus basis ejusdem. Est enim latus unius ex il-*
lis quadratis, quibus cubus continetur, quæ omnia sunt æqualia.

DEFINITIO XIV.

30. *Conus est solidum, quod circulo, tamquam basi, & curva superfacie ex*
una parte in punctum tota desinente continetur, seu conus est solidum, quod de- Fig. 7.
Tab. 7.
terminatur a recta linea eirea peripheriam circuli revoluta, dum alterum illius
extremum puncto extra illius circuli planum sumpto, interim constanter hæret.
Hujusmodi est solidum BAD circulo BCD, & curva superfacie producta a
recta AB circa peripheriam ipsius circuli BCD revoluta, fixo manente illius
extremo A, comprehensum.

DEFINITIO XV.

Fig. 7. 31. *Basis conī est circulus, cui conus insistit. Apex, seu vertex est punctum,*
 Tab. 7. *in quod conus ipse definit. Axis conī est recta ducta ab illius vertice in bascos*
centrum. Latus vero est quacunque recta linea ducta a vertice conī in periphe-
riam basis. Sic basis conī BAD est circulus BCD. Apex punctum A. Axis
recta AE. Latus recta AB, sicuti etiam recta AD.

DEFINITIO XVI.

Fig. 7. 32. *Si latera AB, AD, conī BAD triangulum æquilaterum cum bascos dia-*
 Tab. 7. *metro BD constituent, conus dicitur æquilaterus; si constituent triangulum*
isocles, conus dicitur isosceles; scalenus vero nuncupatur, si triangulum sca-
lenum huiusmodi rectæ efficiant.

DEFINITIO XVII.

Fig. 7. 33. *Ille conus vocatur rectus; cuius axis ad perpendicularum basi incumbit;*
 Tab. 7. *obliquus vero ille, cuius axis ad basim inclinat. Rectus nimirum est conus*
 Fig. 8. *BAD; quia illius axis AE perpendicularis est basis circulo BCD. Obliquus*
vero conus bad; quia illius axis ae super bascos circulum bcd oblique cadit.

COROLLARIUM

34. *Altitudo conī recti diversa non est ab illius axe. Altitudo namque conī*
est recta perpendicularis ducta a vertice in basim.

S C H O L I O N.

Fig. 7. 35. *Conus rectus concipi potest oriri ex completa revolutione trianguli*
 Tab. 7. *rectanguli circa alterum ex lateribus, quæ sunt circa angulum rectum, im-*
motum consistens. Sic conus rectus BAD habetur ex revolutione trianguli
rectanguli BEA circa quiescens latus AE, ita nimirum, ut conica superficies
determinetur a rotante hypotenusa AB, & bascos circulus BCD ex revolu-
tionem lateris BE.

DEFINITIO XVIII.

Fig. 9. 36. *Cylindrus est solidum duobus circulis æqualibus, & parallelis, & curva*
 Tab. 7. *superficie in illorum peripherias desinente comprehensum. Tale est solidum AD*
terminatum duobus circulis AB, CD æqualibus, & parallelis, & curva su-
perficie ACDB desinente in ipsorum circulorum peripherias, quæ proinde
concipi potest veluti genita ex tali motu rectæ lineæ AC circa peripherias
ciculorum AB, CD, ut sibi semper parallela existat.

DE

DEFINITIO XIX.

37. *Basis cylindri est circulus, cui ille incumbit. Axis est recta linea conjungens centra circumlorum, quibus cylindrus terminatur. Latus vero est recta axi parallela, utriusque circuli peripheriam tangens. Sic basis cylindri AD est circulus CD. Axis recta EF. Latus vero tam recta AC, quam recta BD.*

DEFINITIO XX.

38. *Cylindrus rectus est ille, cuius axis perpendicularis est circulo baseos. Obliquus vero, cuius axis in circumulum baseos oblique cadit. Rectus videlicet est cylindrus AD, obliquus vero cylindrus ad, quia axis EF ad perpendicularum infilit basi CD, non sic autem ef basi ed.* Fig. 9. Tab. 7.

COROLLARIUM.

34. *Altitudo cylindri recti ab illius axe diversa non est.*

SCHOLIUM.

40. *Oritur cylindrus rectus ex completa revolutione rectanguli circa unum ex suis lateribus plane immobile. Videlicet cylindrus rectus AD oritur ex revolutione rectanguli AEFC circa latus EF omnino quiescens, ita nimirum ut ex revolutione laterum AE, CF emergant circuli AB, CD, quibus cylindrus terminatur, & ex revolutione lateris AC cylindrica superficies ACDB.* Fig. 9. Tab. 7.

DEFINITIO XXI.

41. *Tetrahedrum est solidum quatuor triangulis planis rectilineis regularibus, & inter se aequalibus terminatum, cuiusmodi est solidum ACB.* Fig. 11. Tab. 7.

DEFINITIO XXII.

42. *Octaedrum est solidum octo triangulis rectilineis regularibus, & inter se aequalibus comprehensum, ut solidum DEF.* Fig. 12. Tab. 7.

DEFINITIO XXIII.

43. *Dodecaedrum est solidum, quod duodecim pentagonis aequalibus, & regularibus continetur, ut solidum GHK.* Fig. 13. Tab. 7.

DEFINITIO XXIV.

44. *Icosaedrum est solidum viginti triangulis regularibus, atque inter se aequalibus terminatum, ut solidum LMN.* Fig. 14. Tab. 7.

DEFINITIO XXV.

45. *Polyedrum est solidum pluribus figuris planis rectilineis comprehensum. Est enim polyedrum in genere solidorum, quod polygonum in genere planorum.*

DEFINITIO XXVI.

Fig. 15. Tab. 7. 46. *Sphæra est solidum una tantum curva superficie comprehensum, in cuius solidi area punctum est, a quo omnes rectæ lineæ ductæ in illam curvam superficiem sunt inter se æquales. Tale est solidum ABCD curva superficie undique terminatum; æquales namque sunt rectæ lineæ EG, EF, omnesque alix, quæ a puncto E in superficiem ABCD cadere possunt.*

Genesis sphæræ.

Fig. 16. Tab. 7. 47. *Sphæra producitur a semicirculo rotante circa quiescentem diametrum, integramque revolutionem complente. Sic sphæra ABCD oritur ex completa revolutione semicirculi BAD circa quiescentem diametrum BD. Hinc sphæra definitur ab Euclide lib. XI. Elementorum, eum semicirculi manente diametro, semicirculus circumductus in idem revolvitur, unde capis circumduci.*

COROLLARIUM I.

48. *Cum semicirculus BAD ex tot concentricis semiperipheriis circularibus confurgat, quot in illius radio BE, centro excepto, puncta numerantur (Lib. X. §. 48.), soliditas sphæra ABCD concipi potest veluti confurgens ex tot sphericis superficiebus sibi mutuo concentricis, quot sunt puncta, excepto centro, in radio BE semicirculi genitoris BAD, atque adeo etiam ipsius sphæra. Quælibet enim ex illis semiperipheriis, quæ semicirculi genitoris aream constituunt, in illa circa diametrum BD revolutione sphericam superficiem producit.*

COROLLARIUM II.

49. *Quemadmodum soliditas sphæræ ABCD oritur ex completa revolutione semicirculi BAD circa diametrum immobilem BD, ita ejus sphæra superficies nascitur ex completa revolutione semiperipheriæ BAD circa eandem diametrum BD.*

S C H O L I O N.

50. *Mensura rotationis semicirculi BAD circa immotam diametrum BD, unde efficitur sphæra ABCD, est peripheria circuli per centrum ipsius sphæræ transeuntis, atque adeo in illa maximi. Hujusce enim circuli peripheria,*

ria, cum sit major peripheriis omnium aliorum circularum ipsius sphaeræ, Fig. 15. certa hoc ipso, & immutabilis est apud omnes, prout ad mensuram requiritur. Tab. 7.

DEFINITIO XXVII

51. Centrum sphaeræ est punctum sumtum in illius area, a quo omnes rectæ lineæ ductæ in sphaeræ superficiem, sunt inter se æquales. Ut si omnes rectæ lineæ, quæ a puncto E sphaeræ ABCD cadunt in illius superficiem, fuerint inter se æquales, punctum E erit centrum ipsius sphaeræ ABCD.

COROLLARIUM I.

52. Centrum sphaeræ est punctum in illius medio existens. Ab illo enim singula sphaericæ superficiæ puncta æqualiter distant.

COROLLARIUM II.

53. Hinc planum per sphaeræ centrum transiens sphaeram ipsam bifariam dividit.

DEFINITIO XXVIII.

54. Diameter sphaeræ est recta quacunque linea transiens per centrum sphaeræ, & utrinque ad illius superficiem terminata. Sic recta BD est diameter sphaeræ ABCD. Fig. 15. Tab. 7.

DEFINITIO XXIX.

55. Radius sphaeræ, qui illius etiam semidiameter dicitur, est qualibet recta linea a sphaeræ centro in illius superficiem ducta, ut recta EG, EF in sphaeræ ABCD.

COROLLARIUM I.

56. Omnes eiusdem sphaeræ radii sunt inter se æquales. Omnes enim illæ rectæ lineæ sunt æquales inter se, quæ a centro in superficiem cadunt (§. 51.)

COROLLARIUM II.

57. Omnes diametri eiusdem sphaeræ sunt æquales. Sunt enim inter se, ut radii (Lib. I. §. 127.)

COROLLARIUM III.

58. Diameter semicirculi genitoris est etiam diameter sphaeræ, atque adeo etiam radius eiusdem semicirculi est radius ipsius sphaeræ.

DE-

DEFINITIO XXX.

59. *Hemisphaerium est solidum dimidiata sphaera superficie, & plano per illius centrum ducto comprehensum. Planum quippe, quod per sphaerae centrum transit, sphaeram ipsam bisariam dividit (§. 53.).*

Genesis hemisphaerii.

60. *Oritur hemisphaerium ex quadrante circuli revoluto circa radium. Ut enim sphaera a rotante semicirculo circa diametrum, ita hemisphaerium a rotante quadrante circa radium fiat necesse est.*

DEFINITIO XXXI.

61. *Sector sphaerae est solidum comprehensum sub circulari portione superficiei sphaericae, & sub curva superficie, qua initium sumens a curva linea circula-rem superficiei sphaericae portionem terminante, in ipsius sphaerae centrum desinit.*

Genesis sectoris sphaerici.

62. *Ut notio sectoris sphaerici clarius fiat, illius genesis consideranda est: Producitur itaque sector sphaericus ex completa revolutione sectoris circularis, quemadmodum hemisphaerium ex revolutione quadrantis circa quietem ejusdem radium.*

COROLLARIUM I.

63. *Cum area sectoris circuli ex tot arcubus similibus, sibi quaeque mutuo concentricis confurgat, quot, centro excepto, sunt puncta in illius radio (Lib. X. §. 49), sector sphaericus spectari potest veluti compositus ex tot portionibus circularibus superficierum sphaerarum sibi mutuo concentricarum, atque centrum versus continuo decrecentibus, quot, excepto centro, habentur puncta in illius radio. In illa namque revolutione sectoris circularis quilibet arcus circuli sectorem ipsum constituens, circula rem sphaericae superficiei portionem producit.*

COROLLARIUM II.

64. *Portiones circulares superficierum sphaerarum, quae sphaerae sectorem constituent, sunt sibi mutuo similes, eandem scilicet proportionem habent omnes ad integram superficiem sphaericam, cuius earum qualibet est portio. Similes namque sunt arcus genitores, omnesque hujusmodi sphaerarum superficierum portiones eadem revolutione, qua ipsae itidem integre superficies fiunt, producuntur.*

DE-

DEFINITIO XXXII.

65. Segmentum sphaera est ipsius sphaera portio, plano sphaeram ipsam extra centrum dividente, & parte superficiei ipsius sphaera comprehensa. Segmenta nimirum sphaerae ABCD sunt duae ipsius portiones HAM, HCM, quarum altera sub plano HM extra centrum ipsius sphaerae traducto, & sub portione HAM superficiei sphaericae ABCD, altera sub eodem plano, & sub portione HCM ejusdem superficiei continetur.

Fig. 15.
Tab. 7.

COROLLARIUM.

66. Cum planum per sphaerae centrum transiens sphaeram ipsam bifariam dividat (§. 53.), illud sphaerae segmentum erit maius, in quo sphaera centrum reperitur.

Genesis segmenti sphaerici.

67. Sphaerae segmentum producitur a semifragmento circulari revoluto circa radium, qui bifariam, atque adeo ad angulos rectos, chordam arcus totius segmenti circularis, totumque ipsum arcum dividat. Segmentum scilicet sphaericum HCM gignitur ex revolutione semifragmenti circularis MXC circa radium EC bifariam, atque ad rectos angulos dividendum tum chordam HM totius arcus HCM, tum ipsum arcum.

Fig. 15.
Tab. 7.

DEFINITIO XXXIII.

68. Illa recta linea aequaliter a sphaerae centro distare dicuntur, in quas rectae perpendiculares inter se aequales cadunt a centro ipsius sphaerae. Illa vero dicitur a centro sphaerae magis distare, inquam eadit major recta perpendicularis ab illius centro. Memoria repetantur, quae de huiusmodi lineis in circulo.

DEFINITIO XXXIV.

69. Sectio solidi dicitur illa figura plana, quae, facta sectione ipsius solidi ope plani, in ejus partibus divisus de novo conspicitur. Sic figura abc est sectio pyramidis BAD divisae a plano per puncta a, b, c traducto.

Fig. 1.
Tab. 7.

LEMMA I.

Cylindrus est prisma infinitorum laterum.

70. Esto cylindrus ACDB. Dico, ipsum non differre a prismate infinitis paralleloramiis latitudinis infinite parvae comprehensum.

De.

Demonstratio.

Specietur prisma AGH. Manifestum est, prisma AGH ad cylindrum magis accedere, & fieri cylindro simile, quo magis multiplicantur latera baseos FGHL, eodem manente perimetro, atque adeo, quo plura sunt parallelogramma, quibus ipsum prisma comprehenditur, ita nimirum ut, si numero infinita sint latera in basi polygoni FGHKL, eaque propterea infinite parva, & infinita idcirco sint parallelogramma, quibus ipsum prisma terminatur, huiusmodi prisma nullatenus discerni possit a cylindro, quemadmodum basis ipsius prismatis tunc a circulo haudquaquam distinguitur (*Lib. IX §. 149.*) Ergo cylindrus quoque spectari potest veluti prisma infinitis parallelogrammis comprehensum.

COROLLARIUM.

71. Cylindrica idcirco superficies componitur ex infinitis parallelogrammis latitudinis infinite parva, penes duo ipsorum latera simul unitis.

L E M M A II.

Conus est pyramis infinitorum laterum.

72. Spectetur conus BAD: Dico, ipsum non esse diversum a pyramide infinitis triangulis basim infinite parvam habentibus terminata.

Demonstratio.

Eadem est cum precedenti. Constat enim, pyramidem eo magis ad conum accedere, quo plura sunt latera baseos, eodem manente perimetro; ac proinde quo magis multiplicantur triangula, quibus pyramis continetur, ita nimirum, ut si latera baseos sint infinita, ac per consequens magnitudinis infinita parva, ipsaque idcirco pyramis infinitis triangulis basim infinite parvam habentibus comprehendatur, pyramis huiusmodi a cono discerni nullo modo queat. Ergo, conus quicumque considerari, ac sumi potest veluti pyramis infinitis triangulis basim infinite parvam habentibus comprehensa.

COROLLARIUM.

73. Superficies conica consurgit ex infinitis triangulis basim habentibus infinite parvam, simul penes latera unitis, atque in unum commune punctum deficientibus, quod est conus vertex.

T H E O R E M A I

Sectiones prismatis basi parallelae sunt basi similes, & aequales.

74. Prisma AFH secetur plano parallelo basi FGHKL sitque *abcde* illius sectio. Dico, hanc esse similem, & aequalem basi FGHKL. Fig. 5.
Tab. 7.

Demonstratio.

Cum enim mutua sectio duorum planorum sit recta linea (*Lib. VIII. §. 24.*) tot rectis continebitur sectio *abcde*, quot planis comprehenditur prisma AFH, atque adeo quot rectis lineis illius basis terminatur (§. 18.) Rursus cum rectae GH, *ed* sint parallelae (*ibidem* §. 26.), ob parallelismum scilicet sectionis *abcde*, & basis FGHKL, ipsaeque rectae GH, *ed* inter latera parallela DH, CG contineantur (*Lib. VI. §. 8.*), duae rectae GH, *ed* erunt inter se aequales (*ibidem* §. 20.), sicuti eandem ob causam etiam duae FG, *bc*, nec non duae FL, *ba*, duae quoque LK, *ae*, & etiam duae KH, *ed*. Igitur duae figurae planae FGHKL, *abcde* sunt inter se mutuo aequilaterae. Porro cum rectae FH, *bd* aequales sint inter se, & parallelae, eadem scilicet ratione, qua ut modo vidimus, aequales sunt, & parallelae duae GH, *ed*, duo triangula FGH, *bcd* habebunt latera aequalia, alterum alteri, sicuti etiam bases. Ergo anguli quoque FGH, *bcd*, qui aequalibus lateribus continentur, aequales erunt (*Lib. V. §. 82.*) Eodem modo ostendam, aequales esse etiam angulos GFL, *cba*, sicuti etiam angulos FLK, *bse*, angulos quoque LKH *aed*, nec non angulos KHG, *edc*. Igitur duae figurae planae FGHKL, *abcde* sunt inter se mutuo non tantum aequilaterae, verum etiam aequiangulae; ac proinde sibi mutuo similes (*Lib. IX. §. 2.*), & aequales (*Lib. V. §. 37.*). Sectiones itaque prismatis &c., quod erat ostendendum.

C O R O L L A R I U M I.

75. Si prisma trilateram basim habeat, ut prisma AEF, ostenso, sectionem basi parallelam *abe* aequilateram esse ipsi basi, patet, eam esse eidem basi aequalem (*ibidem* §. 84.) atque aequales cum illa angulos habere, alterum alteri (*ibidem* §. 85.) ita proinde illi esse omnino similem (*Lib. IX. §. 66.*) Fig. 4.
Tab. 7.

C O R O L L A R I U M II.

Si prisma secetur plano basi parallelo, ejus segmenta erunt prismata.

76. Ut si prisma AE secetur plano *abc* basi DEF parallelo, utrumque segmentum Ab, aF erit prisma. Commune siquidem planum *abc* simile & aequale est planis ABC, DEF, ipsisque per hypothesein est parallelum. Fig. 4.
Tab. 7.

Co.

COROLLARIUM II.

*Elementa prismatis sunt omnia sibi mutuo similia,
& inter se aequalia.*

77. Elementa liquidem prismatis sunt planæ superficies, quæ sectionibus basi parallelis determinantur. Hæc autem sunt omnes sibi mutuo similes, & inter se æquales (§. 74.). Ergo &c.

Genesis prismatis.

78. Oritur propterea prisma quodcumque ex parallela elevatione figuræ Fig. 4. planæ rectilineæ, itaut illius centrum rectam lineam in hujusmodi motu Fig. 5. describat, ipsaque figura eadem semper maneat. Videlicet prisma AEF confurgit ex parallela elevatione trianguli DEF, & prisma BGH ex parallela elevatione pentagoni FGHKL, quam elevationem metitur geniti prismatis altitudo. Tab. 7.

COROLLARIUM I.

79. Hinc prisma quodcumque componitur ex tot planis superficiebus sibi superimpositis, basi similibus, & æqualibus, nec non ipsi basi, sibi quoque mutuo parallelis, quot in illius altitudine puncta numerantur. Etenim in parallela plani genitoris elevatione, ex qua prisma confurgit, toties sumitur ipsum planum, quot sunt puncta geniti in altitudine ipsius prismatis.

COROLLARIUM II.

80. Considerari idcirco potest prisma quodcumque, veluti factum ex ductu basis in illius altitudinem. Genitor liquidem planum a prismatis basi diversum non est.

THEOREMA II

*Sectiones cylindri basi parallelae sunt circuli circulo
basis æquales.*

81. Cylindrus AD secetur plano basi CD parallelo, sitque MN illius sectio. Dico, hanc esse circulum circulo basis CD æqualem.

Demonstratio.

Cylindrus AD est prisma infinitorum laterum (§. 70.). Omnes autem sectiones prismatis basi parallelæ sunt ipsi basi similes, & æquales (§. 74.). Ergo sectio quoque MN cylindri AD similis, & æqualis erit basi CD. Hæc autem Tab. 7. Fig. 9. est circulus (§. 37.). Ergo circulus quoque erit sectio MN, & quidem circulo

culo CD baseos æqualis. Sectiones itaque cylindri &c. quod erat ostendendum.

COROLLARIUM I.

Si cylindrus secetur plano basi parallelo, utrumque illius segmentum erit cylindrus.

82. Segmenta nimirum AN, NC cylindri AD secti plano MN basi CD Fig. 9.
Tab. 9 parallelo, erunt cylindri. Sectio namque MN est circulus circulo basis CD æqualis, & per hypothese[m] utrique circulo AB, CD parallelo.

COROLLARIUM II.

Elementa cylindri sunt circuli circulo basis æquales

83. Elementa namque cylindri determinantur sectionibus basi parallelis.

Genesis cylindri.

84. Cylindrus confurgit ex parallela elevatione circuli, ea quidem lege, Fig. 9. ut centrum circuli genitoris rectam lineam in hujusmodi motu describat, Tab. 7. ipse vero circulus neque augeatur, neque decreascit. Ut si circulus CD ita moveri concipiat ab F in E, ut sibi semper sit parallelus, ejusque centrum F rectam FE describat, cylindrus fiet AD. Hanc porro elevationem circuli genitoris metitur ipsius cylindri altitudo.

COROLLARIUM I.

85. Cylindrus propterea componitur ex tot circulis circulo basis æqualibus, eique, nec non inter se mutuo parallelis, quot sunt puncta in illius altitudine.

COROLLARIUM II.

86. Quamobrem cylindrus quicumque spectari potest, veluti factum ex multiplicatione circuli baseos per altitudinem.

HYPOTHESIS.

87. Si ergo altitudo prismatis, aut cylindri ponatur $= a$, ejusque basis $= bd$, soliditas prismatis, & cylindri erit $= abd$. Etenim abd exprimit factum, quod nascitur multiplicando quantitatem bd per quantitatem a .

THEOREMA III.

Sectiones pyramidis basi parallelae sunt similes ipsi basi.

88. Pyramis ABD secetur plano basi BCDE parallelo, sitque *bede* illius sectio. Dico, hanc esse similem basi BCDE.

Demonstratio.

Cum enim pyramis ABD tot planis contineatur, quot sunt latera basis BCDE (§. 13.), & sectio duorum planorum sit recta linea (Lib VIII § 24.), tot rectis terminabitur sectio *bede*, quot rectis contineatur basis BCDE. Rursus cum planum secans sit parallellum basi, rectae DE, *de* erunt parallelae, sicuti etiam rectae CD, *cd* (§. 16.). Erit ergo DE ad *de*, & CD ad *cd*, ut AD ad Ad (Lib IX § 59.) ac proinde DE. *de* = CD. *cd* (Lib I. § 76.), & alternando *de*. *cd* = DE. CD (§ 125.). Eodem modo ostendimus, esse *dc*. *cb* = DC. CB. & *cb*. *be* = CB. BE, nec non *be*. *ed* = BE. ED. Ductis porro rectis *ce*, CE, cum plana BCDE, *bede* sint parallela, ipsaeque rectae *ce*, CE, in eodem plano consistent ACE, erunt inter se parallelae, cumque recta CE sit basis trianguli CAE, & recta *ce* duo ipsius latera dividat AC, AE, erit CE. *ce* = AC. Ae (Lib IX § 59.), adeoque CD. *cd* = CE. *ce*, cum sit etiam CD. *cd* = AC. ac. Quamobrem erit quoque *dc*. *ce* = DC. CE (Lib I. § 125.). Duo igitur triangula CED, *ced* habent latera sibi mutuo proportionalia, suntque propterea aequiangula (Lib IX § 70.), angulus nimirum *cde* aequalis est angulo CDE, qui proportionalibus lateribus continentur. Eodem modo demonstrabitur angulus *bed* aequalis angulo BCD, angulus *ebc* angulo EBC, & angulus *bed* angulo BED. Duo itaque plana BCDE, *bede* sunt inter se mutuo aequiangula, habentque latera circa aequales angulos proportionalia. Ergo sunt sibi mutuo similia (§. 1.). Sectiones igitur pyramidis &c. quod erat ostendendum.

S C H O L I O N.

89. Si pyramis sit trilatera, ut ABCD, ex eo tantum patet, sectionem *abc* basi BCD parallelam, similem esse ipsi basi, quod tria latera trianguli *abc* proportionalia sint tribus lateribus trianguli BCD (Lib IX § 71.).

COROLLARIUM.

Omnia elementa pyramidis sunt basi similia.

90. Determinantur enim sectionibus basi parallelis.

THEO.

THEOREMA IV.

Sectiones conï bafi parallelae funt circuli.

91. Conus BAD fecetur plano bafi BCD parallelo, fitque MN illius feçtio. Dico, hanc eſſe circulum.

Demonſtratio.

Cum enim cõnus fit pyramis infinitorum laterum (*Lib. IX §. 72.*), feçtio MN conï BAD bafi BCD parallela, erit ſimilis ipſi bafi BCD (*§. 88.*). Hæc *Fig. 9.* autem eſt circulus (*§. 31.*). Ergo circulus quoque erit feçtio MN. Itaque *Tab. 7.* feçtiones &c. quod erat oftendendum.

COROLLARIUM.

Coni elementa funt circuli.

92. Elementa ſiquidem conï determinantur feçtionibus bafi parallelis.

THEOREMA V.

Sectiones pyramidis bafi parallela decreſunt in ratione duplicata imminuta altitudinis.

93. Duo plana FGHK, MNPQ ſint feçtiones pyramidis ABD parallelæ illius bafi BCDE, adeoque etiam inter ſe. Altitudo vero ipſius pyramidis ſit recta Ae. Dico, feçtiones huiusmodi decreſcere in ratione *Fig. 8.* *Tab. 7.* duplicata imminuta altitudinis, videlicet feçtionem FGHK eſſe ad feçtionem MN PQ in ratione duplicata altitudinis Ae ad altitudinem Aa.

Cafus 1.

Cadat primo altitudo Ae ipſius pyramidis intra illius baſim.

Demonſtratio.

Secetur pyramis ipſa plano Aexx, in quo ipſius altitudo reperiatur i ſitque ab feçtio plani MNPQ, cd feçtio plani FGHK, & Af feçtio plani ADE. Cum igitur mutua duorum planorum feçtio ſit recta linea (*Lib. VII §. 24.*), & plana FGHK, MNPQ ſint per hypotheſim inter ſe parallela, parallelæ erunt rectæ cd, ab (*§. 26.*), ſicuti etiam rectæ HK.PQ. Quam obrem erit Ad. Ab = AH. AP (*Lib. IX §. 57.*). Eſt autem eandem ob cauſam Ac. Aa = Ad. Ab: Ergo erit quoque Ac. Aa = AH. AP.

B 2

Con:

Constat porro; esse $HK. PQ \equiv AH. AP$ (§. 59.). Ergo erit similiter $Ac. Aa \equiv HK. PQ$ (Lib. I §. 76.). Manifestum porro est, duo plana $FGHK, MNPQ$ esse inter se in ratione *duplicata* laterum HK, PQ (Lib. IX. §. 170.); cum ipsa plana sint similia, eorumque latera homologa sint duo HK, PQ . Ergo planum $FGHK$ erit ad planum $MNPQ$ in ratione quoque *duplicata* altitudinis Ac ad altitudinem Aa .

Casus II.

Fig. 19.
Tab. 7. Modo altitudo pyramidis ABD sit in uno ipsius plano triangulari ADE , nimirum altitudo sit recta Af . Dico, sectionem $FGHK$ esse ad sectionem $MNPQ$ in ratione *duplicata* altitudinis Ad ad altitudinem Ab .

Demonstratio.

Etenim iisdem positis, cum sit $Ad. Ab \equiv AH. AP$ (Lib. IX §. 57.); ob parallelismum scilicet rectarum Hk, PQ , sitque $HK, PQ \equiv AH. AP$ (§. 59.), erit quoque $Ad. Ab \equiv HK. PQ$ (Lib. I §. 76.). Sunt autem duo plana similia $FGHK, MNPQ$ in ratione *duplicata* suorum laterum homologorum HK, PQ (Lib. IX §. 170.). Ergo duo ipsa plana erunt similiter in ratione *duplicata* altitudinis Ad ad altitudinem Ab .

Casus III.

Altitudo demum datæ pyramidis cadat extra illius basim, altitudo nîc
Fig. 1. mirum pyramidis ABD sit recta AZ ; altitudo sectionis $FGHK$ sit recta
Tab. 8. An , & altitudo sectionis $MNPQ$ sit recta Am . Dico, sectionem $FGHK$ esse ad sectionem $MNPQ$ in ratione *duplicata* altitudinis An ad altitudinem Am .

Demonstratio.

Quandoquidem iisdem positis, cum segmenta cd, ab sint parallela, inter se quoque parallelæ erunt rectæ cn, am . Qambreorem erit An ad Am , ut Ad ad Ab (§. 57.), adeoque etiam ut HK ad PQ , cum scilicet ostensum fuerit, esse $HK. PQ \equiv Ad. Ab$. Sunt autem duo plana $FGHK, MNPQ$ in ratione *duplicata* laterum HK, PQ . Ergo erunt quoque in ratione *duplicata* altitudinis An ad altitudinem Am . Itaque sectiones pyramidis &c, quod erat ostendendum;

COROLLARIUM:

Elementa pyramidis decreſcunt in ratione duplicatâ imminuta altitudinis.

94. Cum enim elementa pyramidis determinentur sectionibus basi parallelis,

lis, sicuti hujusmodi sectiones decrefcunt in ratione *duplicata* imminutæ altitudinis, in eadem quoque ratione pyramidis elementa minuuntur.

Genesis pyramidis.

95. Pyramis oritur ex tali motu plani rectilinei; ut sibi semper sit parallelum, continuo uniformiter decrefcant in ratione *duplicata* imminutæ altitudinis ipsius pyramidis, ejusque centrum rectam lineam describat. Conspicitur nimirum pyramis ABD ex parallela elevatione figuræ planæ rectilineæ BCDE, ita tamen ut continuo uniformiter minuatur in ratione *duplicata* imminutæ altitudinis Ac ipsius pyramidis, atque ipsius figuræ centrum e rectam eA in hujusmodi motu describat. Hanc autem elevationem decrefcantis plani metitur altitudo ipsius pyramidis. Patet ex natura elementorum, quibus pyramidem constare diximus.

Fig. 19.
Tab. 7.

COROLLARIUM I.

96. Pyramis componitur ex tot planis rectilineis basi similibus, sibi mutuo; atque basi parallelis, continuo uniformiter apicem versus decrefcantibus, quot in illius altitudine puncta numerantur. Patet ex generi ipsius pyramidis.

COROLLARIUM II.

97. Hinc pyramis considerari potest, veluti factum ex ductu figuræ planæ rectilineæ, siue basis ipsius pyramidis continuo uniformiter decrefcantis, in altitudinem.

THEOREMA VI.

Si conus secetur plano per verticem ad basim traducto, sectio erit triangulum rectilineum.

98. Conus BAD secetur plano, quod transeat per verticem A, ejusque basim BCD dividat. Dico, hujusmodi sectionem BAD, vel EAF esse triangulum rectilineum.

Fig. 10.
Tab. 7.

Demonstratio.

Hæc enim sectio tribus rectis lineis AB, BD, DA, vel AE, EF, FA comprehensa. est. Nam duæ BD, EF sunt communes sectiones planorum secantium BAD, EAF, & basim BCD, quæ sunt lineæ rectæ (Lib. VIII. §. 24.). Duæ vero AB, AD, sicuti etiam duæ AE, AF sunt communes sectiones conicæ superficiei, atque eorundem planorum; ac proinde sunt eorundem lineæ congruentes illi rectæ, ex qua, dum movetur circa peripheriam circuli BCD, conica ipsa superficies BAD producit (Lib. III. §. 30.). Ergo sectiones BAD, EAF

Elem. Math. T. III.

B 3

sunt

sunt triangula plana rectilinea. Itaque si conus &c. quod erat ostendendum.

C O R O L L A R I U M.

*Sectionis per axim conus æquilateri est triangulum æquilaterum;
conus isosceles est triangulum isosceles; & conus scaleni
est triangulum scalenum.*

99. In sectione siquidem conus, quæ plano per illius axim traducto perficitur, recta ex sectione baseos determinata per illius centrum transit. Quamobrem sectio per axim conus æquilateri erit *triangulum æquilaterum*; conus isosceles erit *triangulum isosceles*; & conus scaleni erit *triangulum scalenum* (§. 32.).

T H E O R E M A V I L

*Sectiones conus cujusvisque basi parallela decrescunt in
ratione duplicata imminuta altitudinis.*

Fig. 7. 100. Conus BAD secetur plano basi BCD parallelo, sitque circulus MN
Tab. 7. illius sectio. Dico, sectionem MN minui supra basim BCD in ratione duplicata imminuta altitudinis, videlicet basim BCD esse ad sectionem MN in ratione duplicata altitudinis AE ad altitudinem AZ.

Demonstratio I.

Conus quicumque est pyramis infinitorum laterum (§. 72.). Sectiones autem pyramidis basi parallelæ decrescunt in ratione duplicata imminuta altitudinis (§. 93.). Ergo in eadem quoque ratione minuuntur sectiones conus, quæ sunt basi parallelæ.

Demonstratio II.

I

Conus BAD sit rectus. Secetur autem plano per verticem A, & centrum E basis BCD traducto, atque adeo per centrum Z sectionis, sive circuli MN transeunte (§. 31.). Itaque sectiones MZN, BED planorum circularium MN, BCD erunt rectæ lineæ (Lib. VIII. §. 24.); cumque hujusmodi rectæ transeant per centra circulorum MN, BCD ob hypothesim, erunt ipsorum circulorum diametri (Lib. VII. §. 7.). Sunt autem rectæ ED, MN parallelæ inter se (Lib. VIII. §. 26.), ob parallelismum scilicet planorum MN, BCD. Ergo, cum sectio BAD sit triangulum (§. 98.), duo triangula BAD, MAN erunt similia (Lib. IX §. 65.), eorumque latera BD, MN, utpote eidem angulo BAD opposita, erunt homologa (§. 67.). Erit ergo altitudo AE trianguli BAD
ad

ad altitudinem AZ trianguli MAN, ut est basis, five diameter BD circuli BCD ad basim, five ad diametrum MN circuli MN (§. 78.). Circulus autem BCD est ad circulum MN in ratione duplicata diametri BD ad diametrum MN (§. 186.). Ergo circulus BCD erit ad circulum MN in ratione quoque duplicata altitudinis AE ad altitudinis AZ; adeoque &c.

I I.

Esto modo conus obliquus *bad*, cujus altitudo sit recta *ag*. Secetur autem plano per verticem *a*, & centrum *e* basis *bed*, ut supra, tractato. Sectio *bad* erit triangulum (§. 98.), duoque triangula *bad*, *man* erunt similia ob parallelismum rectarum, five sectionum *bd*, *mn*, quemadmodum supra Fig. 8.
Tab. 7. demonstravimus; eorumque latera homologa erunt ipsæ rectæ *bd*, *mn*, diametri nimirum basis *bd*, *mn*, quemadmodum supra demonstravimus, eorumque latera homologa erunt ipsæ rectæ *bd*, *mn*, diametri nimirum basis *bd*, & sectionis *mn*. Erit igitur altitudo *ag* trianguli *bad* ad altitudinem *ax* trianguli *man*, ut est latus *bd*, five diameter basis *bed* ad latus *mn*, five ad diametrum sectionis conicæ basi parallelæ *mn* (*Lib IX.* §. 78.). Est autem basis *bed* ad sectionem *mn* in ratione duplicata diametri *bd* ad diametrum *mn* (§. 186.). Ergo basis *bed* erit sectionem *mn* in ratione tandem duplicata altitudinis *ag* ad altitudinem *ax*. Itaque sectiones conii &c. quod erat ostendendum.

C O R O L L A R I U M.

Coni elementa decrescunt in ratione duplicata imminuta altitudinis.

101. Elementa siquidem conii sunt circuli basi paralleli.

Genesis conii.

102. Oritur conus ex tali motu circuli, ut sibi semper sit parallelus, continuo uniformiter minuatur in ratione duplicata imminutæ altitudinis, ejusque centrum rectam lineam a conii axe minime diversam describat. Sic conus ABCD confurgit ex parallela elevatione circuli BCD continuo uniformiter decrescens in ratione duplicata imminutæ altitudinis AE, & quidem tali lege, ut centrum E circuli genitoris in axe AE ipsius conii continuo reperitur. Patet ex natura elementorum, quibus conus ipse componitur. Fig. 7.
Tab. 7.

C O R O L L A R I U M I.

103. Confurgit propterea conus quicumque ex tot circulis basi, sibi quæ mutuo parallelis, continuo apicem versus uniformiter decrescens, quod in illius altitudine puncta numerantur.

COROLLARIUM II.

104. Hinc conus considerari potest veluti factum ex multiplicatione circuli basis, continuo uniformiter in ratione duplicata imminuta altitudinis decrescen-
tis, per ipsius altitudinem.

THEOREMA VIII.

Si duæ pyramides ejusdem generis secentur planis, quæ sint earundem basibus, parallela, atque ipsarum altitudines, proportionaliter dividant, sectiones hujusmodi erunt directæ inter se, ut ipsarum pyramidum bases.

Fig. 2. 105. Duæ pyramides trilateræ ABCD, abcd secentur planis EFK, esk, quæ
Fig. 3. parallela sint basibus BCD, bcd, earumque altitudines AN, an proportiona-
Tab. 8. liter dividant in punctis M, m, ita nimirum ut sit an ad am, ut est AN
ad AM. Dico, sectionem EFK esse ad sectionem esk, ut est basis BCD ad
basim bcd.

Demonstratio.

Cum ex hypothese sectiones EFK, esk sint basibus BCD, bcd parallelæ; erit basis BCD ad sectionem EFK in ratione duplicata altitudinis AN ad altitudinem AM, quemadmodum etiam basis bcd ad sectionem esk in ratione duplicata altitudinis an ad altitudinem am (§. 100.). Posuimus autem, rationem altitudinis an ad altitudinem am eandem esse cum ratione altitudinis AN ad altitudinem AM. Ergo ratio quoque basis bcd ad sectionem esk eadem erit cum ratione basis BCD ad sectionem EFK, erit nempe $BCD.EFK = bcd.esk$. Igitur alternando erit quoque $EFK.esk = BCD.bcd$ (Lib. I. §. 125.), sive sectio EFK ad sectionem esk, ut est basis BCD ad basim bcd. Itaque si duæ pyramides &c. quod erat ostendendum.

COROLLARIUM I.

Si duæ pyramides ejusdem generis aequalium basium, sed inæqualium altitudinum secentur planis, quæ sint illarum basibus parallela, & altitudines proportionaliter dividant, eorum sectiones erunt æquales.

Fig. 2. 106. Æquales nimirum erunt sectiones EFK, esk pyramidum ABCD;
Fig. 3. abcd, si bases BCD, bcd æquales fuerint, & altitudo AN ad altitudinem
Tab. 8. AM, ut altitudo an ad altitudinem am. Cum enim sectiones EFK, esk
futuræ hoc ipso sint inter se, ut bases BCD, bcd, quemadmodum bases per
hypothese sunt æquales, ipse quoque sectiones erunt æquales.

COROLLARIUM II.

Si dua pyramides ejusdem generis equalium basium, & altitudinum ad eandem altitudinem planis, quæ sint earum basibus parallela, dividantur, earum sectiones erunt æquales.

107. Ut si pyramides triangulares *abcd*, *ABCD* æquales habentes bases *bcd*, *BCD*, & altitudines *an*, *AN* secentur ad æquales altitudines *Am*, *Fig. 3.* *AM* planis *efk*, *EFK*, quæ sint earum basibus parallela, sectiones ipsæ *Fig. 4.* *efk*, *EFK* erunt æquales. Hujusmodi namque sectiones sunt directæ inter *Tab. 8.* se, ut bases (§. 105.).

THEOREMA IX

Si duo conî secentur planis, quæ eorum basibus sint parallela, ipsorumque altitudines proportionaliter dividant, sectiones erunt directæ, ut ipsæ bases.

108. Coni *ABC*, *MNO* secentur planis *DE*, *QR*, quæ sint basibus *BC*, *Fig. 5.* *NO* parallela, altitudines vero *AL*, *MP* proportionaliter dividant, sit *Fig. 6.* *Tab. 8.* mirum *MP* ad *MY*, ut *AL* ad *AK*. Dico, sectiones *DE*, *QR* esse directæ inter se, ut bases *BC*, *NO*.

Demonstratio I.

Conus est pyramis infinitorum laterum (§. 78.). Ergo quemadmodum in pyramidibus, ita in conis sectiones, quæ fiunt planis eorum basibus parallelis, ipsorumque altitudines proportionaliter dividantibus sunt, directæ inter se, ut ipsæ bases.

Demonstratio II.

Cum enim conicæ sectiones basi parallelæ sint circuli (§. 91.), itque decreascent in ratione duplicata imminutæ altitudinis (§. 100.), erit basis *NO*, ad sectionem *QR*, ut est basis *BC* ad sectionem *DE* (posita est enim altitudo *MP* ad altitudinem *MY*, ut est altitudo *AL* ad altitudinem *AK*). Ergo alternando erit sectio *DE* ad sectionem *QR*, ut est basis *BC* ad basim *NO* (*Lib. I.* §. 115.). Itaque si duo conî &c. quod erat ostendendum.

COROLLARIUM I.

Si duorum conorum bases fuerint æquales, & plana basibus parallela, quibus secantur, eorum altitudines inæquales proportionaliter dividerint, eorum sectiones erunt æquales.

109. Ut si basis BC coni ABC æqualis fuerit basi NO. coni MNO, & Fig. 5. inæquales altitudines AI, MP proportionaliter sectæ fuerint in punctis K, Y Fig. 6. planis DE, QR quæ sint eorum basibus parallela, sectiones ipsæ DE, QR Tab. 8. erunt æquales. Sunt enim sectiones huiusmodi directe inter se, ut ipsæ bases.

COROLLARIUM II.

Si duo coni æqualium basium, & altitudinum ad eandem altitudinem planis eorum basibus parallelis secti fuerint, eorum sectiones erunt æquales.

110. Si nimirum coni ABD, abd æqualium basium BCD, bcd, & a titudinum AE, ag ad eandem altitudinem ax secti fuerint planis MN, mn, Fig. 7. quæ sint eorum basibus parallela, sectiones ipsæ MN, mn erunt æquales. Tab. 7. Circuli namque sectionum MN, mn sunt directe inter se, ut circuli basium BCD, bcd.

THEOREMA X.

Si cylindrus secetur plano, quod vel transeat per centra circulorum, quibus terminatur, vel illius axi parallelum existat, sectio erit parallelogrammum.

I.

111. Cylindrus ACDB secetur plano, & quidem primo, quod per Fig. 7. centra m, n transeat circulorum AB, CD, quibus cylindrus terminatur Tab. 8. sitque illius sectio ACDB. Dico hanc esse parallelogrammum.

Demonstratio.

Mutua sectio plani secantis, & circuli AB, sicuti etiam circuli CD, est recta linea (Lib. VIII. §. 24.) Huiusmodi quoque sunt sectiones cylindricæ superficiei, & plani, ut ex genesi ipsius superficiei est manifestum. Sectio itaque cylindri quatuor rectis AC, CD, DB, BA terminatur. Duæ autem rectæ AB, CD æquales sunt (§. 36.), & parallelæ (Lib. VIII. §. 26.) Ergo duæ quoque AC, BD æquales erunt (Lib. V. §. 75.), & parallelæ (§. 88.) atque ideo sectio ACDB erit parallelogrammum. (Lib. VI. §. 8.)

II.

112. Secetur modo cylindrus ACDB plano $acdb$, quod sit ipsius axi mn parallelo. Dico sectionem quoque $acdb$ esse parallelogrammum.

Demonstratio.

Etenim huiusmodi quoque sectio $acdb$ rectis lineis terminatur. Id enim eodem modo ostendetur, quo idipsum ostensum est de sectione ACDB. Dux enim ab , cd æquales sunt inter se, (Lib. VII. §. 60.) utpote æqualiter distantes per hypothesin a centro sui circuli AaB , CdD respective. Suntque insuper parallele, cum paralleli sint circuli AaB , CdD , in eodemque plano secante ambæ consistent. Ergo dux quoque ac , bd æquales erunt inter se, (Lib. V. §. 75.) & parallele (Ibid. §. 88.): ac proinde sectio $acdb$ erit parallelogrammum (Lib. VI. §. 8.) Si ergo cylindrus secetur plano &c. quod erat ostendendum.

T H E O R E M A X I

Omnia cuiusvis cylindri latera sunt ejusdem axi æqualia.

113. Recta AC sit latus cylindri Ad, cujus axis sit recta mn . Duo, rectas AC, mn esse inter se æquales.

Demonstratio.

A centro m circuli AaB ad extremum A ducatur radius mA , & a centro n circuli Cd ad extremum C radius nC . Quoniam igitur dux rectæ AC, mn sunt parallele (§. 37.), erunt in plano (Lib. VIII. §. 18.) ac proinde in eodem itidem plano erunt dux mA , nC . Dux autem mA , nC sunt æquales ob æqualitatem circulorum AaB , Cd , & parallele inter se ob eorundem circulorum parallelismum (Ibid. §. 26.) Ergo dux quoque rectæ AC, mn sunt inter se æquales (Lib. V. §. 75.) Itaque omnia cuiusvis cylindri &c. quod erat ostendendum.

Fig. 7.
Tab. 3.

C O R O L L A R I U M.

Omnia cuiusvis cylindri latera sunt inter se æqualia.

114. Cum enim omnia sint æqualia ejusdem axi, inter se quoque erunt æqualia (Synop. Alg. §. 259.)

THEO.

THEOREMA XII

Polyedrum quodcunque resolvi potest in tot pyramides, quot sunt illius planar

115. Esto polyedrum ABC. Dico, ipsum in tot pyramides resolvi posse, quot sunt plana ALa, Aac, AcN &c. quibus terminatur.

Demonstratio.

Fig. 14. Tab. 7. Etenim si ex puncto in illius area sumto ducantur rectæ ad apices A, L, B, a, b M &c. solidorum omnium angulorum, quos plana ipsa constituunt, perspicuum est, tot hinc pyramides designari, quot sunt ipsa plana, omnesque hujusmodi pyramides simul sumtas polyedrum ipsum æquare (Syn. Alg. §. 256.). Ergo &c. Itaque polyedrum &c. quod erat ostendendum.

THEOREMA XIII

Unius sphaera unicūm est centrum.

116. Punctum E sit centrum sphaeræ ABCD. Dico, nullum aliud punctum in ipsa sphaera sumi posse, quot sit illius centrum.

Demonstratio.

Fig. 15. Tab. 7. Coincidit cum demonstratione theorematis 1. lib. VII., ut enim omnes radii circuli, ita omnes sphaeræ radii sunt inter se æquales (§. 56.).

THEOREMA XIV.

Si radius sphaeræ rectam lineam in sphaera extra illius centrum ductam ad perpendicularum secuerit, bisariam illam secabit. Et vicissim, si bisariam rectam ipsam secuerit, ad perpendicularum illi incumbet.

117. Radius Kb sphaeræ AGB ad perpendicularum, sive ad rectos angulos dividat rectam AB extra illius centrum K cadentem. Dico, rectam AB bisariam ab ipso radio dividi. Vicissim vero ad rectos angulos rectam ipsam AB ab eodem radio secari, si bisariam ab eodem divisa fuerit.

Demonstratio.

Fig. 8. Tab. 7. Eadem est quoad utramque partem cum demonstratione theorematis 3. lib. VII.

THEO.

THEOREMA XV.

*In sphaera aequales rectae linea aequaliter ab illius centro distant;
& quae aequaliter ab illius centro distant, sunt aequales.*

118. In sphaera AGHB sint duae rectae aequales AB, EF. Dico, eas aequaliter distare ab illius centro K. Vicissim vero eas aequales esse inter se, si eadem fuerit utriusque distantia ab ipso centro. Fig. 8.
Tab. 8.

Demonstratio.

Utraque pars demonstratur eodem modo, quo ostensum est theorema 11; lib. VII.

THEOREMA XVI.

*Recta in sphaera, quae per centrum transit, est omnium maxima;
Aliarum vero propinquior centro remotiore maior est.*

119. In sphaera AGHB quamplures habeantur rectae lineae CD, EF, GH, quarum CD transeat per centrum K ipsius sphaerae; aliarum vero recta EF proximior sit centro K, quam recta GH. Dico, rectam CD esse omnium maximam, rectam vero EF maiorem esse recta GH. Fig. 8.
Tab. 8.

Demonstratio.

Coincidit quoad utramque partem cum demonstratione theorematum 11; lib. VII.

COROLLARIUM I.

Diameter sphaerae maxima est omnium rectarum, quae in ipsa sphaera duci possunt.

120. Sola enim diameter per sphaerae centrum transit (§. 54.):

COROLLARIUM II.

Maxima rectarum, quae in sphaera duci possunt, per illius centrum transit:

121. Etenim si secus, recta per centrum transiens non esset omnium maxima.

THEO:

THEOREMA XVII.

Si sphaera planum tangat, & a centro ipsius sphaera ad punctum contactus recta ducatur, erit ipsi plano perpendicularis.

112. Sphaera ABC tangat planum FG in puncto B, ad quod a centro D ipsius sphaerae ducatur recta DB. Dico, rectam DB plano FG ad perpendicularum incumbere.

Demonstratio.

Fig. 9. Coincidit cum demonstratione theorematum 6. lib. VII. Enimvero, si re-
Tab. 8. cta DB non est perpendicularis plano FG, perpendicularis sit ipsi plano recta DE. Manifestum est autem, rectam DE majorem esse recta DB, cum segmentum Da ipsius DE aequet rectam DB (§. 56.). Ergo recta perpendicularis DE non est minima omnium rectarum, quae a puncto D in planum FG cadere possunt. Hoc autem fieri nequit (Lib. VIII §. 16.). Igitur recta DE non est plano FG perpendicularis, eandemque ob causam nulla alia diversa a recta DB. Si ergo sphaera &c. quod erat ostendendum.

COROLLARIUM I.

Sphaera tangens planum in uno dumtaxat puncto ipsum tangit.

113. Etenim si secus, plures rectae lineae ab eodem puncto in planum cadentes, eidem plano ad perpendicularum incumbere, quod omnino repugnat (§. 15.).

COROLLARIUM II.

Sphaera exterius sphaeram tangens in uno tantum puncto ipsam tangit.

Fig. 10. 114. Non enim potest sphaera AB tangere sphaeram CD in duobus simul
Tab. 8. punctis m, a, quin utraque in illis simul punctis tangat planum EF, ut est manifestum.

S C H O L I O N.

115. Ex eo, quod sphaerae, & plani contactus in uno dumtaxat fiat puncto, ratio repetenda est, cur sphaera super planum apprime politum consistens, ad lectum vel levissimum quoquoersus moveatur.

THEO.

THEOREMA XVIII.

Recta conjungens centra duarum sphaerarum se se mutuo tangentium transit per punctum mutui contactus.

126. Dux sphaeræ AB, CD se se mutuo exterius tangant in puncto *a*. Harum autem sphaerarum centra *x*, *y* jungantur recta linea. Dico, hanc transire per punctum contactus *a*.

Demonstratio.

Si enim fieri potest, hujusmodi recta transeat extra punctum mutui contactus, sitque *xmy*. Ab utroque autem centro *x*, *y* ad punctum *a* ducantur rectæ *xa*, *ya*, & per idem punctum *a* transeat planum EF, quod in eodem puncto tangat utramque sphaeram AB, CD. Quoniam igitur utraque *ya*, *xa* perpendicularis est plano EF (§. 122.) perpendicularis quoque erit rectæ EF in eodem plano positæ (Lib. VIII. §. 2.), ac proinde recti erunt anguli Eay, Eax (Lib. III. §. 23.). Ergo dux *xa*, *ya* sunt in directum positæ (§. 49.), seu unam eandemque rectam lineam constituunt *xay*. Recta autem posita est etiam linea *xmy*. Igitur dux rectæ *xay*, *xmy* spatium concludunt. Id porro fieri nequit (Lib. IV. §. 7.). Ergo linea *xmy* non est recta, eademque ratione nulla alia, quæ ducta a centro *x* ad centrum *y* transeat extra punctum contactus *a*. Recta itaque conjungens &c. quod erat ostendendum.

Fig. 10.
Tab. 8.

THEOREMA XIX.

Si sphaera planum tangat, & a puncto contactus recta intra ipsam sphaeram excutetur plano perpendicularis, erit in illa centrum ipsius sphaera.

127. Sphaera ABC tangat planum FG in puncto B, a quo intra ipsam sphaeram excutetur recta perpendicularis BD. Dico, rectam BD transire per centrum ipsius sphaeræ.

Demonstratio.

Si enim fieri potest, centrum sphaeræ sit extra ipsam perpendicularem BD, sitque illud punctum *b*. Ducta ergo a centro *b* ad punctum contactus B recta *bB*, hæc erit plano FG perpendicularis (§. 122.). Eidem autem plano etiam recta BD posita est perpendicularis. Ergo dux rectæ *bB*, *BD* sunt simul plano FG perpendiculares. Id porro repugnat (Lib. VIII. §. 14.). Ergo punctum *b* non est centrum sphaeræ ABC, & eandem ob causam nullum aliud extra rectam BD. Recta igitur BD transit per centrum sphaeræ ABC; atque adeo si sphaera &c. quod erat ostendendum.

Fig. 7.
Tab. 8.

ELE.

ELEMENTORUM MATHEMATICORUM

LIBER XII.

De circulis sphæræ.

EA circulorum sphæræ symptomata hoc in libro demonstramus, quorum cognitio ad illorum intelligentiam necessaria est, quæ de sphæra mundi, deque astrorum motibus in Astronomia traduntur.

DEFINITIO I.

Fig. 15.
Tab. 7. 1. *Axis sphæræ est recta linea per illius centrum ducta, & utrinque ad ejsdem superficiem terminata, circa quam penitus quiescentem sphæra rotari intelligitur. Ut si sphæra ABCD revolvatur circa rectam BD per illius centrum traductam, ac interim omnino quiescentem, recta BD erit axis ipsius sphæræ ABCD.*

COROLLARIUM.

2. *Axis sphæræ est etiam illius diameter. Verum non omnis diameter sphæra axis dici potest. Axis enim, quemadmodum diameter, per sphæræ centrum transit, & utrinque in illius superficiem definit. At sphæra non circa quancumque diametrum, sed circa unam tantum revolvitur.*

DEFINITIO II.

3. *Poli sphæræ, qui illius etiam cardines vocantur, sunt puncta extrema axis. Ut si axis sphæræ ABCD sit recta BD, poli ipsius sphæræ erunt duo puncta B, D.*

COROLLARIUM.

4. *Poli sphæræ sunt duo puncta sumta in illius superficie, sibi mutuo ex diametro opposita, atque ad motum sphæræ penitus immobilia. Sunt enim extrema axis, qui per centrum transit, & ad motum sphæræ omnino quiescit.*

D E.

DEFINITIO III.

5. Circuli sphaera dicuntur illi, quorum peripheria in ipsius sphaera superficie reperitur. Hujusmodi sunt circuli BFDE, GH in sphaera ABCD. Fig. 11.
Tab. 8.

DEFINITIO IV.

6. Polus circuli in sphaera descripti est punctum sumtum in superficie sphaera, a quo omnes rectae ad illius peripheriam ductae, sunt inter se aequales. Fig. 11.
Tab. 8.
Ut si rectae AB, AD, omnesque aliae, quae duci possunt a puncto A in peripheriam circuli BFD, fuerint aequales, punctum A erit polus circuli BFD. Itadem ratione alter ejusdem circuli polus erit punctum C, si rectae BC, CD, quemadmodum etiam ceterae omnes a puncto C ductae in peripheriam ipsius circuli BFD, aequales inter se fuerint.

COROLLARIUM I.

7. Polus circuli in sphaera positi est illud punctum sumtum in superficie sphaera, ex quo, veluti centro, ipsius circuli peripheria in sphaera descripta est.

COROLLARIUM II.

8. Poli sphaera erunt etiam poli circuli in ea descripti, si omnes rectae ductae a poli sphaera in peripheriam ipsius circuli, fuerint inter se aequales. Nimirum si puncta A, C fuerint poli sphaerae ABCD, erunt etiam poli circulorum GH, BFD, si rectae AG, AH, GC, CH aequales inter se fuerint, quemadmodum etiam rectae AB, AD, CB, CD. Fig. 11.
Tab. 8.

DEFINITIO V.

9. Axis circuli in sphaera descripti est recta ducta ab uno in alterum polum ipsius circuli. Ut si puncta A, C fuerint poli circuli GH, recta AC erit illius axis. Fig. 11.
Tab. 8.

COROLLARIUM I.

10. Si poli circuli in sphaera descripti diversi non fuerint a poli sphaera; axis sphaera erit etiam axis ipsius circuli. Neque enim possunt esse iidem poli, nisi idem quoque sit utriusque axis.

COROLLARIUM II.

11. Si axis circuli sphaera sit etiam axis ipsius sphaera, iidem quoque erunt utriusque poli. Sunt enim poli extrema axis.

Elem. Math. T. III.

C

Co-

COROLLARIUM III.

12. Idem est axis omnium circularum sphaera, quibus iidem sunt poli: Quippe axis est recta ducta a polo ad polum.

COROLLARIUM IV.

13. Circuli in sphaera, quorum idem est axis, eosdem polos habent. Etenim axis cuiusvis circuli in illius polos definit.

DEFINITIO VI.

Fig. 11. Tab. 8. 14. Ille circulus in sphaera aequaliter distare dicitur ab utroque polo ipsius sphaera, cum omnes rectae ductae ab uno ipsius sphaera polo in illius peripheriam, aequales sunt tum inter se, tum rectis omnibus, quae ab altero polo in eandem peripheriam cadere possunt. Ut si poli sphaerae ABCD fuerint duo puncta A, C, & aequales fuerint rectae AB, AD tum inter se, tum rectis CB, CD, quae ab ipsis polis in circuli BFD peripheriam cadunt, circulus BFD aequaliter distare dicitur a polis A, C ipsius sphaerae.

COROLLARIUM I.

15. Poli circuli in sphaera ab utroque polo ipsius sphaera aequaliter distantis, diversi non sunt a polis eiusdem sphaerae. Aequales namque sunt omnes rectae, quae ab utroque sphaerae polo in ipsius circuli peripheriam cadunt. Ergo iidem erunt utriusque poli (§. 8.).

COROLLARIUM II.

16. Axis circuli aequaliter distantis ab utroque polo sphaera est etiam axis ipsius sphaerae. Cum enim iidem sint utriusque poli (§. 15.), idem quoque erit utriusque axis (§. 10.).

DEFINITIO VII.

Fig. 13. Tab. 7. 17. Duo circuli in sphaera aequaliter distare dicuntur ab illius polis, cum omnes rectae ductae ab uno polo in unius peripheriam aequales sunt tum inter se, tum omnibus rectis, quae ab altero polo in alterius peripheriam cadunt. Ut si duo circuli BF, CE ita se habuerint in sphaera ABE, ut omnes rectae AB, AF ductae a polo A sphaerae in peripheriam circuli BF aequales fuerint tum inter se, tum rectis omnibus, quae a polo D eiusdem sphaerae in circuli CE peripheriam cadunt, duo circuli BF, CE aequaliter distantes erunt a polis A, D ipsius sphaerae.

COROLLARIUM I.

18. Poli sphaera sunt etiam poli omnium illorum circulorum, qui ab illis aequaliter distant. Aequales enim sunt rectae, quae ab ipsis polis in illorum circulorum peripheriam cadunt, prout requiritur, ut sint eorundem poli (§. 8.).

COROLLARIUM II.

19. Omnium circulorum, qui aequaliter distant a polis sphaerae, iidem sunt poli. Omnium enim poli sunt poli sphaerae (§. 18.).

COROLLARIUM III.

20. Axis circulorum, qui aequaliter distant a polis sphaerae, ab axe ipsius sphaerae minime distinguuntur. Neque enim potest eorum axis esse diversus, si iidem sunt poli (§. 12.).

COROLLARIUM IV.

21. Idem est axis omnium illorum circulorum, qui aequaliter distant a polis sphaerae. Horum quippe omnium axis est axis ipsius sphaerae (§. 10.).

DEFINITIO VIII.

22. Ille circulus in sphaera vocatur obliquus, in cuius peripheriam cadunt inaequales rectae lineae ab utroque polo ipsius sphaerae. Ut si puncta A, D fuerint poli sphaerae ABCD, circulus BEC erit in illa obliquus; quia inaequales sunt rectae AB, AC, quae a polo A in illius peripheriam cadunt.

Fig. 12.
Tab. 8.

COROLLARIUM I.

23. Poli circuli in sphaera obliqui diversi sunt a polis sphaerae. Ut enim iidem sint poli, aequales debent esse rectae, quae ab utroque sphaerae polo in ipsius circuli peripheriam cadunt (§. 8.).

COROLLARIUM II.

24. Axis circuli in sphaera obliqui diversus est ab axe sphaerae. Quippe ut idem sit axis, iidem debent esse poli (§. 10.).

DEFINITIO IX.

25. Distantia circuli in sphaera a suis polis, est arcus circuli per ipsius circuli polos transiens, inter illius peripheriam, eiusque polos comprehensus. Ut si pun-

Tab. 14. puncta A, C fuerint poli circuli BEDF in sphaera ABCD, distantia ipsius
Fig. 8. circuli a suo polo A erit arcus AB circuli ABCD transeuntis per utrum-
que polum A, C, comprehensus inter polum A, & ipsius circuli periphe-
riam. Distantia vero ejusdem ab altero polo C, erit arcus BC ejusdem circuli.

COROLLARIUM.

26. Tot ergo graduum, & minutorum erit distantia cujusvis circuli in sphaera
a suis polis, quot gradus, & minuta sunt in arcu, qui illius distantiam metiuntur.
Nimirum tot graduum, & minutorum erit distantia circuli BEDF a suo po-
lo A, quot sunt gradus, & minuta in arcu AB circuli ABCD, penes quem
hujusmodi distantia spectatur.

DEFINITIO X.

27. Duo circuli in sphaera aequaliter ab illius centro distare dicuntur, cum
recta perpendicularis ducta a centro sphaera in plana ipsorum circulorum sunt
inter se aequales. Dicuntur vero inaequaliter distare ab ipso centro, cum
Fig. 13. recta hujusmodi sunt inaequales, ita nimirum, ut ille magis distet, in cujus
Tab. 8. planum ab ipso centro major perpendicularis cadit. Ut si perpendiculares xa,
xd ductae a centro x sphaerae ACE in plana circulorum BF, CE, fuerint
aequales, circuli BF, CE aequaliter distabunt a centro x ipsius sphaerae. Si
vero recta xa major fuerit, quam recta xd, distantia circuli BF a centro
x distantiam circuli CE ab eodem centro superabit.

DEFINITIO XI.

28. Unus circulus in sphaera alterum orthogonaliter secare dicitur, cum unius
planum alterius circuli planum ita dirimit, ut non magis in unam, quam in
alteram partem inclinet. Dicitur vero secare oblique, cum eadem ubique non
Fig. 14. est unius in alterum inclinatio. Orthogonaliter itaque circulus AECF secat
Fig. 12. circumulum BEDF in sphaera ABCD, quia planum circuli AECF ita dirimit
Tab. 8. planum circuli BEDF, ut segmentum circulare EAF ad perpendicularum pla-
no circuli BEDF insitit. Contra vero circulus DEAF oblique secat cir-
culum BECF; quia ita illum dissecit, ut segmentum circulare EAF ob-
lique plano circuli BECF incumbat.

DEFINITIO XII.

29. Circuli in sphaera paralleli vocantur illi, quorum plana sunt inter se parallela:
Fig. 15. Ut si planum circuli BF parallelum fuerit plano circuli CE, duo circuli BF,
Tab. 8. CE in sphaera ABE erunt paralleli.

COROLLARIUM.

30. *Peripheria circulorum in sphaera parallelorum sunt inter se parallela.* Nisi enim peripheriæ circulorum parallelorum in sphaera sint inter se parallela, eorum plana nequeunt esse sibi mutuo parallela.

DEFINITIO XIII.

31. *Anguli sphaerales sunt illi, qui in sphaera superficie a peripheriis duorum circulorum ipsius sphaera se mutuo secantium in ea producuntur.* Ut si peripheria circuli BED secet in puncto E peripheriam circuli AEC in sphaera AEC, anguli BEA, AED, CED, BEC in illius superficie producti, *sphaerales* vocantur. Et si autem arcus omnium circulorum tam maximorum, quam non maximorum sphaeræ *angulos sphaericos* in illius superficie constituere possint, verumtamen si tantummodo anguli in sphaera spectantur, qui a peripheriis circulorum maximorum in ejus superficie producuntur. Hi ergo dividi solent in *rectos*, *acutos*, & *obtusos*, ut de angulis planis rectilineis alibi diximus.

DEFINITIO XIV.

32. *Angulus sphaeralis rectus est ille, qui fit in superficie sphaeræ a peripheriis duorum circulorum maximorum sese mutuo orthogonaliter secantium.* Ut si in sphaera ABCD duo circuli maximi BEDF, AECF sese orthogonaliter secent, anguli AEB, AED, CEB, CED ab eorum peripheriis in illius superficie producti, erunt anguli sphaerales recti.

DEFINITIO XV.

33. *Angulus sphaeralis acutus est ille, qui minor est recto. Angulus vero sphaeralis obtusus est ille, qui rectum superat.* Sphaeralis acutus est angulus AEB; obtusus vero angulus AEC. Quemadmodum ergo duo circuli in sphaera maximi, cum orthogonaliter sese mutuo secant, quatuor rectos angulos in puncto sectionis efficiunt, ita si oblique sese dispescant, binos angulos sphaerales acutos, totidemque obtusos in communi sectionis puncto constituunt.

DEFINITIO XVI.

34. *Mensura anguli sphaeralis a duobus circulis in sphaera maximis sese mutuo intersecantibus producti, est arcus circuli circa sectionis punctum in ipsa sphaera descripti, inter arcus angulum ipsum constituentes comprehensus.* Sic mensura anguli sphaeralis BEA est arcus BA circuli ABCD descripti in ipsa sphaera circa punctum E, comprehensus inter arcus BE, AE, qui angulum ipsum BEA constituunt.

COROLLARIUM.

Fig. 14.
Tab. 8. 35. *Angulus sphaeræ productus a duobus circulis in sphaera maximis erit tot graduum, & minorum, quot gradus, & minuta complectitur arcus circuli circa sectionis punctum in sphaera descripti, inter arcus angulum ipsum constituentes comprehensus. Tot nimirum graduum, & minorum erit angulus sphaeræ BEA, quot gradus, & minuta complectitur arcus BA, qui ipsius anguli quantitatem determinat.*

DEFINITIO XVII.

Fig. 13.
Tab. 5. 36. *Distantia a se mutuo duorum circulorum sphaera eisdem polos habentium est arcus circuli per ipsorum polos transeuntis, inter peripherias ipsorum circulorum comprehensus. Ut si duo circuli BF, CE eisdem polos habeant A, D, per quos transeat circulus ABDF, mensura distantiae circuli BF a circulo CE erit arcus BC ipsius circuli ABDF, qui inter peripherias ipsorum circulorum BF, CE continetur.*

COROLLARIUM.

37. *Tot graduum, & minorum est distantia duorum circulorum a se mutuo, quorum iidem sint poli, quot gradus, & minuta sunt in arcu, qui ipsorum distantiam metitur. Sic tot graduum, & minorum est distantia a se mutuo duorum circulorum BF, CE, quot sunt gradus, & minuta in arcu BC.*

THEOREMA I.

Si sphaera secetur plano quomodocunque, communis sectio sphaerae, & plani erit circulus.

I.

38. *Sphaera ABCD secetur plano, quod per illius centrum G transeat, sitque communis sectio BEDF. Dico, hanc esse circulum.*

Demonstratio.

Fig. 14.
Tab. 8. A centro G sphaerae ad curvam BEDF in plano sectionis BEDF ducantur rectae GE, GH, GD, GF, & aliae quotcumque. Cum igitur punctum G sit centrum sphaerae ABCD, rectaeque GE, GH, GD, GF ipsius radii (*Lib. XI. §. 55.*), erunt omnes inter se aequales (*§. 56.*). Ergo sectio BEDF est circulus (*Lib. VII. §. 1.*).

II.

I I.

39. Secetur modo sphaera ABE plano CE extra illius centrum x tradu-
cto. Dico, sectionem quoque CbE esse circulum. Fig. 11.
Tab. 8.

Demonstratio.

A centro x ipsius sphaerae ad planum sectionis CE ducatur recta perpen-
dicularis xd . A puncto vero d ad extremum plani CE rectae ducantur dC ,
 db , dE , & jungantur puncta x , C , x , b , x , E , rectis xC , xb , xE .
Quoniam igitur recta xd perpendicularis est plano CE, perpendicularis iti-
dem erit rectis dC , db , dE (Lib. VIII. §. 2.), atque ideo recti erunt anguli
 xdC , xdb , xdE (Lib. III. §. 23.), & triacula xdC , xdb , xdE erunt rectan-
gula (Lib. V. §. 29.). Quamobrem quadrata laterum xd , dC aequalia erunt
quadrato hypotenusae xC , sicuti etiam quadrata laterum xd , db quadrato hy-
potenusae xb (Lib. VI. §. 37.). Sunt autem quadrata rectarum xC , xb aequa-
lia (Lib. I. §. 187.); cum lineae ipsae xC , xb , utpote sphaerae radii sint inter
se aequales (Lib. XI. §. 56.). Ergo quadrata itidem laterum xd , dC simul
sumta aequalia erunt quadratis laterum xd , db (Syn. Alg. §. 265.). Ablato
propterea communi quadrato lateris xd , erit quadratum lateris dC quadra-
to lateris db aequale (§. 266.). Quadrata autem aequalia habent latera aequa-
lia (Lib. I. §. 187.). Ergo recta dC rectam db aequabit. Eodem modo osten-
dam, duas quoque db , dE esse aequales. Igitur aequales sunt inter se tres
rectae dC , db , dE (Syn. Alg. §. 259.), eandemque ob causam omnes rectae,
quae a puncto d in curvam CE duci possunt; ac proinde sectio CbE erit
circulus (Lib. VII. §. 1.). Si ergo sphaera &c. quod erat ostendendum.

C O R O L L A R I U M I.

*Centrum circuli in sphaera, qui per ipsius sphaera centrum transit,
diversum non est a centro ipsius sphaera.*

40. Ostensum est enim, punctum G, quod est centrum sphaerae ABCD, Fig. 14.
Tab. 8.
centrum quoque esse circuli BEDF, qui per ipsius sphaerae centrum transit.

C O R O L L A R I U M III.

*Diameter circuli per sphaera centrum transeuntis est etiam
diameter ipsius sphaera.*

41. Cum enim diameter tam sphaerae, quam circuli sit recta transiens
per utriusque centrum; & peripheria circuli in sphaera positi tota in ipsius
sphaerae superficie consistat (§. 5.), idem nequit esse centrum sphaerae, &
circuli in illa descripti, nisi eadem quoque sit utriusque diameter.

C 4 . Co.

COROLLARIUM III.

Recta ducta a centro sphaera in planum circuli extra illius centrum transeuntis, eique ad perpendicularium incumbens, transit ad centrum ipsius circuli.

42. Si nimirum recta Xd ducta a centro x sphaerae $ABDE$ in planum Fig. 13. circuli CbE fuerit ipsi plano perpendicularis, punctum d erit centrum Tab. 8. ipsius circuli. Demonstravimus enim, rectas omnes dC , db , dE , quae a puncto d in peripheriam CbE cadunt, esse inter se aequales.

THEOREMA II.

Recta linea ducta a centro sphaera in centrum circuli extra ipsius sphaera centrum transeuntis, est plano ipsius circuli perpendicularis.

43. Extra centrum A sphaerae DBC habeatur circulus BC , in cuius centrum a cadat a centro A ipsius sphaerae recta Aa . Dico, rectam huiusmodi plano circuli BC ad perpendicularium incumbere.

Demonstratio.

Enim vero si recta Aa perpendicularis non est circulo BC , ducatur a Fig. 15. centro A sphaerae in planum ipsius circuli recta perpendicularis Ab . Erit Tab. 8. ergo punctum b centrum circuli BC (§. 5.). Est autem per hypothesin etiam punctum a centrum ejusdem circuli BC . Ergo circuli BC duo sunt centra a , b . Id autem repugnat (*Lib. VII* §. 36.). Ergo punctum b non est centrum circuli BC ; adeoque recta Ab circulo BC ad perpendicularium non incumbit, eandemque ob causam nulla alia praeter rectam Aa . Igitur recta linea $\&c.$ quod erat ostendendum.

COROLLARIUM.

illi circuli in sphaera aequaliter distant ab illius centro, in quorum centrum aequales rectae cadunt a centro ipsius sphaerae. Inaequaliter vero illi, in quorum centrum a centro sphaerae cadunt, rectae inaequales.

44. Eadem scilicet erit distantia circulorum BF , CE a centro x sphaerae $ABCF$, si rectae xa , xd ductae ab ipsius sphaerae centro x in centra Fig. 13. a , d ipsorum circulorum fuerint aequales. Inaequalis vero erit distantia, Tab. 8. si rectae xa , xd fuerint inaequales. Illi siquidem circuli aequaliter distare dicuntur a centro sphaerae, in quorum planum cadunt aequales rectae perpendiculares a centro ipsius sphaerae. Illi vero dicuntur distare inaequaliter, in

in quorum planum inæquales perpendiculares cadunt ab eodem centro (§. 27.). Ergo cum rectæ xa , xd perpendiculariter incumbant planis circulo-
rum BF, CE, patet propositum.

THEOREMA III.

*Circulus in sphaera, qui per illius centrum transit, est omnium
maximus. Et vicissim circuli in sphaera maximi per
illius centrum transiunt.*

I.

45. In sphaera ABCD duo habeantur circuli BD, GH, quorum BD
transeat per centrum a ipsius sphaeræ. Dico circulum BD majorem esse
circulo GH.

Demonstratio.

Cum enim circulus BD transeat per centrum a sphaeræ ABCD, minime
vero circulus GH, diameter circuli BD, non autem circuli GH, erit dia-
meter ipsius sphaeræ (§. 41.). Est autem diameter sphaeræ omnium recta-
rum, quæ in ipsa sphaera esse possunt, maxima (Lib. XI. §. 120.). Ergo dia-
meter circuli BD major erit diametro circuli GH. Ille autem circulus major
est, qui majorem diametrum habet (Lib. IX. §. 50). Ergo circulus BD major
erit circulo GH, & eadem ratione omnibus aliis, qui extra centrum a in
ipsa sphaera ABCD haberi possunt, adeoque &c.

II.

46. Vicissim vero circulus BD sit maximus in sphaera ABCD. Dico, ip-
sum transire per centrum ipsius sphaeræ.

Demonstratio.

Enimvero, quoniam circulus BD maximus est in sphaera ABCD, illius
quoque diameter BD erit maxima rectarum omnium, quæ in ipsa sphaera
duci possunt. Atqui maxima rectarum in sphaera per illius centrum transit
(Lib. XI. §. 119.). Ergo circulus quoque maximus BD per sphaeræ ABCD
centrum transeat necesse est. Itaque circulus &c. quod erat ostendendum.

COROLLARIUM I.

Centrum circuli in sphaera maximi diversum non est a centro ipsius sphaeræ.

47. Cum enim hujusmodi circulus transeat per centrum sphaeræ, idem
erit utriusque centrum (§. 40.).

Co.

COROLLARIUM II.

Idem est centrum omnium circulorum maximorum sphaerae.

48. Etenim cum horum centrum diversum non sit a centro sphaerae (§. 47.), & unius sphaerae unicum sit centrum (§. 116.), unum erit centrum omnium circulorum maximorum sphaerae.

COROLLARIUM III.

Diameter circuli in sphaera maximi est etiam diameter ipsius sphaerae.

49. Neque enim potest esse idem centrum utriusque, quin eadem quoque sit utriusque diameter; cum circuli peripheria in ipsius sphaerae superficie tota consistat (§. 5.).

COROLLARIUM IV.

Diametri omnium circulorum maximorum sphaera sunt inter se aequales.

50. Quandoquidem diametri omnium circulorum maximorum sphaerae sunt etiam diametri ipsius sphaerae (§. 49.), quae omnes sunt inter se aequales (§. 57.).

COROLLARIUM V.

Omnes circuli in sphaera maximi sunt inter se aequales.

51. Aequales namque sunt inter se omnes illi circuli, quorum diametri sunt aequales (Lib. IX. §. 50.). Huiusmodi autem sunt omnes diametri circulorum maximorum sphaerae (§. 57.). Ergo &c.

COROLLARIUM VI.

Quilibet circulus in sphaera maximus sphaeram ipsam bifariam dividit.

52. Cum enim quilibet circulus in sphaera maximus per ipsius sphaerae centrum transeat, quilibet eorum sphaeram ipsam bifariam dividat necesse est. Dividitur enim sphaera bifariam plano per ipsius sphaerae centrum transeunte (Lib. XI. §. 53.).

THEOREMA IV.

Omnes circuli in sphaera maximi sese mutuo bifariam dividunt.

53. In sphaera ABDC duo habeantur circuli maximi AEDF, BECF. Di-
co, eos sese mutuo bifariam dividere.

Demonstratio.

Quandoquidem cum idem sit utriusque circuli centrum (§. 48.), necesse est, ut sese mutuo dividant. Quoniam vero communis sectio duorum planorum est recta linea (*Lib. VIII* §. 24.), recta EF erit sectio duorum circulo- Fig. 12.
rum AEDF, BECF, utpote terminata punctis E, F, in quibus ipso- Tab. 3.
rum circulo- rum peripheriæ sese mutuo dirimunt. Igitur cum idem sit cen-
trum omnium circulo- rum maximorum sphaeræ, adeoque etiam circulo- rum
AEDF, BECF (§. 48.), centrum horum circulo- rum erit in communi se-
ctione, sive recta EF. Hæc autem in utriusque circuli peripheriam desinit,
utpote punctis E, F terminata. Ergo recta EF erit utriusque circuli dia-
meter (*Lib. VII* §. 7.). Omnis porro diameter circuli dividit circulum ipsum
bifariam (§. 8.). Ergo circuli AEDF, BECF bifariam a recta EF divisi
erunt; ac proinde, cum recta EF sit communis utriusque sectio, circuli
AEDF, BECF sese mutuo dividunt bifariam. Omnes itaque circuli in sphae-
ra maximi &c. quod erat ostendendum.

COROLLARIUM.

*Recta conjungens puncta, in quibus peripheriæ duorum circulo- rum
maximorum sphaera in illius superficie sese mutuo dirimunt,
per ipsius sphaera centrum transit.*

54. Recta nimirum EF, qua simul junguntur puncta E, F, in quibus Fig. 12.
sese mutuo dirimunt peripheriæ duorum circulo- rum maximorum AEDF, Tab. 8.
BECF in sphaera ABDC, transibit per centrum ipsius sphaeræ. Ostensum est
enim, centrum circulo- rum AEDF, BECF esse in recta EF, quæ est com-
munis utriusque sectio. Centrum autem sphaeræ diversum non est a centro
ipso- rum circulo- rum AEDF, BECF (§. 47.), utpote qui in illa sunt ma-
ximi. Ergo recta EF conjungens puncta mutue sectionis E, F per ipsius
sphaeræ centrum transit.

THEOREMA V.

Circuli in sphaera, qui sese mutuo in ea bifariam secant, sunt maximi.

55. In sphaera ABDC duo habeantur circuli BECF, AEDF, qui in illa
sese

sefe mutuo bifariam dividant. Dico, eos esse in ipsa sphaera maximos.

Demonstratio.

Fig. 12
Tab. 8.

Cum enim ex hypothesi duo circuli BECF, AEDF sese mutuo bifariam dividant, communis ipsorum sectio, recta nimirum EF, per utriusque centrum transibit, seu communis erit utrisque diameter. Hac enim tantum huiusmodi est, ut circulum in duo aequalia segmenta dispescat (*Lib. VII. §. 8.*). Igitur punctum *a*, quod in medio rectae EF consistit, erit centrum utriusque circuli BECF (*§. 3.*); omnesque proinde rectae *aA*, *aB*, *aE*, *aD*, *aC*, *aF*, & quaecunque ductae a communi centro *a* in peripherias circulorum BECF, AEDF, erunt inter se aequales (*§. 10.*). Illae autem peripheriae sunt in superficie sphaerae ABDC (*§. 5.*). Ergo rectae omnes ductae a puncto *a* in illa omnia sphaericae superficiei puncta, quae transeunt illarum peripheriarum, sunt inter se aequales. Eodem modo ostendam, ductis nimirum aliis circulis, qui cum altero ipsorum BECF, AEDF sese mutuo bifariam dividant, rectas omnes ductas ab eodem puncto *a* in illorum peripherias aequales esse rectis, quae ab eodem puncto *a* cadunt in peripheriam circuli BECF. Ergo omnes rectae ductae a puncto *a* ad superficiem sphaerae ABDC aequales sunt inter se. Igitur punctum *a* erit ipsius sphaerae centrum (*Lib. XI. §. 51.*). Per illud autem transeunt circuli BECF, AEDF. Ergo sunt in ipsa sphaera maximi (*§. 45.*) Itaque circuli in sphaera &c. quod erat ostendendum.

THEOREMA VI.

Anguli sphaerales ad verticem oppositi, qui sunt a duobus circulis in sphaera maximis, sunt inter se aequales.

56. Duo circuli maximi AEDF, BECF in sphaera ABDC sese mutuo se-
Tab. 8. centr, angulosque efficiant BEA, BED, DEC, CEA, quorum duo BEA,
Fig. 12. DEC sint ad verticem oppositi, quemadmodum etiam duo BED, AEC.
Dico, duos BEA, DEC, sicuti etiam duos BED, AEC esse inter se aequales.

Demonstratio.

Duo circuli BECF, AEDF secantur circulo maximo ABDC illis ad perpendicularum insistente, sintque rectae AD, BC communes eorum sectiones. Cum igitur horum omnium circulorum idem sit centrum *a* (*§. 48.*), rectaeque AD, BC in eodem plano ABDC consistant, aequales erunt anguli BaA, DaC ad verticem oppositi, quemadmodum etiam anguli AaC, BaD (*Lib. III. §. 51.*). Igitur arcus quoque BA, DC, nec non arcus AC, BD erunt aequales (*Lib. VII. §. 27.*). Est autem arcus BA mensura anguli BEA, & arcus DC mensura anguli DEC (*§. 34.*). Ergo duo anguli BEA, DEC erunt inter se aequales. Eadem ratione aequales erunt etiam duo AEC, BED, cum jam ostensum sit, arcus quoque AC, BD esse aequales. Itaque anguli sphaerales &c. quod erat &c.

SCHO.

S C H O L I O N.

57. Quod diximus de angulis BEA, DEC, intelligendum est etiam de angulis BEA, DEC. Eadem est enim horum omnium mensura, arcus nimirum BA, DC. Idipsum quoque dicito de angulis BFD, AFC.

T H E O R E M A V I I.

Recta transiens per centrum circuli in sphaera, eique ad perpendicularum incumbens, si utrinque producat, in illius polos desinit.

58. Recta AC transeat per centrum G circuli BEDF in sphaera ABCD, eique ad perpendicularum incumbat. Producat autem utrinque, ita ut in sphaerae superficiem desinat, sintque A, C extrema illius puncta. Dico, puncta A, C esse polos ipsius circuli BEDF.

Demonstratio.

In peripheria circuli BEDF sumantur puncta B, E, D, F, ad quae ducantur a centro G ipsius circuli rectae GB, GE, GD, GF, & a puncto A rectae AB, AE, AD, AF. Cum igitur recta AG sit ex hypothese perpendicularis plano BEDF, perpendicularis quoque erit rectis GB, GE, GD, GF (*Lib. VIII. §. 2.*), eruntque proinde triangu-
la AGB, AGE, AGD, AGF re-
ctangula. Quadratum ergo rectae AB aequale erit quadratis rectorum AG, GB; quadratum rectae AE quadratis rectorum AG, GE; quadratum rectae AD quadratis rectorum AG, GD; & quadratum rectae AF quadratis rectorum AG, GF; & quadratum rectae AF quadratis rectorum AG, GF simul sumtis (*Lib. VI. §. 37.*). Quoniam autem rectae GF, GB, GD, GE sunt aequales (*Lib. VII. §. 10.*), earum quadrata erunt aequalia (*Lib. I. §. 187.*). Illis propterea singulis addito quadrato rectae AG, quadrata rectorum AG, GB aequalia erunt quadratis rectorum AG, GE; harum quadrata quadratis rectorum AG, GD, & hae quadratis rectorum AG, GF. Aequalia autem sunt inter se, quae eidem, vel aequalibus sunt aequalia (*Synop. Alg. §. 259.*). Ergo aequalia inter se erunt quadrata rectorum AB, AE, AD, AF; ac proinde ipsae quoque AB, AE, AD, AF erunt inter se aequales (*Lib. I. §. 187.*). Eodem modo ostendam, rectas omnes, quae a puncto A in peripheriam BEDF cadere possunt, aequales esse inter se, quemadmodum etiam eas omnes, quae a puncto C in eandem peripheriam cadere queunt. Igitur duo puncta A, C sunt poli circuli BEDF (*§. 6.*). Igitur recta transiens &c. quod erat ostendendum.

Fig. 14.
Tab. 8.

Co:

COROLLARIUM I.

Recta transiens per centrum circuli in sphaera, eique ad perpendicularum incumbens, est axis ipsius circuli.

Fig. 14. 59. Recta nimirum AC transiens per centrum circuli BEDF in sphaera
Tab. 8. ABCD eique ad perpendicularum incumbens, est axis ipsius circuli. Ostem-
sum est enim, rectam huiusmodi transire per ipsius circuli polos A, C,
in quo axis ratio consistit (§. 9.).

COROLLARIUM II.

Recta in sphaera transiens per centrum ipsius sphaera, & per centrum circuli in ea positi, est axis ipsius circuli.

Fig. 13. 60. Ut si centrum sphaerae ACE sit punctum x, & centrum circuli CbE
Tab. 8. in ea positi sit d, recta AD transiens per utrumque centrum x, d erit axis
ipsius circuli CbE. Ostemum est enim, rectam huiusmodi AD ad perpen-
diculum circulo CbE incumbere (§. 43.).

COROLLARIUM III.

Recta conjungens centra sphaera, & circuli in ea positi, si utrinque producat, transit per polos ipsius circuli.

Fig. 13. 61. Nimirum recta xd conjungens centrum x sphaerae ACE cum centro
Tab. 8. d circuli CbE in ea positi, si utrinque in directum producta fuerint, tran-
sibit per ipsius circuli polos A, D. Cum enim huiusmodi recta AD sit
axis circuli CbE (§. 60.), per illius polos transeat necesse est (§. 9.).

THEOREMA VIII.

Recta ducta ab uno in alterum polum circuli in sphaera, transit per centrum sphaera, & ipsius circuli, eique ad perpendicularum incumbit.

In sphaera ABCD habeatur circulus BFDE, cujus poli sint duo puncta A, C. Ducatur autem a polo A ad polum C recta AC.

I.

Fig. 11. 62. Dico primo, rectam AC transire per centrum ipsius circuli, seu pun-
Tab. 8. ctum a, per quod transit recta AC, esse centrum circuli BFDE.

Demonstratio.

In peripheria circuli BFDE sumantur duo puncta B, D, eaque iungantur polis A, C ipsius circuli ope rectarum AB, AD, CB, CD. Insuper a puncto *a* ad ipsa B, D rectæ ducantur *a* B, *a* D. Quoniam igitur puncta A, C sunt poli circuli BFDE, æquales erunt inter se tum rectæ BA, DA, tum rectæ BC, CD (§. 6.). Est autem recta AC communis utrique triangulo BAC, DAC. Ergo anguli BAC, DAC erunt inter se æquales (Lib. V. §. 82.). Quamobrem si duo spectentur triangula *a*AB, *a*AD, cum duo latera BA, AD sint æqualia, latus Aa sit commune, & anguli BAa, DAa æquales itidem sint inter se, basis quoque Ba erit basi Da æqualis (§. 75.). Eodem modo ostendam, rectam quamcumque ductam a puncto *a* in peripheriam circuli BFDE esse æqualem uni earum Ba. Æquales sunt autem inter se, quæ eidem rectæ sunt æquales (Syn. Alg. §. 259.). Ergo omnes rectæ, quæ a puncto *a* in peripheriam cadunt BFDE, sunt inter se æquales, ac proinde punctum *a* est centrum ipsius circuli BFDE (Lib. VII. §. 3.). Igitur recta AC per ipsius circuli centrum transit.

I I.

63. Dico secundo, rectam AC ductam a polo A ad polum C circuli BFDE, ipsi circulo ad perpendicularum incumbere.

Demonstratio.

Per punctum *a*, quod, ut modo demonstravimus, est centrum circuli BFDE, ducatur recta, sive diameter BD, ad cuius extrema B, D ducantur a polo A ipsius circuli rectæ AB, AD. Cum igitur radii *a*B, *a*D æquales sint inter se (§. 10.), quemadmodum etiam rectæ AB, AD (§. 6.), & recta Aa sit communis utrique triangulo AaB, AaD, erit angulus AaB angulo AaD æqualis (Lib. V. §. 82.). Duo autem huiusmodi anguli valent duos rectos (Lib. III. §. 40.). Ergo uterque AaB, AaD erit rectus; ac proinde recta Aa erit ipsi BD perpendicularis (Lib. III. §. 24.), sicuti etiam recta Ca (§. 53.). Eodem modo demonstrabitur, rectam AC perpendicularem esse alteri diametro, omnibusque aliis rectis, quæ in eodem plano BFDE per centrum *a* duci possunt. Igitur recta AC ad perpendicularum circulo BFDE incumbit (Lib. VIII. §. 2.), adeoque &c.

I I I.

64. Dico tertio, rectam AC transire etiam per centrum ipsius sphaeræ ABCD.

Demonstratio.

Si namque circulus BFDE ponatur in sphaera max imus, cum illius centrum a diversum tunc non sit a centro ipsius sphaerae (§. 47.), patet propositum. Ostensum est enim, rectam AC transire per centrum ipsius circuli BFDE. Si vero circulus non sit maximus in sphaera, cujusmodi non est circulus BC in sphaera DBC, ac proinde per illius centrum A non transeat, adhuc dico, rectam DE ductam a polo D ad polum E ipsius circuli BC transire per centrum sphaerae BDC. Sit namque, si fieri potest, centrum sphaerae DBC extra rectam DE, sitque illud punctum d . Igitur recta da ducta a centro d sphaerae in centrum a circuli BC, per quod, ut modo vidimus, transit recta illius polos conjungens DE, erit plano circulari BC perpendicularis (§. 43.). Ostensum est autem, etiam rectam Da esse circulo BC perpendicularem. Ergo duae rectae da , Da plano BC ad punctum a perpendiculariter incumbunt. Id autem repugnat (Lib VIII. §. 14.). Ergo punctum d non est centrum sphaerae DBC. Eodem modo ostendam, nullum aliud punctum extra rectam DE esse centrum ipsius sphaerae DBC. Igitur centrum hujusmodi in ipsa recta DE reperitur; ac proinde recta conjungens polos circuli in sphaera per ipsius sphaerae centrum transit. Itaque recta &c. quod erat ostendendum.

COROLLARIUM I.

Axis cujusvis circuli in sphaera transit per centrum tum sphaera, tum ipsius circuli, eique ad perpendicularum incumbit.

65. Axis enim circuli cujuscumque in sphaera est recta ducta ab uno in alterum polum ipsius circuli (§. 9.).

COROLLARIUM II.

Axis cujusvis circuli in sphaera est diameter ipsius sphaera.

66. Diameter namque sphaerae est recta per illius centrum transiens (Lib. XI. §. 54.), cujusmodi est axis cujusvis circuli in sphaera, ut modo demonstravimus.

COROLLARIUM III.

Circulus in sphaera transiens per polos alterius in ea circuli, per ejusdem quoque centrum transit.

67. Nimirum circulus ABDF in sphaera ABE transiens per polos A, D circuli BF, per ejusdem quoque circuli centrum transibit. Etenim si transit per polos A, D, axis ipsius circuli BF, nempe recta AD, erit in plano
no

no circuli transeuntis ABDF. Hic autem transit per centrum circuli BF (Fig. 14. Tab. 8. §. 65.). Ergo per idem centrum transibit quoque circulus ABDF.

COROLLARIUM IV.

Circulus in sphaera, qui per alterius in ea circuli polos transit, bifariam illum dividit.

68. Si nempe circulus ABDF transeat per polos A, D circuli BF, circum ipsum bifariam dividit. Cum enim circulus ABDF transeat per centrum circuli BF (§. 67.), ita secabit circumulum BF, ut communis ipsorum sectio BF per illius centrum transeat. Hæc autem est recta linea (Lib. VIII. §. 24.), Fig. 13. ipsumque circumulum recta hujusmodi bifariam dividit (Lib. VII. §. 8.). Ergo Tab. 8. circulus ABDF dividit bifariam circumulum BF.

COROLLARIUM V.

Circulus in sphaera, qui per alterius polos transit, est in illa maximus.

69. Videlicet circulus ABCE trahiens per polos A, D, circuli BF, erit (Fig. 11. Tab. 8. §. 69.) maximus in sphaera ACF. Cum enim recta AD conjungens polos A, D sit in plano circuli ABCE, is erit in sphaera maximus (§. 45.).

COROLLARIUM VI.

Arcus circuli, qui metitur in sphaera distantiam sum circuli a suis polis, sum duorum circulorum eosdem polos habentium a se mutuo, est arcus circuli in ea maximi.

70. Hujusmodi siquidem arcus est arcus circuli transeuntis per illorum circulorum polos (§. 25., & §. 6.); ac proinde &c.

THEOREMA IX.

Circulus in sphaera, qui per alterius circuli polos transit, orthogonaliter illum secat.

71. Esto in sphaera ABCD circulus BEDF, per cujus polos A, C transeat circulus AECF. Dico, circumulum BEDF orthogonaliter dividi a circulo AECF.

Demonstratio.

A polo A ad polum C circuli BEDF, adeoque in plano secantis circuli AECF, ducta intelligatur recta AC. Manifestum est, rectam AC pla- Fig. 14. no Tab. 8. Elem. Math. T. III. D

no circuli BEDF, ad perpendicularum incumbere (§. 63.); sique propterea ducatur a puncto G, per quod transit recta AC, in plano circuli BEDF recta GD, angulus AGD erit rectus (*Lib. VIII. §. 2.*). Angulus autem AGD determinat inclinationem semicirculi EAF ad planum BEDF (§. 10.). Ergo semicirculus EAF ad perpendicularum plano circuli BEDF incumbit; totusque proinde circulus AECF circulum BEDF orthogonaliter secat (§. 28.). Circulus ergo in sphaera &c. quod erat ostendendum.

THEOREMA X.

Si per polos circuli in sphaera quamplures circuli ducantur, omnes illorum arcus inter polum, & peripheriam ipsius circuli intercepti, sunt inter se aequales.

Fig. 14.
Tab. 6. 72. Per polos A, C circuli BEDF in sphaera ABCD ducantur duo circuli ABCD, AECF. Dico, arcus AB, AE, AD, AF horum circulorum inter polum A, & peripheriam BEDF comprehensos, quemadmodum etiam arcus CB, CE, CD, CF, qui continentur inter polum C, eandemque peripheriam BEDF, esse inter se aequales.

Demonstratio.

Ducantur a polo A ad puncta B, D in plano circuli ABCD rectae AB, AD, ad puncta autem E, F in plano circuli AECF, rectae AE, AF. Quoniam igitur circuli ABCD, AECF sunt in sphaerae maximi (§. 69.), adeoque aequales inter se (§. 51.), rectae AB, AD, AE, AF erunt chordae circulorum aequalium. Sunt autem hujusmodi rectae aequales inter se (§. 6.). Ergo arcus quoque AB, AD, AE, AF sunt inter se aequales (*Lib. VII. §. 38.*). Eodem modo ostendam, arcus quoque CB, CD, CE, CF esse aequales. Igitur, si per polos circuli &c. quod erat ostendendum.

THEOREMA XI.

Omnis circulus in sphaera maximus distat a suis polis quadrante circuli maximi. Et vicissim, qui distat a suis polis quadrante circuli maximi, maximus est.

I.

73. Circulus BEDF sit maximus in sphaera ABCD, ejusque poli sint duo puncta A, C. Dico, circulum BEDF distare a polis A, C quadrante circuli maximi.

De.

Demonstratio.

Ductis namque per polos A, C circulis ABCD, AECF, cum hi sint maximimi in ipsa sphaera (§. 69), & bifariam a circulo BEDF, utpote qui maximus est, dividantur (§. 51.), arcus BAD, EAF quemadmodum etiam arcus BCD, ECF, erunt semiperipheriae circuloium maximorum ABCD, AECF. Circuli autem ABCD, AECF aequales sunt inter se (§. 50.). Ergo eorum quoque arcus BAD, EAF, BCD, ECF erunt aequales (*Lib. I* §. 126.). Sunt autem aequales etiam arcus AB, AE, AD, AF, sicuti etiam arcus CB, CE, CD, CF (§. 72.). Ergo eorum quilibet erit medietas semicirculi, sive quadrans circuli maximimi. Metiuntur autem distantiam circuli BEDF a suis polis A, C (§. 70.). Ergo circulus BEDF distat a suis polis quadrante circuli maximimi; adeoque &c.

Fig. 14.
Tab. 8.

I I.

74. Vicissim vero circulus BEDF in sphaera ABCD distat a suis polis A, C quadrante circuli maximimi, ductis nimirum per ejus polos circulis ABCD, AECF, arcus AB, AE, AD, AF sint quadrantes circuli maximimi, quemadmodum etiam arcus BC, EC, DC, FC. Dico, circulum BEDF esse circulum maximum.

Demonstratio.

Cum enim circulus ABCD sit maximus in sphaera (§. 69.), & arcus AB, AD sint ipsius quadrantes per hypothesim, recta BD erit diameter ipsius circuli ABCD. Circulus autem ABCD bifariam dividit circulum BEDF (§. 68.), eorumque communis sectio est recta BD (*Lib. VIII* §. 24.). Ergo recta BD est diameter etiam circuli BEDF (*Lib. VII* §. 7.); ac proinde circuli ABCD, BEDF sunt aequales (*Lib. IX* §. 50.). Est autem circulus ABCD maximus in sphaera ABCD. Ergo circulus quoque BEDF erit in eadem sphaera maximus. Omnis itaque circulus &c. quod erat ostendendum.

Fig. 14.
Tab. 8.

THEOREMA XII.

Circulus in sphaera maximus alterum in eadem sphaera circulum orthogonaliter secans, bifariam illum secat, & per illius polos tranfit.

In sphaera ABDF habeatur circulus maximus ABDF, qui circulum CbE in eadem sphaera positum orthogonaliter dividat.

I

75. Dico primo, circulum maximum ABDF bifariam dividere circulum

Fig. 13.
Tab. 7.

C 2

lum

Demonstratio.

Punctum x sit centrum sphaerae, adeoque etiam ipsius circuli ABDF (§. 67.). Recta autem CE sit communis sectio circulorum ABDF, CbE (Lib. VIII §. 24.). Cum igitur totum planum ABDF ad perpendicularum ex hypothese insitit plano CbE, potest in ipso plano ABDF duci recta, quae per centrum x ipsius sphaerae transiens, plano CbE ad perpendicularum incumbat (§. 2.). Sit ergo AD huiusmodi recta perpendicularis plano CbE. Igitur punctum d in circulo CbE, per quod illa transit, erit centrum ipsius circuli CbE (§. 42.). Est autem punctum d in communi sectione, sive recta CE. Ergo recta CE erit diameter circuli CbE (Lib. VII §. 7.). Cumque circuli diameter ipsum bifariam dividat (§. 8.), planum, sive circulus ABEF bifariam dividit circulum CbE; adeoque &c.

I I.

76. Dico 2, circulum ABDF transire per polos circuli CbE.

Demonstratio.

Ostensum est, rectam AD, quae tota est in plano secantis circuli ABEF, per sphaerae centrum transit, & circulo CbE ad perpendicularum incumbit, transire per centrum d ipsius circuli CbE. Igitur erit axis ipsius circuli CbE (§. 60.); ejusque proinde extrema puncta A, D erunt poli ejusdem circuli CbE (§. 61.). Duo autem puncta A, D sunt in periphæria circuli ABDF, quemadmodum tota AD in ejus plano reperitur. Ergo periphæria circuli ABDF transit per polos circuli CbE. Itaque circulus in sphaera maximus &c. quod erat ostendendum.

THEOREMA XIII.

Si in sphaera circulus maximus transeat per polos alterius circuli in ea maximi, hic vicissim transibit per polos illius.

77. In sphaera ABCD circulus maximus AECF transeat per polos A, C alterius circuli in ea maximi BEDF. Dico, circulum quoque BEDF transire per polos ipsius AECF.

Demonstratio.

Cum enim circulus AECF transeat per polos A, C circuli BEDF, ipsum circulum BEDF orthogonaliter secabit (§. 71.), ac proinde vicissim circulus AECF orthogonaliter secabitur a circulo BEDF. Est autem circulus BEDF maximus in ipsa sphaera ABCD per hypothese. Ergo circulus BEDF tran-

Fig. 14.
Tab. 8.

transibit per polos ipsius circuli AECF (§. 76.). Itaque si in sphaera circulus maximus &c. quod erat ostendendum.

C O R O L L A R I U M.

Si duo circuli in sphaera maximi sese mutuo secant in polis alterius circuli maximi, is per omnium illorum polos transibit.

78. Ut si duo puncta E, F, in quibus sese mutuo secant duo circuli in sphaera maximi AEDF, BECF, fuerint poli alterius circuli in ea maximi ABDC, peripheria circuli ABDC transibit per polos ipsorum AEDF, BECF. Cum enim circulus AEDF transeat per polos circuli ABDC, & uterque sit maximus, poli circuli AEDF erunt in circulo ABDC. Eadem ratione in eodem circulo ABDC erunt poli circuli BECF, cum is quoque per polos ipsius circuli ABDC transeat. Ergo poli utriusque circuli AEDF, BECF in circulo ABCD reperiuntur, adeoque &c.

Fig. 11.
Tab. 8.

T H E O R E M A XIV.

Circulus in sphaera maximus alterum in ea non maximum bifariam secans, orthogonaliter ipsum secat, & per illius polos transibit.

In sphaera ABEF circulus maximus ABEF alterum in illa non maximum CbE bifariam dividat.

I.

79. Dico primo, circulum ABEF orthogonaliter secare circulum CbE.

Demonstratio.

Enimvero, cum planum circuli ABEF bifariam dividat circulum CbE, transibit per illius centrum d. Cumque centrum sphaerae ABF sit etiam centrum ipsius circuli ABEF (§. 46.), recta xd ducta a centro x sphaerae ad centrum d circuli CbE, erit in plano ipsius circuli ABEF. Est autem recta xd, sive tota AD perpendicularis plano CbE circuli (§. 43.). Ergo planum quoque circuli ABEF erit plano circuli CbE perpendicularis (Lib. VIII. §. 7.), ipsumque proinde circulum CbE orthogonaliter secabit (§. 28.),

Fig. 13.
Tab. 8.

I I.

80. Dico 2., peripheriam circuli ABEF transire per polos circuli CbE;

Demonstratio.

Ostensum est, rectam AD, quæ transit per centrum d circuli CbE, ad perpendicularum ipsi circulo incumbere. Transibit ergo recta AD per polos ipsius circuli CbE, extrema nimirum illius puncta A, D erunt poli circuli CbE (§. 61.). Per huiusmodi autem puncta A, D transit peripheria circuli ABEF; cum tota AD in huiusce circuli plano consistat. Ergo circulus ABEF transit per polos circuli CbE, quem bifariam dividit. Itaque circulus in sphaera &c. quod erat ostendendum.

THEOREMA XV.

Si duo circuli in sphaera maximi sese mutuo oblique secant, distantia polorum eorundem erit angulo obliquitatis aequalis.

Fig. 12. 81. Duo circuli in sphaera maximi BECF, AEDF sese mutuo in ea obli-
Tab. 8. que secant. Sintque M, L poli circuli BECF, & H, N poli circuli AEDF, qui omnes erunt in peripheria ejusdem circuli maximi ABC, cujus poli sunt puncta sectionum E, F (§. 77.). Dico, distantiam poli M a polo N, & poli L a polo H, æqualem esse arcui, qui metitur angulum obliquitatis BEA ipsorum circulorum BECF, AEDF.

Demonstratio.

Cum enim circulus ABC transeat per polos M, L circuli BECF, simulque per polos N, H circuli AEDF, mensura anguli obliquitatis BEA erit arcus BA, & mensura anguli ad verticem oppositi DEC erit arcus DC ipsius circuli maximi ABC (§. 34.). Quoniam igitur punctum N est polus circuli AEDF, arcus AN erit quadrans circuli ABC (§. 73.). Eadem ratione, cum punctum M sit polus circuli BECF, arcus MB erit quadrans ejusdem circuli ABC. Omnes autem quadrantes ejusdem circuli sunt æquales. Ergo arcus AN æqualis erit arcui MB, sublatoque proinde communi arcu AM, erit reliquus MN reliquo AB æqualis (Syn. Alg. §. 266.). Eodem modo ostendam, arcum HL æqualem esse arcui DC. Igitur distantia poli M a polo N æqualis est arcui BA, qui metitur angulum obliquitatis BEA, & distantia poli H a polo L arcum adæquat DC, qui angulum quoque metitur DEC eorundem circulorum BECF, AEDF. Itaque si duo circuli &c. quod erat ostendendum.

COROLLARIUM.

*Si duo circuli in sphaera maximi sese mutuo oblique secant;
eadem erit distantia polorum eorundem inter se mutuo.*

82. Ut si puncta H, N sint poli circuli maximi AEDF, & puncta M, L poli circuli itidem maximi BECF, oblique alterum AEDF in sphaera secantibus, distantia poli N a polo M aequalis erit distantiae poli H a polo L. Cum enim anguli obliquitatis BEA, DEC, utpote ad verticem oppositi, sint aequales (§. 56.), aequales erunt arcus BA, DC, qui sunt illorum mensura. Constat autem, arcum BA aequalem esse arcui MN, & arcum DC arcui HL, qui distantiam metiuntur polorum M, N^{*} H, L a se mutuo. Ergo arcus quoque MN, HL sunt inter se aequales (Syn. Alg. §. 259.); adeoque &c.

Fig. 12.
Tab. 8.

THEOREMA KVL

*Circuli in sphaera aequales aequaliter ab illius centro distant: Et vicissim;
qui aequaliter a sphaera centro distant, sunt aequales.*

I.

83. In sphaera ABDF duo habeantur circuli aequales BaF, CbE. Dico; eos aequaliter distare a centro x ipsius sphaerae.

Demonstratio.

Cum enim circuli BaF, CbE aequales sint inter se, eorum diametri BF, CE erunt aequales (Lib. IX. §. 30.). Rectae autem in sphaera aequales aequaliter ab illius centro distant (Lib. XI. §. 118.). Ergo eadem erit distantia utriusque diametri BF, CE a centro sphaerae x. Manifestum porro est, rectas BF, CE transire per centra a, d circulorum BaF, CbE (Lib. VII. §. 7.). Ergo eadem quoque erit distantia utriusque centri a, d a centro sphaerae x (Lib. V. §. 71.); adeoque etiam ipsorum circulorum BaF, CbE (§. 27.). Quippe hoc ipso rectae xa, xd ductae a centro sphaerae x in ipsa centra a, d sunt aequales. Aequales itaque circuli &c.

Fig. 13.
Tab. 8.

II.

84. Vicissim verò duo circuli BaF, CbE aequaliter distant a centro x sphaerae ABDF. Dico, illos esse inter se aequales.

Demonstratio.

Etenim; cum eadem sit distantia utriusque ciculi BaF ; CbE à centro sphæræ x , rectæ xa , xd ductæ a centro ipsius sphæræ in centra circulo-
rum a , d erunt æquales (§. 27.). Quamobrem diametri BF , CD ipforum
circularum BaF , CbE æqualiter distabunt a centro x sphæræ (*Lib. IX.* §.
68.). Rectæ namque xa , xd ad perpendicularum ipsis BF , CE insistant (*Lib.*
VIII. §. 2.), cum ad perpendicularum incumbant planis circularibus BaF , CbE
(§. 27.). In sphæra autem rectæ illæ æquales sunt inter se, quæ æqualiter
ab illius centro distant (*Lib. XI.* §. 118.). Ergo diametri BF , CE , ac pro-
inde ipsi quoque circuli BaF , CbE , sunt æquales (*Lib. IX.* §. 50.). Itaque
in sphæra circuli &c. quod erat ostendendum.

THEOREMA XVII.

Circuli in sphæra eo minores sunt, quo magis ab illius centro distant.

85. In sphæra AC sint duo circuli DE , BO inæqualiter ab illius cen-
tro F distantes, sit nimirum distantia circuli BC major; minor vero di-
stantia circuli DE . Dico, circumulum BC circulo DE minorem esse.

Demonstratio.

Cum enim distantia circuli BC a centro sphæræ F distantiam superet
circuli DE ab eodem centro, si a centro sphæræ F ducantur in centra a , b
Fig. 1. ipforum circularum rectæ Fa , Fb , recta Fa major erit recta Fb (§. 44.).
Tab. 9. Sunt autem rectæ Fa , Fb perpendiculares ipsis circulis BC , DE (§. 43.),
adeoque etiam eorum diametris BC , DE (*Lib. VIII.* §. 2.). Ergo distantia
rectæ BC a centro F major erit, quam distantia rectæ DE ab eodem cen-
tro (§. 27.). In sphæra autem illa recta linea minor est, quæ magis ab
ipsius sphæræ centro distat (*Lib. XI.* §. 119.). Ergo recta BC minor erit
recta DE . Est autem recta BC diameter circuli BC , & recta DE diame-
ter circuli DE . Ergo circulus BC minor erit circulo DE (*Lib. IX.* §. 50.).
Itaque circuli &c. quod erit ostendendum.

COROLLARIUM.

Circuli in sphæra eo minores sunt, quo illius polis sunt viciniore;

86. Quo namque viciniore sunt illius polis, eo magis ab ipsius sphæ-
ræ centro distant.

THEO-

THEOREMA XVIII

Circuli in sphaera paralleli eisdem polos habent. Et vicissim circuli in sphaera eisdem polos habentes, sunt paralleli.

I.

87. In sphaera $ABDF$ sint duo circuli paralleli BF, CE , sintque duo puncta A, D poli circuli BF . Dico huiusmodi puncta A, D polos quoque esse circuli CE .

Demonstratio.

Cum enim recta AD coniungens polos circuli BF ad perpendicularum incumbat plano circuli BF (§. 63.) plano quoque circuli CE erit perpendicularis (*Lib. VIII.* §. 28.). Transit autem per centrum sphaerae $ABCF$ (§. 64.). Ergo transibit quoque per centrum circuli CE (§. 42.), desinetque proinde utrinque producta in polos ipsius circuli CE (§. 61.). Desinit autem in puncta A, D . Ergo huiusmodi puncta erunt poli circuli CE . Sunt autem poli etiam circuli BF per hypothesim. Igitur circulorum BF, CE iidem sunt poli A, D ; adeoque &c.

II.

88. Vicissim vero circulorum BF, CE iidem sint poli A, D . Dico; circulos BF, CE esse parallelos.

Demonstratio.

Cum utriusque circuli BF, CE iidem ex hypothesi sint poli A, D ; idem quoque erit utriusque axis AD (§. 12.). Axis autem cuiusvis circuli in sphaera plano ipsius circuli ad perpendicularum incumbit (§. 65.). Ergo recta AD perpendicularis erit plano utriusque circuli BF, CE . Iia autem plana sunt inter se parallela, quibus eadem recta linea perpendiculariter insitit (*Lib. VIII.* §. 25.). Ergo circuli BF, CE sunt inter se paralleli. Itaque circuli &c. quod erat ostendendum.

COROLLARIUM I.

Circuli in sphaera paralleli eundem axim habent.

89. Cum enim horum circulorum iidem sint poli, idem quoque erit axis (§. 12.).

Co-

COROLLARIUM II.

Circuli in sphaera, quorum idem est axis, sunt inter se paralleli.

90. Idem enim nequit esse circulorum axis, quin iidem iidem sint eorum poli (§. 9.).

COROLLARIUM III.

Si poli sphaerae sint etiam poli unius circuli in ea descripti, erunt etiam poli omnium circulorum, qui sunt illi paralleli.

91. Ostensum enim est, omnes circulos in sphaera parallelos habere eosdem polos.

COROLLARIUM IV.

Si axis sphaerae sit etiam axis unius circuli in illa descripti, erit etiam axis omnium illorum circulorum, qui sunt illi paralleli.

92. Omnium siquidem circulorum in sphaera parallelorum idem est axis (§. 89.).

COROLLARIUM V.

Omnes circuli in sphaera, quorum poli diversi non sunt a polis sphaerae, sunt inter se paralleli.

93. Omnes enim hoc ipso habent eosdem polos. Ergo sunt paralleli.

COROLLARIUM VI.

Omnes circuli in sphaera, quorum axis diversus non est ab axe sphaerae, sunt inter se paralleli.

94. Idem siquidem tunc est omnium axis.

COROLLARIUM VII.

Circuli in sphaera aequaliter distantes ab illius polis sunt inter se paralleli.

95. Ut si duo circuli BF, CE in sphaera ABDF distantes ex aequo fuerint ab illius polis A, D, erunt inter se paralleli. Hi namque circuli habent hoc ipso eosdem polos A, D (§. 19.).

THEO.

THEOREMA XIX.

Circulus in sphaera maximus transiens per polos unius circuli in ipsa sphaera, bifariam atque orthogonaliter omnes dividit circulos, qui sunt ei paralleli.

96. Circulus ABCD maximus in sphaera ABCD transeat per polos A, C Fig. 11. circuli BFDE. Dico, circulum ABCD bifariam, & orthogonaliter dividere circulum GH circulo BFDE parallelum.

Demonstratio.

Cum enim circuli BFDE, GH sint paralleli, iidem erunt ipsorum poli A, C (§. 87.). Transiens propterea circulus ABCD per polos circuli BFDE, transibit etiam per polos circuli GH. Circulus autem in sphaera maximus transiens per polos unius in ea circuli, ipsum bifariam, & orthogonaliter dividit (§. 71. 75.). Ergo circulus ABCD bifariam, & orthogonaliter secat circulum GH, omnesque alios eandem ob causam, qui sunt circulo BFDE paralleli. Itaque circulus &c. quod erat ostendendum.

THEOREMA XX.

Circuli in sphaera paralleli intercipiunt aequales arcus circulorum maximorum, qui per illorum polos transeunt.

97. In sphaera ABE habeantur duo circuli paralleli DE, BC, per quorum polos A, G transeant duo circuli maximi ABGE AdGm. Dico, horum maximorum circulorum arcus BD, de, EC, mn, quos duo ipsi circuli paralleli DE, BC, intercipiunt, esse inter se aequales. Fig. 11. Tab. 9.

Demonstratio.

Cum enim circuli ABGE, AdGm sint per hypothesein in sphaera maximi, aequales erunt inter se (§. 51.). Sunt autem ipsorum arcus AD, AE, Am, Ad inter se aequales, sicuti etiam arcus GB, GC, Ge, Gn (§. 71.); cum puncta A, G sint poli circulorum DE, BC. Ergo, illis ablati, qui supersunt, arcus DB, EC, de, mn erunt quoque inter se aequales (Syn. Algeb. §. 366.). Itaque circuli &c. quod erat ostendendum.

THEO.

THEOREMA XXI.

Circuli in sphaera aequaliter distantes a polis ipsius sphaera sunt inter se aequales.

98. In sphaera ABDF duo habeantur circuli BF, CE qui aequaliter distant a polis A, D ipsius sphaerae. Dico, illos esse inter se aequales.

Demonstratio.

Quoniam utrisque circuli BF, CE iidem sunt poli A, D (§. 19.), ducantur per polos ipsos A, D circulus ABDF, qui erit in ipsa sphaera maximus (§. 169.). Tum in plano ipsius circuli a polo A ad peripheriam circuli BF ducantur rectae AB, AF, quemadmodum etiam a polo D ad peripheriam circuli CE rectae DC, DE. Quoniam igitur distantia circuli BF a polo A aequalis est distantiae circuli CE a polo D, rectae AB, AF aequales erunt tum inter se (§. 14.), tum rectis DC, DE (§. 17.). In circulo autem aequales rectae aequales arcus subtendunt (*Lib. VII. §. 37.*). Ergo arcus AB, AF, DC, DE, atque adeo etiam arcus BAF, CDE, erunt inter se aequales. In eodem autem circulo aequalium arcuum aequales sunt chordae (§. 38.). Igitur rectae BF, CE erunt aequales. Constat porro, rectas BF, CE esse diametros circulorum BF, CE; cum circulus maximus ABDF bisariam dividat utrumque circulum BF, CE, ac proinde per illorum centrum transeat (§. 75.). Ergo circuli BF, CE sunt aequales (*Lib. IX. 50.*). Itaque circuli &c. quod erat ostendendum.

THEOREMA XXII.

Si duo circuli in sphaera maximi sese mutuo ad angulos rectos secuerint, quemlibet circulum circa puncta sectionum descriptum in quatuor aequales partes dividunt.

Fig. 14. 99. Duo circuli in sphaera maximi ABCD, AECF sese mutuo dividant
Tab. 8. ad angulos rectos in punctis A, C. Describatur autem circa punctum sectionis A circulus BEDF. Dico, circulum ipsum BEDF, in quatuor aequales partes dividi a circulis ABCD, AECF.

Demonstratio.

Cum enim circulus BEDF descriptus sit circa punctum A, duo sectionum puncta A, C erunt poli ipsius circuli (§. 7.); cumque per ipsos transeat circuli ABCD, AECF, ambo quoque transibunt per centrum G ipsius circuli (§. 67.) ; eruntque propterea communes sectiones, sive rectae BD, EF, diametri ejusdem circuli BEDF (*Lib. VII. §. 7.*).

Dico

Duo autem circuli ABCD, AECF sese mutuo secant ad angulos rectos. Ergo recti, ac proinde æquales inter se, erunt quatuor anguli BGF, EGE, EGD, FGD, quos in centro G circuli BEDF rectæ BD, EF constituunt. Quamobrem circulus BEDF in quatuor quadrantes sectus erit a duobus circulis ABCD, AECF. Itaque si duo circuli &c. quod erat ostendendum.

THEOREMA XXIII.

Si per polos plurium circulorum parallelorum sphaera ducatur duo circuli maximi, arcus ipsorum circulorum inter maximorum peripherias comprehensæ, sunt sibi mutuo similes.

100. In sphaera ACDE habeantur duo circuli paralleli BnF, CmE, per quorum polos A, D transeant duo circuli maximi ACDE, AmDe. Dico: arcus Bn, Cm circulorum parallelorum BnF, CmE inter illos maximos circulos comprehensos, esse sibi mutuo similes. Fig. 2.
Tab. 9.

Demonstratio.

Cum enim circuli BnF, CmE sint paralleli, rectæ Ba, Cx erunt parallelæ, sicuti etiam rectæ na, mx (Lib. VIII. §. 26.). Rursus cum recta AD ad perpendicularum utrique circulo BnF, CmE incumbat (§. 65.), & per eorum centrum transeat (§. 62.), utpote quæ est utriusque circuli axis (§. 89.), tam rectæ Ba, Cx, quam rectæ na, mx erunt ipsi AD perpendiculares, ac proinde anguli Ban, Cxm erunt inter se æquales (Lib. VIII. §. 29.). Est autem angulus Ban in centro circuli BF, & angulus Cxm in centro circuli CE. Ergo arcus Bn, Cm erunt sibi mutuo similes (Lib. IX. §. 134.). Itaque si per polos &c. quod erat ostendendum.

THEOREMA XXIV.

Duo circuli in sphaera maximi sese mutuo secantes ad angulos rectos, circumlum maximum oblique se habentem ad puncta sectionum, atque per polos unius ex illis transeuntem, in quatuor æquales partes dividunt.

101. In sphaera ABDC spectentur duo circuli maximi sese mutuo secantes ad angulos rectos ABDC, AEDF in punctis A, D. Per polos autem E, F circuli ABDC transeat circulus itidem maximus BECF, oblique se habens ad puncta sectionum A, D. Dico circumlum BECF in quatuor æ. Fig. 12.
Tab. 8.

Demonstratio.

Cum enim puncta E, F sint poli circuli $ABDC$, eorum distantia a peripheria ipsius circuli æquabit quadrantem circuli maximi (§. 73.). Ergo quilibet arcus EB, EC, FB, FC erit quarta pars peripheriæ circuli $BECF$, atque adeo circulus $BECF$ sectus erit in quatuor quadrantes a duobus circulis $ABDC, AEDF$. Duo itaque circuli &c. quod erat ostendendum.



ELEMENTORUM MATHEMATICORUM

LIBER XIII.

De similitudine, & ratione solidorum.

UT, quæ de solidorum similitudine, & ratione dicturi sumus, antimum evidentius subeant, memoria repetantur, quæ lib. XI solidorum genesis demonstravimus.

DEFINITIO I.

1. *Solida similia dicuntur illa, quæ planis numero æqualibus, sibi quæ mutuo similibus continentur.* Sic duo prismata trilatera AF, af , quemadmodum etiam duæ pyramides itidem trilateræ DMF, dmf , sunt corpora similia; quia plana, quibus terminantur, numero æqualia sunt, & inter se similia, nimirum planum $ADFC$ simile est plano $adfc$, planum $ADEB$ plano $adeb$, planum $BEFC$ plano $befc$, planum DEF , plano def , & planum ABC plano abc . In pyramidibus quoque DME, dme similes sunt sibi mutuo bases DEF, def , sicuti etiam triangula $DMF, dmf \sim DME, dme \sim EMF, emf$. Fig. 3.
Fig. 4.
Tab. 9.

COROLLARIUM I.

2. *Anguli solidorum similium, quos homologa plana constituunt, sunt inter se æquales.* Hi namque planis figura similibus, & numero æqualibus continentur.

COROLLARIUM II.

3. *Omnia corpora regularia ejusdem generis sunt sibi mutuo similia.* Etenim plana, quibus regulare corpus clauditur, æqualia sunt, & regularia (Lib. XI. §. 10.). Omnes autem figuræ planæ regulares ejusdem generis sunt sibi mutuo similes (Lib. IX. §. 3.). Ergo omnia solida regularia ejusdem generis sunt sibi mutuo similia (§. 1.).

COROLLARIUM III.

4. *Omnes cubi, omniaque tetrahedra, octahedra, dodecaedra, & icosaedra sunt respectively inter se similia.* Omnia enim sunt corpora regularia (Lib. XI. §. 10.).

Co.

COROLLARIUM IV.

5. Quodlibet latus solidi regularis est homologum cuilibet lateri alterius solidi regularis ejusdem generis. Omnia enim plana, quibus corpus regulare terminatur, regularia sunt, & inter se æqualia (§. 10), ac proinde lateribus æqualibus terminata (Lib. V. §. 20.). Quodlibet autem latus figuræ regularis est homologum cuilibet lateri alterius figuræ regularis ejusdem generis (Lib. IX. §. 4.). Ergo &c.

DEFINITIO II.

6. Duo cylindri, sicuti etiam duo conï, suis basibus similiter inclinati dicuntur, cum ipsorum axes suis basibus sub æquali angulo insistant. Sic duo cylindri $CFMD$, $cfmd$, quemadmodum etiam duo conï COD , cod , similiter inclinati sunt basibus CD , cd ; quia æquales sunt anguli OED , oed , sub quibus ipsorum axes OE , oe basibus CD , cd incumbunt.

DEFINITIO III.

7. Similes conï, & cylindri sunt illi, quorum axes eandem ad basium diametros, sive radios rationem habent, ipsisque basibus sunt similiter inclinati. Similes nimirum erunt cylindri $ACDB$, $acdb$, sicuti etiam cylindri $FCDM$, $fcdm$, si sub eodem angulo ipsorum axes NE , ne , aut OE , oe suis basibus CD , cd insisterint, fueritque axis NE ad radium ED basis CD , ut axis ne ad radium ed basis cd , similiter axis OE ad radium ED , ut axis oe ad radium ed . Idipsum dicito de conis CND , cnd & COD , cod .

COROLLARIUM I.

8. In conis, & cylindris similibus axes sunt directe inter se, ut suarum basium diametri, & semidiametri. Ut si cylindrus $ACDB$ similis fuerit cylindro $acdb$, axis NE erit ad axim ne , ut est radius ED basis CD ad radium ed basis cd , sicuti etiam ut diameter CD ad diametrum cd . Similiter si conï COD , cod similes inter se fuerint, erit axis OE ad axim oe , ut est radius ED basis CD ad radium ed basis cd , utque diameter CD ad diametrum cd . Etenim ob similitudinem ipsorum corporum erit axis NE ad radium ED , ut axis ne ad radium ed , sicuti etiam axis OE ad radium ED , ut axis oe ad radium ed (§. 7.). Ergo alternando erit quoque axis NE ad axim ne , & axis OE ad axim oe , ut est radius ED ad radium ed (Lib. I. §. 125.); cumque sit diameter CD ad diametrum cd , ut est radius ED ad radium ed (§. 127.), erit quoque axis NE ad axim ne , & axis OE ad axim oe , ut est diameter CD ad diametrum cd (§. 78.).

Co-

COROLLARIUM II.

§. Si unus duorum cylindrorum, vel conorum similium rectus fuerit, alter quoque eorundem rectus erit. Cum enim sint sibi mutuo similes, suis basi- bus similiter incumbunt.

DEFINITIO IV.

10. Sphæra dicitur polyedro circumscripta, cum ejus superficies transit per apices omnium solidorum angulorum ipsius polyedri, & vicissim polyedrum hac ratione in sphæra consistens, illi inscriptum vocatur. Sic sphæra ABC dicitur circumscripta polyedro ABC, & vicissim polyedrum ABC sphære ABC inscriptum. Fig. 9.
Tab. 9.

DEFINITIO V.

11. Sphæra vero dicitur polyedro inscripta, & vicissim polyedrum sphæra circumscriptum nuncupatur, cum ipsius sphæra superficies omnia plana tangit, quibus polyedrum ipsum comprehenditur. Sic sphæra DEF inscripta est polyedro DEF, & vicissim polyedrum DEF est sphære DEF circumscriptum. Fig. 9.
Tab. 9.

DEFINITIO VI.

12. Centrum polyedri regularis est punctum sumtum in illius area, quod est centrum tam sphære illi circumscriptæ, vel circumscriptibilis, quam illi inscriptæ, vel inscriptibilis. Hujusmodi est in polyedro ABC punctum Z. Est enim centrum tam sphære illi circumscriptæ ABC, quam inscriptæ DEF. Fig. 9.
Tab. 9.

DEFINITIO VII.

13. Radius polyedri regularis est recta quæcumque linea ducta ab illius centro ad apices omnium solidorum angulorum, quos polyedrum ipsum continet. Sic rectæ ZA, ZM in polyedro regulari ACE ductæ ab illius centro Z ad apices solidorum angulorum A, M, sunt illius radii. Fig. 7.
Tab. 9.

COROLLARIUM I.

14. Radius polyedri regularis sphære inscripti est radius ipsius sphære. Est enim recta ducta a sphære centro ad illius superficiem, cum idem sit utriusque solidi centrum (§. 12.), & sphære superficies per apices solidorum angulorum ipsius polyedri transeat (§. 10.).

COROLLARIUM II.

15. Omnes radii polyedri regularis sunt inter se aequales. Diversi namque non sunt a radiis circumscriptæ sphaeræ (§. 14.), qui omnes sunt æquales (Lib. XI. §. 56.).

COROLLARIUM III.

16. Radius polyedri regularis sphaeræ circumscripti est major semidiametro ipsius sphaeræ. Cum enim apices angulorum circumscripti polyedri extra inscriptæ sphaeræ superficiem positi sint (§. 50.), radii ipsius polyedri extra sphaeræ superficiem excurrunt.

DEFINITIO VIII.

17. Catetus, sive radius rectus polyedri regularis est recta ducta ab illius centro ad unum planorum, quibus clauditur, eique perpendiculariter insistens.
Fig. 7. Ut si recta ZN ducta a centro Z polyedri regularis ACE ad planum AMF,
Tab. 9. illi ad perpendicularum insisterit, recta ZN erit catetus, sive radius rectus polyedri ACE.

COROLLARIUM I.

18. Catetus polyedri regularis est recta minor ejusdem radio. Catetus nempe ZN polyedri ACE est minor radio ZA ipsius polyedri. Cum enim catetus ZN perpendiculariter insistat plano AMF, minima est omnium rectarum, quæ ab eodem centro Z in idem planum AMF cadere possunt (Lib. VIII. §. 16.).

COROLLARIUM II.

19. Catetus polyedri regularis sphaeræ inscripti est minor semidiametro ipsius sphaeræ. Est enim minor ipsius polyedri radio (§. 18.), qui ab ejusdem sphaeræ radio diversus non est (§. 17.).

COROLLARIUM III.

20. Cateti polyedri regularis sunt altitudines pyramidum, in quas polyedrum quodcumque resolvitur. Sic catetus ZN polyedri ACE est altitudo pyramidis AZMF, quæ est una ex illis, in quas polyedrum ipsum resolveri potest. Recta namque ZN est perpendicularis ducta a vertice Z ipsius pyramidis in ejusdem basim AMF.
Fig. 7.
Tab. 9.

COROLLARIUM IV.

21. *Catetus polyedri regularis sphaera circumscripti est radius sphaera inscriptae*. Nimirum *catetus* Za polyedri regularis ABC sphaerae DEF circumscripti diversus non est a radio ipsius sphaerae. Etenim recta, sive radius Za sphaerae DEF ductus a centro Z ad punctum a , in quo ipsa sphaera inscripta tangit faciem Aa circumscripti polyedri ABC , est ipsi plano perpendicularis (*Lib. XI. §. 122.*).

Fig. 9.
Tab. 9.

COROLLARIUM V.

22. *Catetus polyedri regularis sphaera circumscripti est minor cateto polyedri eidem sphaerae inscripti*. Etenim *catetus* polyedri sphaerae circumscripti est radius ipsius sphaerae (§. 21.). *Catetus* autem polyedri inscripti est minor radio sphaerae (§. 19.). Ergo minor quoque est *cateto* circumscripti polyedri.

COROLLARIUM VI.

23. *Omnes cateti polyedri regularis sunt inter se aequales*. Sunt namque radii inscriptae sphaerae (§. 21.).

COROLLARIUM VII.

24. *Altitudines omnium pyramidum, in quas polyedrum regulare resolvi potest, sunt omnes inter se aequales*. Harum enim pyramidum altitudines sunt *cateti* ipsius polyedri (§. 17.); cum earum quilibet sit recta perpendicularis ducta a vertice in basim.

THEOREMA I.

Si pyramis secetur plano basi parallelo, pyramis truncata erit similis toti pyramidi.

25. *Pyramis $ABCD$ secetur plano abc basi BCD parallelo. Dico, pyramidem truncatam $Aabc$ similem esse toti pyramidi $ABCD$.*

Fig. 1.
Tab. 8.*Demonstratio.*

Cum enim plana abc , BCD sint parallela, sectiones CD , bc erunt rectae parallelae (*Lib. VII. §. 26.*). Igitur triangulum bAc simile erit triangulo CAD (*Lib. XI. §. 65.*). Eadem ratione triangulum aAb simile erit triangulo BAC , & triangulum aAc triangulo BAD . Est autem etiam sectio abc similis basi BCD (§. 88.). Ergo duae pyramides $Aabc$, $ABCD$ similibus planis, & quidem numero aequalibus continentur; atque adeo sunt sibi mutuo similes (§. 1.).

E 2

THEO.

THEOREMA II

Si conus secetur plano basi parallelo, conus truncatus erit similis toti cono.

26. Conus *bad* secetur plano *mn* basi *bd* parallelo. Dico, conum truncatum *man* similem esse toti cono *bad*.

Demonstratio.

Secetur conus plano per verticem *a*, & per centrum *e* basis traducto; ut proinde axis *ae* in ipso plano sectionis consistat, ipsumque planum per centrum *e* transeat sectionis *mn*. Quoniam igitur sectio *mn* est circulus Fig. 8. (Lib. XI §. 91.), & quidem parallelus basi *bd*, communes sectiones, sive Tab. 8. rectæ *mn*, *bd* erunt parallele (Lib. VIII. §. 26.); cumque planum secans per centrum utriusque circuli *mn*, *bd* transeat, rectæ *bd*, *mn* erunt ipsorum circularum diametri. Rursus cum sectio *bad* sit triangulum planum rectilineum (Lib. XI §. 98.), & recta *mn* sit basi *bd* parallela, si spectetur triangulum *ead*, erit ea. $2e = ed$. $2n$ (Lib. IX. §. 59.). Est autem *ed* semidiameter basis *bd* conii *bad*, & recta $2n$ semidiameter basis *mn* conii *man*; recta vero *ae* est axis prioris conii, & recta *az* axis posterioris. Ergo axes conorum *bad*, *man* sunt inter se, ut eorundem basium radii. Sunt autem conii ipsi suis basibus similiter inclinati (§. 6.); cum æquales sint anguli inclinationis azn , aed (Lib. IV. §. 14.). Ergo duo conii *man*, *bad* sunt sibi mutuo similes (§. 8.). Itaque si conus &c. quod erat ostendendum.

THEOREMA III.

Pyramides æqualium basium, & altitudinum sunt inter se æquales.

27. Duæ pyramides *abcd*, *ABCD* habeant æquales bases *bcd*, *BCD*, & altitudines *an*, *AN*. Dico, eas esse inter se æquales.

Demonstratio.

Cum enim eadem sit altitudo utriusque pyramidis, idem erit in utraque componentium elementorum numerus (Lib. XI §. 103.). Hæc insuper elementa sunt in utraque pyramide *respective* inter se æqualia, videlicet æ- Fig. 3. qualia sunt inter se, quæ in eadem altitudine sumuntur, ut *efk*, *EFK*; Fig. 4. cum sectiones, quibus determinantur, sint inter se æquales (Lib. IX §. 53.). Tab. 8. Ergo pyramides *abcd*, *ABCD* sunt inter se æquales (Lib. XI §. 72.). Itaque pyramides &c. quod erat ostendendum.

COROLLARIUM.

Coni aequalium basium, & altitudinum sunt aequales.

28. Sunt enim pyramides infinitorum laterum (*Lib. XI. §. 72.*):

THEOREMA IV.

*Omnis pyramis est tertia pars prismatis habentis eandem basim;
& altitudinem.*

I.

29. Esto primo prisma triangulare EBC; cujus altitudo sit recta FD! Sub æquali autem altitudine ac habeatur pyramis trilatera *abcd*, cujus basis *bcd* sit æqualis basi BCD ipsius prismatis. Dico, prisma EBC triplum esse pyramidis *abcd*.

Demonstratio.

Secetur prisma EBC plano transeunte per punctum A; & per rectam BD, tum plano per idem punctum A, & per puncta E, D traducto, Fig. 10.
ita nimirum ut sectio sit diagonalis ED parallelogrammi EBDF. Fig. 11.
sum erit prisma in tres pyramides triangulares BADC, BADE, EADF. Tab. 9.
Quoniam igitur altitudo pyramidis BADC diversa non est ab altitudine prismatis, adeoque etiam pyramidis *abcd*, pyramides BADC, *abcd* æqualem habebunt altitudinem. Habent autem etiam æquales bases BCD, *bcd* per hypothefim. Ergo pyramides BADC, *abcd* æquales erunt (§. 27.). Rursus cum planum BEAC sit parallelogrammum (*Lib. XI. §. 17.*), ejusque diagonalis sit recta AB, triangula BAE, BAC erunt æqualia (*Lib. VI. §. 21.*). Spectari autem possunt veluti bases pyramidum BADC, BADE. Ergo duæ pyramides BADC, BADE bases habent æquales. Sunt quoque ejusdem altitudinis; cum eadem recta ducta a communi apice D in commune planum EBAC utriusque pyramidis altitudinem definiat. Ergo duæ pyramides BADC, BADE sunt æquales (§. 27.). Eodem modo ostendam, etiam duas pyramides ABCD, EDAF esse æquales. Igitur tres pyramides BADC, BADE, EDAF sunt æquales inter se (*Syn. Alg. §. 259.*); ac proinde prisma ABD est triplum pyramidis ABDC. Ostensum est autem, pyramidem ABDC æqualem esse pyramidi *abcd*. Ergo prisma ABD pyramidis quoque *abcd* triplum erit (*Lib. I. §. 112.*)

30. Sit modo prisma AGH pentagonam habens basim FGHKM. Sub eadem autem altitudine habeatur pyramis *abd*, cujus basim *bedef* similis sit, Fig. 12. & æqualis basi FGHKM ipsius prismatis. Dico, prisma AGH triplum Fig. 13. Tab. 9. esse pyramidis *abd*.

Demonstratio

Quoniam pentagona FGHKM, *bedef* similia sunt, & æqualia, ductis rectis FH, MG, *fe*, *ec*, divisa erunt in totidem triangula similia, & æqualia alterum alteri. Quamobrem diviso prismate AGH in tria prismata triangularia ACHFGB, ACHFMEC, ECHMKD, sectaque pyramide *abd* in tres pyramides itidem triangulares *afcb*, *afce*, *aced*, cum horum omnium solidorum eadem sit altitudo, & duo triangula FGH, *feb* sint æqualia, prisma ACHFGB triplum erit pyramidis *afcb*, ut supra demonstravimus. Prisma quoque ACHFME triplum erit pyramidis *afce*, & prisma ECHMKD pyramidis *aced*. Igitur totum prisma AGH triplum erit totius pyramidis *abd* (Lib. I. §. 144.). Omne igitur prisma &c. quod erat &c.

COROLLARIUM I.

Omnis conus est tertia pars cylindri ejusdem basim, & altitudinis.

31. Conus nimirum CED est tertia pars cylindri ACDB habentis eandem basim CD, & altitudinem EF. Cum enim omnis conus pro pyramide infinitangula (Lib. XI. §. 72.), & omnis cylindrus pro prismate infinitorum laterum spectari queat (§. 70.), sicuti omnis pyramis est tertia pars prismatis ejusdem basim, & altitudinis, ita omnis conus erit tertia pars cylindri eandem quoque basim, atque altitudinem habentis. Fig. 14. Tab. 9.

COROLLARIUM II.

Magnitudo, cujus elementa decrescunt in ratione duplicata imminuta altitudinis, est tertia pars illius, cujus elementa neutiquam minuantur, dummodo eadem sit utriusque basim, & altitudo.

32. Ostensum namque est, omnem pyramidem esse tertiam partem prismatis habentis eandem basim, & altitudinem (§. 29. 30.). Omnem quoque conum esse tertiam partem cylindri, dummodo eorum basim, & altitudines sint respectu inter se æquales (§. 31.). Elementa autem pyramidis, & conu decrescunt in ratione duplicata imminuta altitudinis (Lib. XI. §. 94. 101.), non sic autem elementa prismatis, & cylindri, quæ semper manent eadem (§. 79. 85.). Ergo &c.

Co-

COROLLARIUM III.

Pyramides sunt directæ inter se, ut prismata eandem cum illis habentia basim, & altitudinem.

33. Pyramis nempe DMFE eam habet rationem ad pyramidem *dmfe*, quam habet prisma ADEC eandem habens basim DEF, & altitudinem MN Fig. 7.
cum pyramide DMFE, ad prisma *adec* ejusdem cum pyramide *dmfe* basis Fig. 4.
def, & altitudinis *mn*. Pyramides enim DMFE, *dmfe* sunt partes similes Tab. 9.
prismatum ADEC, *adec* (*Lib. I. §. 37.*), utpote in ratione *subtriplici* ad suum
prisma respective (§. 29.). Ergo, ut prisma ADEC ad prisma *adec*, ita
erit pyramis DMFE ad pyramidem *dmfe* (§. 126.).

COROLLARIUM IV.

Coni sunt directæ inter se, ut cylindri habentes eandem cum illis basim, & altitudinem.

34. Ut si conus CED, & cylindrus ACDB eandem habeant basim CD, Fig. 14.
& altitudinem EF, sicuti etiam conus *ced*, & cylindrus *acdb*, erit conus Fig. 15.
CED ad conum *ced*, ut est cylindrus ACDB, ad cylindrum *acdb*. Eadem Tab. 9.
enim est ratio, nempe *subtriplici*, utriusque coni ad suum cylindrum (§. 31.).

THEOREMA V.

Prismata æqualium basium, & altitudinum sunt inter se æqualia.

35. Duo prismata ADE, *ade* habeant æquales bases DEF, *def*, & alti-
tudines CF, *cf*. Dico, ea esse inter se æqualia.

Demonstratio.

Cum enim æquales sint bases DEF, *def*, utriusque prismatis elementa Fig. 16.
erunt magnitudine inter se æqualia (*Lib. XI. §. 77.*). Sunt autem etiam nu- Fig. 17.
mero æqualia; cum tot in utroque sint, quot in eorum altitudine habentur Tab. 9.
puncta (§. 79.). Ergo prismata *adf*, ADP sunt inter se æqualia (*Lib. IX.*
§. 55.) Itaque prismata &c. quod erat ostendendum.

COROLLARIUM I.

Parallelepipeda æqualium basium, & altitudinum sunt æqualia;

36. Est enim parallelepipedum species prismatis (*Lib. XI. §. 23.*):

COROLLARIUM II.

Cylindri æqualium basium, & altitudinum sunt æquales.

§7. Cylindrus namque est prisma infinitorum laterum (§. 70.):

COROLLARIUM III.

Planum diagonale dividit parallelepipedum in duo æqualia prismata.

Fig. 2. §8. Nimirum æqualia sunt prismata ACFGHB, ACFGED, in quæ
Tab. 7. dividitur parallelepipedum BE a plano diagonali ACFG. Cum enim diagonalis GF dividat parallelogrammum GHFE in duo triangula æqualia GFH, GFE (*Lib. 6. §. 21.*), duo prismata ACFGHB, ACFGED æquales bases habebunt. Habent autem eandem altitudinem, utpote quæ ab altitudine ipsius parallelepipedum diversa non est. Ergo duo ipsa prismata erunt æqualia (§. 39.).

COROLLARIUM IV.

Prisma triangulare est dimidium parallelepipedum super dupla basi, & sub eadem altitudine constituti.

§9. Videlicet prisma triangulare ACFGHB est dimidium parallelepipedum BE super dupla basi GHFE, & sub eadem altitudine BH constituti. Patet ex precedenti.

THEOREMA VI.

Prismata ejusdem altitudinis sunt directe inter se, ut eorum bases:

40. Sint duo prismata AEF, *aef*, quorum altitudines MN, *mn* æquales sint inter se, bases vero DEF, *def* inæquales. Dico, prisma AEF eam habere rationem ad prisma *aef*, quam habet basis DEF ad basim *def*.

Demonstratio.

Ponatur basis DEF = *xr*, basis *def* = *yu*, & utriusque altitudo = *z*.
Erit ergo prisma AEF = *xrz*, & prisma *def* = *yz*. Est autem *xrz*.
yz = *xr*. *yu* (*Lib. I. §. 93.*). Ergo erit quoque prisma AEF ad prisma *aef*, ut est basis DEF ad basim *def*, adeoque prismata &c. quod erat ostendendum.

Co-

COROLLARIUM I.

Parallelepipedum ejusdem altitudinis sunt, ut bases.

41. Omne namque parallelepipedum est prisma (Lib. XI. §. 23.);

COROLLARIUM II.

Pyramides ejusdem altitudinis sunt, ut bases.

42. Ut si altitudo MN pyramidis DMFE æqualis fuerit altitudini mn Fig. 18.
pyramidis dmfe, erit pyramis DMFE ad pyramidem dmfe, ut est basis Fig. 19.
DEF ad basim def. Pyramides namque DMFE, ¹dmfe sunt directe inter Tab. 9.
se, ut prismata AEF, aef super easdem bases, & sub iisdem altitudinibus constituta (§. 33.).

COROLLARIUM III.

Cylindri ejusdem altitudinis sunt, ut bases.

43. Cylindrus nempe ABCD eam habet rationem ad cylindrum abed, Fig. 10.
quam habet basis BC ad basim be, & eorum altitudines EF, ef fuerint Fig. 11.
æquales. Spectari enim possunt, veluti prismata infinitorum laterum (Lib. Tab. 9.
XI. §. 70.).

COROLLARIUM IV.

Coni æque alti sunt, ut eorum bases.

44. Ut si æquales fuerint altitudines EF, ef conorum BEC, bec, erunt Fig. 20.
ipsi coni directe inter se, ut ipforum bases BC, be. Coni namque BEC, Fig. 21.
bec sunt inter se, ut cylindri ABCD, abed super easdem bases BC, be, & Tab. 9.
sub iisdem altitudinibus EF, ef constituti (§. 34.).

COROLLARIUM V.

Bases prismatum, pyramidum cylindrorum & conorum ejusdem altitudinis sunt respectu inter se, ut ipsa corpora directe.

45. Sicuti namque prismata ejusdem altitudinis sunt directe inter se, ut ipforum bases, ita vicissim bases prismatum eandem altitudinem habentium erunt directe, ut ipsa prismata. Idipsum dicto de pyramidibus, cylindris, & conis respectu.

THEO.

THEOREMA VII.

Prismata aequalium basium sunt directe inter se, ut eorum altitudines.

Fig. 1. 46. Duo prismata ABC, *abc* habeant æquales bases BEC, *bec* sed inæ-
 Fig. 2. quales altitudines MN, *mn*. Dico, prismata ABC esse ad prismata *abc*, ut
 Tab. 10. est altitudo MN ad altitudinem *mn*.

Demonstratio.

Coincidit cum demonstratione theorematis præcedentis.

COROLLARIUM I.

Parallelepipedæ aequalium basium sunt directe, ut altitudines.

47. Quandoquidem omne parallelepipedum est prismata (Lib. XI. §. 23.).

COROLLARIUM II.

Pyramides aequalium basium sunt directe, ut altitudines.

Fig. 1. 48. Si nimirum æquales fuerint bases BEC, *bec* pyramidum BMCE,
 Fig. 2. *bmce*, pyramis BMEC erit ad pyramidem *bmec*, ut est altitudo MN ad
 Tab. 10. altitudinem *mn*. Est enim pyramis BMEC ad pyramidem *bmec*, ut est
 prismata AEC ad prismata *aec*, quæ sunt super easdem bases, & sub iisdem
 altitudinibus constituta (§. 40.).

COROLLARIUM III.

Cylindri aequalium basium sunt directe inter se, ut ipsorum altitudines.

Fig. 3. 49. Ratio nimirum cylindri ABCD ad cylindrum æqualis basis *abcd*
 Fig. 4. diversa non est a ratione altitudinis EF ad altitudinem *ef*. Cylindri namque
 Tab. 10. sunt prismata infinitorum laterum. (Lib. XI. §. 70.).

COROLLARIUM IV.

Coni aequalium basium sunt, ut altitudines.

Fig. 3. 50. Videlicet conus BEC est ad conum *bec* ejusdem basis, ut est alti-
 Fig. 4. tudo EF ad altitudinem *ef*. Est enim conus BEC ad conum *bec*, ut est
 Tab. 10. cylindrus ABCD ad cylindrum *abcd* (§. 34.).

Co.

COROLLARIUM V.

Altitudines prismatum, pyramidum, cylindrorum, & conorum aequales bases habentium sunt directe inter se, ut ipsa corpora respective.

51. Sicuti namque hujusmodi corpora sunt directe, ut altitudines, ita vicissim altitudines erunt, ut ipsa corpora.

COROLLARIUM VI.

Prismata, pyramides, coni, & cylindri inaequalium basium, & ejusdem altitudinis, vel inaequalis altitudinis, & ejusdem basis sunt magnitudines respective inter se inaequales.

52. Etenim in primo casu sunt directe inter se, ut bases, in secundo, ut altitudines.

THEOREMA VIII.

Prismata inaequalium basium, & altitudinum sunt directe inter se in ratione composita basium, & altitudinum.

53. Sint duo prismata AE, ae , quorum bases DEF, def inaequales sint inter se, sicuti etiam altitudines MN, mn . Dico, prisma AE esse ad prisma ae in ratione composita ex ratione basis DEF ad basim def , & ex ratione altitudinis MN ad altitudinem mn . Fig. 9.
Fig. 4.
Tab. 9.

Demonstratio I.

Esto basis $DEF = px$, basis $def = qz$, altitudo $MN = r$, & altitudo $mn = y$. Erit ergo prisma $AE = pxr$, & prisma $ae = qzy$. Est autem productum pxr ad productum qzy in ratione composita ex ratione primi termini px ad secundum qz , & ex ratione tertii r ad quartum y (*Lib. I. §. 168.*). Ergo prisma quoque AE erit ad prisma ae in ratione composita ex ratione basis DEF ad basim def , & ex ratione altitudinis MN ad altitudinem mn .

Demonstratio II.

Prisma AE secetur plano XZR basi DEF parallelo ad altitudinem RF x-
qualem altitudini mn prismatis ae . Ponatur autem basis def prismatis ae
eam habere rationem ad basim DEF prismatis AE , quam habet quantitas x
ad quantitatem y , & altitudo PN , sive mn ad altitudinem MN ponatur,
ut quantitas y ad quantitatem z . Itaque cum prismata ae, RD habeant per
hypo.

hypotheseſim eandem altitudinem, erit priſma *ae* ad priſma *RD*; ut baſis *def* ad baſim *DEF*. (§. 40.), ſive ut quantitas *x* ad quantitatem *y*. Eſt autem priſma *RD* ad priſma *AE* ejuſdem baſis, ut altitudo *PN*, ſive *mn* ad altitudinem *MN* (§. 46.), nempe ut quantitas *y* ad quantitatem *z*. Ergo ex *ſqualitate rationis* erit priſma *ae* ad priſma *AE*, ut quantitas *x* ad quantitatem *z* (*Lib. I* §. 179.). Maniſeſtum porro eſt, primam *x* trium *x, y, z* eſſe ad tertiam *z* in ratione compoſita ex ratione primæ *x* ad ſecundam *y*, & ex ratione ſecundæ *y* ad tertiam *z* (§. 176.). Ergo priſma quoque *ae* erit ad priſma *AE* in ratione compoſita ex ratione quantitatis *x* ad quantitatem *y*, ſive baſis *def* ad baſim *DEF*, & ex ratione quantitatis *y* ad quantitatem *z*, ſeu altitudinis *mn* ad altitudinem *MN*. Itaque priſmata &c. quod erat oſtendendum.

COROLLARIUM I.

Parallelepipeda inæqualium baſium, & altitudinum ſunt inter ſe in ratione compoſita baſium, & altitudinum.

54. Omne enim parallelepipedum eſt priſma (*Lib. XI* §. 23.).

COROLLARIUM II.

Cubi ſunt in ratione compoſita baſium, & altitudinum:

55. Etenim omnis cubus eſt parallelepipedum (*Lib. XI* §. 28.).

COROLLARIUM III.

Pyramides inæqualium baſium, & altitudinum ſunt in ratione compoſita baſium, & altitudinum.

Fig. 3. 56. Videlicet pyramides *DME*, *dme* inæqualium baſium *DEF*, *def*, &
Fig. 4. altitudinum *MN*, *mn* ſunt inter ſe in ratione compoſita ipſarum baſium,
Tab. 9. & altitudinum. Sunt enim, ut priſmata *AE*, *ae* ſuper eaſdem baſes, & ſub
iſſdem altitudinibus conſtituta (§. 33.).

COROLLARIUM IV.

Cylindri inæqualium baſium, & altitudinum ſunt in ratione compoſita baſium, & altitudinum.

Fig. 14. 57. Cylindrus nempe *AD* eſt ad cylindrum *ad* inæqualis baſis, & al-
Fig. 15. titudinis in ratione compoſita ex ratione baſis *CD* ad baſim *cd*, & ex
Tab. 9. ratione altitudinis *EF* ad altitudinem *ef*. Cylindri namque ſunt priſmata
inſinitorum laterum (*Lib. XI* §. 70.).

Co-

COROLLARIUM V.

Coni inaequalium basium, & altitudinum sunt in ratione composita basium, & altitudinum.

§8. Ratio scilicet conorum CED, *ced* inaequalium basium CD, *cd*, & altitudinum EF, *ef* est composita ex ratione basium CD, *cd*, & altitudinum EF, *ef*. Coni namque CED, *ced* sunt directe inter se, ut cylindri AD, *ad* super easdem bases, & sub iisdem altitudinibus constituti (§. 34).

THEOREMA IX.

Ille prismata sunt inter se aequalia, quae reciprocant sibi mutuo bases, & altitudines.

§9. Sint duo prismata AE, *ae*, quae sic se habeant, ut quam propor- Fig. 5.
tionem habet basis CDE ad basim *cde*, eandem habeat altitudo *fb* ad al- Fig. 6.
titudinem FH. Dico, prismata AE, *ae* esse inter se aequalia. Tab. 10

Demonstratio I.

Ponatur basis $CDE = mn$, basis $cde = pq$, altitudo $fb = x$, & altitudo $FH = y$. Erit ergo per hypothesein $mn : pq = x : y$, atque adeo $mny = pqx$ (Lib. I. §. 82.); Est autem prisma $AE = mny$, & prisma $ae = pqx$. Ergo erit quoque $AE = ae$ (Syn. Alg. §. 259.). Illa ergo prismata &c.

Demonstratio II.

Vel enim altitudines FH, *fb* aequales sunt inter se, vel inaequales. Si sunt aequales: ergo bases quoque CDE, *cde* aequales erunt (Lib. I. §. 45.); cum sit per hypothesein basis CDE ad basim *cde*, ut altitudo *fb* ad altitudinem FH, atque adeo ipsa itidem prismata AE, *ae* erunt aequalia (§. 35.). Si vero altitudines FH, *fb*, sunt inaequales, nempe altitudo FH major altitudine *fb*, ad altitudinem ZH altitudini *fb* aequalem secetur prisma AE plano MNP parallelo basi CDE. Erit ergo prisma *ae* ad prisma ME ejusdem altitudinis ZH, ut est basis *cde* ad basim CDE (§. 40.). Est autem basis *cde* ad basim CDE, ut altitudo FH ad altitudinem *fb*, sive ad altitudinem ZH per hypothesein. Ergo erit prisma *ae* ad prisma ME, ut altitudo FH ad altitudinem ZH. Constat autem, prisma quoque AE esse ad prisma NE ejusdem basis CDE, ut est altitudo FH ad altitudinem ZH (§. 46.). Ergo utrumque prisma AE, *ae* eandem ad prisma ME rationem habet, duoque idcirco prismata AE, sunt inter se aequalia (Lib. I. §. 103.). Illa ergo prismata &c. quod erat ostendendum.

COROLLARIUM I.

Illa parallelepipeda sunt equalia inter se, qua reciprocant sibi mutuo bases, & altitudines.

60. Cum enim omne parallelepipedum sit prisma (Lib. XI. §. 23.), quod de prismaticis ostensum est, parallelepipedis etiam convenit.

COROLLARIUM II.

Illa pyramides sunt aequales, qua reciprocant sibi mutuo bases, & altitudines.

61. Aequales nimirum erunt pyramides CFE, *cfe*, si basis CDE fuerit ad basim *cde*, ut est altitudo *fb* ad altitudinem FH. Sunt enim ipsae
Fig. 5. ad basim *cde*, ut est altitudo *fb* ad altitudinem FH. Sunt enim ipsae
Fig. 6. pyramides, ut prismata AE, *ae* super eadem bases, & sub iisdem altitudinibus constituta (§. 33.).

COROLLARIUM III.

Cylindri, qui reciprocant sibi mutuo bases, & altitudines, sunt aequales.

62. Ut si ratio basis CD cylindri AD ad basim *cd* cylindri *ad* eadem fuerit, ac ratio altitudinis *ef* ad altitudinem EF, duo ipsi cylindri erunt
Fig. 7. aequales. Sunt enim prismata infinitorum laterum (Lib. XI. §. 70.).
Fig. 8. Tab. 10.

COROLLARIUM IV.

Illi conii sunt aequales, qui reciprocant sibi mutuo bases, & altitudines:

63. Conii nimirum ECD, *ecd* aequales erunt inter se si bases CD, *cd* fuerint in ratione reciproca altitudinum EF, *ef*. Sunt enim conii ECD, *ecd*,
Fig. 7. ut cylindri AD, *ad* (§. 34.).
Fig. 8. Tab. 10.

THEOREMA X.

Prismata equalia reciprocant sibi mutuo bases, & altitudines.

Fig. 5. 64. Duo prismata AE, *ae* sint inter se equalia. Dico, basim CDE esse
Fig. 6. ad basim *cde*, ut est altitudo *fb* ad altitudinem FH.
Tab. 10.

Demonstratio I.

Ponatur basis CDE $\equiv mn$, basis *cde* $\equiv pq$, altitudo *fb* $\equiv x$, & altitudo FH $\equiv y$. Erit ergo prisma AE $\equiv nny$, & prisma *ae* $\equiv pqx$. Quamobrem cum sit per hypothesim AE $\equiv ae$; erit quoque $nny \equiv pqx$ (*Syn. Algeb.* §. 259.). Est autem nny productum extremarum mn, y , & factum pqx est productum mediarum pq, x . Ergo erit $mn. pq \equiv x. y$ (*Lib. I.* §. 84.), atque adeo basis CDE ad basim *cde*, ut est *reciprocè* altitudo *fb* ad altitudinem FH.

Demonstratio II.

Quandoquidem altitudines FH, *fb* vel æquales sunt inter se; vel inæquales. Si sunt æquales, cum per hypothesim prismata sint æqualia, æquales erunt etiam bases CDE, *cde* (§. 40.); ac proinde bases ipsæ erunt in ratione *reciproca* altitudinum. Si vero altitudines sunt inæquales, prisma AE majoris altitudinis secetur plano MNP basi CDE parallelo ad altitudinem ZH altitudini *fb* æqualem. Itaque cum prismata ME, *ae* sint ejusdem altitudinis, basis *cde* erit ad basim CDE, ut est solidum *ae* ad solidum ME (§. 45.), sive ut solidum AE ad solidum ME (*Lib. I.* §. 112.), ob æqualitatem scilicet solidorum AE, *ae*. Est autem prisma AE ad prisma ME ejusdem basis, ut altitudo FH ad altitudinem ZH (§. 46.). Ergo basis quoque *cde* erit ad basim CDE, ut altitudo FH ad altitudinem ZH (*Lib. I.* §. 78.). sive ut altitudo FH ad altitudinem *fb* (§. 112.). Itaque Prismata æqualia &c. quod erat ostendendum.

C O R O L L A R I U M I.

Parallelepipeda æqualia reciprocant sibi mutuo bases, & altitudines.

65. Omne siquidem parallelepipedum est prisma (*Lib. XI.* §. 23.).

C O R O L L A R I U M II.

Pyramides æquales reciprocant sibi mutuo bases, & altitudines.

66. Si nimirum pyramides FCE, *fce* æquales fuerint, bases CDE, *cde* Fig. 6. erunt in ratione reciproca altitudinum FH, *fb*. Ipsæ namque pyramides Fig. 5. sunt, ut prismata AE *ae* (§. 33.).

Tab. 10.

COROLLARIUM III.

Cylindri æquales reciprocant sibi mutuo bases, & altitudines.

Fig. 7. 67. Videlicet si duo cylindri AD, ad æquales fuerint, basis CD erit
Fig. 8. ad basim ed, ut est reciproce altitudo ef ad altitudinem EF. Spectari enim
Tab. 10. possunt ipsi cylindri, veluti prismata infinitorum laterum (Lib. XI §. 70.).

COROLLARIUM IV.

Coni æquales reciprocant sibi mutuo bases, & altitudines.

Fig. 7. 68. Bases nimirum CD, ed conorum æqualium ECD, eed erunt in ra-
Fig. 8. tione reciproca altitudinum EF, ef. Sunt enim conii ipsi, ut cylindri
Tab. 10. AD, ad (§. 34.).

THEOREMA XI.

*Parallelepipedum rectangulum factum ex tribus rectis lineis continuo
proportionalibus est æquale cubo media.*

69. Sint tres rectæ lineæ continuo proportionales A, B, C, ex quibus fiat parallelepipedum rectangulum DH, ita nimirum ut ejus basis DEFG sit rectangulum contentum sub extremis A, C, altitudo vero HE sit media B. Ex eadem autem media B fiat cubus KP. Dico, parallelepipedum DH esse æquale cubo KP.

Demonstratio.

Cum enim tres rectæ A, B, C sint continuo proportionales rectangulum DEFG contentum sub extremis A, C erit æquale quadrato KLMN
Fig. 9. mediæ B (Lib. IX. §. 111.). Hæc autem quadrilatera sunt bases solidorum
Tab. 10. DH, KP. Ergo duo parallelepipeda DH, KP habent bases æquales. Habent autem altitudines quoque HF. PM æquales inter se, utpote æquales mediæ B. Ergo duo parallelepipeda DH, KP erunt æqualia (§. 35.). Itaque parallelepipedum &c. quod erat ostendendum.

SCHOLIUM.

70. Porro observare plurimum interest cum viro Cl. P. Andrea Tacqueto, ex tribus rectis lineis continuo proportionalibus quomodocunque inter se multiplicatis solidum ejusdem semper magnitudinis conjungere. Sint enim tres rectæ lineæ continuo proportionales a, b, c. Solida, quæ ex illarum multiplicatione inter se mutuo fieri possunt, sint abc, cab, bca, in quibus
duz

primæ literæ expriment basim, tertia altitudinem. Quoniam igitur est $ab. ca = b. c$ (Lib. I. §. 93.), basis ab solidi abc erit ad basim ca solidi cab reciproce, ut altitudo b posterioris ad altitudinem c prioris. Ergo duo solida abc , cab sunt æqualia (§. 59.). Eadem ratione erit $cab = bca$, cum sit $ca. bc = a. b$. Ergo erit $abc = cab = bca$ (Syn. Alg. §. 259.).

THEOREMA XII.

Omnia latera homologa planorum, quibus similia solida continentur, eandem inter se rationem habent.

71. Sint duo solida similia ACE, ace planis terminata AMF, amf * FME, fme &c. Dico, omnia latera homologa planorum similium, quibus continentur, eandem inter se rationem habere, nimirum esse AF. af. Tab. 9. $= ME. me$ &c. Fig. 7.
Fig. 8.
Tab. 9.

Demonstratio.

Quoniam plana AMF, amf sunt similia, & latera ipsorum homologa AF, af * FM, fm * AM, am, erit AF. af = MF. mf (Lib. IX. §. 77.). Eadem ratione, cum similia sint plana MFE, mfe, & latera MF, mf * ME, me sint homologa, habebitur ME. me = MF. mf. Ergo erit ME. me = AF. af (Lib. I. §. 76.). Eodem modo demonstrabitur FE. fe = AF. af, atque ita de ceteris, omnia scilicet huiusmodi latera homologa esse directe inter se, ut duo quolibet AF, af, ac proinde eandem omnium esse rationem. Itaque omnia &c. quod erat ostendendum.

THEOREMA XIII.

Altitudines prismatum, & pyramidum similium, quorum bases sint duo ipsorum plana similia, sunt directe inter se, ut duo qualibet latera homologa planorum, quibus terminantur.

I.

72. Sint duo prismata similia AEF, aef, quorum bases DEF, def, sint duo plana ipsorum similia. Dico, eorum altitudines esse directe inter se, ut duo quolibet homologa latera EF, ef, planorum, quibus terminantur. Fig. 3.
Fig. 4.
Tab. 9.

Demonstratio.

Etenim, si duo illa prismata ad perpendicularum suis basibus DEF, def incumbunt, cum eorum altitudines tunc diversæ non sint a lateribus homologis CF, cf planorum similium BEFC, befc (Lib. XI. §. 21.), sitque horum omnium laterum eadem ratio (Lib. IX. §. 77.), remanet aperte, esse

Elem. Math. T. III.

F.

CF.

CF. *ef* = EF. *ef*. Si vero sint ad basim inclinata, qua ratione ad bases DEF, *def* se habent solida DME, *dme*, ut proinde eorum altitudines sint rectæ MN, *mn*; super easdem bases DEF, *def*, & sub altitudinibus CF, *cf*, quæ sint ipsis MN, *mn* æquales, constituentur duo similia prismata AF, *af* suis basibus ad perpendicularum insistentia. Cum igitur sit ex hypothesi MN = CF, *mn* = *c, f*, erit MN. *mn* = CF. *ef*. Est autem CF. *cf* = EF. *ef*, ut modo demonstravimus. Ergo erit quoque MN. *mn* = EF. *ef* (Lib. I. §. 77.), nimirum altitudines, ut duo homologa latera basium similia. Igitur altitudines ipsæ erunt itidem, ut duo quælibet planorum similia, quibus prismata ipsa continentur, homologa latera.

I I.

Fig. 3. 73. Sint duæ pyramides similes DMFE, *dmfe*, quarum bases sint plana similia DEF, *def*, altitudines vero MN, *mn*. Dico, altitudines MN, *mn* esse directæ inter se, ut duo quælibet homologa latera EF, *ef* similia planorum DEF, *def*, quibus ipsæ pyramides terminantur.

Demonstratio.

Si namque super easdem bases, & sub iisdem altitudinibus constituentur duo prismata similia AF, *af*, evidens est, altitudines MN, *mn* esse directæ inter se, ut duo latera EF, *ef* (§. 72.). Ergo altitudines MN, *mn* pyramidum similia ME, *me* sunt inter se, ut duo homologa latera EF, *ef* suarum basium; atque adeo ut duo quælibet latera aliorum planorum similia, quibus pyramides ipsæ continentur; cum scilicet horum omnium laterum eadem sit ratio (§. 71.). Itaque altitudines &c. quod erat ostendendum.

COROLLARIUM I.

Bases prismatum, & pyramidum similia, si sint plana similia, sunt in ratione duplicata suarum altitudinum; & vicissim altitudines in ratione subduplicata basium.

74. Basim nimirum DEF pyramidis ME erit ad basim sibi similem *def* similis pyramidis *me* in ratione duplicata altitudinis MN ad altitudinem *mn*; & vicissim altitudines MN, *mn* in ratione subduplicata basium. Constat enim, basim DEF esse ad basim *def* in ratione duplicata lateris EF ad latus sibi homologum *ef* (Lib. IX. §. 180.), & vicissim latus EF ad latus *ef* in ratione subduplicata basium DEF ad basim *def* (§. 182.). Est autem MN. *mn* = EF. *ef*. Ergo &c. Idipsum dicito de prismatibus similibus.

COROLLARIUM II.

Bases prismatum, atque pyramidum similium, si sunt plana eorum similia, sunt, ut quadrata altitudinum; & vicissim quadrata altitudinum, ut eorundem bases.

75. Quadrata namque altitudinum sunt in ratione ipsarum duplicata (§. 172.).

COROLLARIUM III.

Bases parallelepipedorum similium sunt in ratione duplicata suarum altitudinum, atque adeo ut earundem quadrata.

76. Etenim omne parallelepipedum est prisma (Lib. XI. §. 23.).

THEOREMA XIV.

Altitudines cylindrorum, & conorum similium sunt directe inter se, ut suarum basium radii.

I.

77. Sint duo cylindri similes AD, ad suis basibus CD, ad ad perpendiculum insistentes, vel illis similiter inclinati, ut FD, *fd*. Dico ipso-
rum altitudines NE, *ne*, vel OR, *or* esse directe inter se, ut radii
CE, *ce* suarum basium. Fig. 5.
Fig. 6.
Tab. 9.

Demonstratio.

Cum enim in cylindris perpendicularibus AD, ad altitudines NE, *ne* ab eorum axibus non differant (Lib. XI. §. 39.), altitudines erunt inter se, ut axes. Axes autem sunt, ut basium radii (§. 8.). Ergo in hac eadem itidem ratione erunt altitudines. In cylindris vero inclinatis FD, *fd*, cum ob similitudinem ipsorum cylindrorum anguli inclinationis OER, *oer* sint æquales (§. 6.), & anguli ORE, *ore* sint recti (Lib. V. §. 24.), adeoque æquales (Lib. III. §. 37.), reliquus angulus EOR in triangulo EOR æquabit reliquum angulum *eor* in triangulo *eor* (Lib. V. §. 46.); ac proinde duo triangula EOR, *eor*, utpote æquiangula, erunt sibi mutuo similia (Lib. IX. §. 66.). Igitur homologa latera, sive altitudines OR, *or*, erunt inter se, ut latera homologa OE, *oe* nempe ut axes (§. 77.). Axes autem OE, *oe* sunt, ut basium radii CE, *ce* (§. 8.). Ergo in eadem quoque ratione radiorum erunt altitudines OR, *or* (Lib. I. §. 77.).

I I.

Fig. 5. 78. Sint duo coni similes CND, *en*d recti, vel COD, *c*od suis basi-
Fig. 6. bus CD, *ed* inclinati. Dico, altitudines NE, *ne*, vel OR, *or* esse dire-
Tab. 9. *cte* inter se, ut radii CE, *ce* suarum basium.

Demonstratio.

Eadem est in utroque casu cum præcedenti. Itaque altitudines &c. quod erat ostendendum.

COROLLARIUM I.

Altitudines cylindrorum, & conorum similium sunt directe inter se, ut diametri suarum basium.

79. Circulorum namque diametri sunt *directe* inter se, ut eorundem radii (*Lib. I. §. 127.*).

COROLLARIUM II.

Bases cylindrorum, & conorum similium sunt in ratione duplicata altitudinum, & vicissim altitudines in ratione subduplicata basium.

80. Quandoquidem circuli sunt in ratione *duplicata* suarum diametrorum (*Lib. IX. §. 186.*), & vicissim diametri in ratione ipsorum *subduplicata* (*§. 192.*). Ratio autem altitudinum in cylindris, & conis similibus *diversa* non est, a ratione diametrorum suarum basium. Ergo &c.

COROLLARIUM III.

Bases cylindrorum, & conorum similium sunt inter se, ut quadrata altitudinum, & vicissim quadrata altitudinum, ut bases.

81. Constat enim, quadrata altitudinum esse inter se in ratione ipsarum *duplicata* (*Lib. IX. §. 172.*).

THEOREMA XV.

Superficies cylindrorum, & conorum similium sunt directe inter se in ratione duplicata diametrorum suarum basium.

I.

82. Sint duo cylindri similes AD, *ad*. Dico, totam cylindri AD superficiem esse ad totam superficiem cylindri *ad* in ratione duplicata diametrorum CD, *cd* suarum basium. Fig. 11.
Fig. 12.
Tab. 9.

Demonstratio.

Esto EMNF unum ex illis parallelogrammis infinite parvæ latitudinis; quibus cylindrica superficies ACDB terminatur (*Lib. XI. §. 71.*), & *emnf* sit unum ex illis itidem parallelogrammis, quibus cylindrica superficies *acdb* comprehenditur. Quoniam igitur duo cylindri sunt per hypothesein sibi mutuo similes, omnisque cylindrus sit prisma infinitorum laterum (§. 70.), duo cylindri AD, *ad* spectari possunt veluti duo prismata similia, totidem idcirco similibus planis comprehensa (§. 1.). Duo ergo ex his parallelogrammis similibus sint EFMN, *efmn*. Cum igitur hæc sint in ratione duplicata suorum laterum homologorum MN, *mn* (*Lib. IX. §. 170.*), & duo latera MN, *mn* sint inter se, ut diametri CD, *cd* (§. 156.); cum sint arcus similes, licet infinite parvi, peripheriarum CMD, *cmd*, duo plana EFMN, *efmn* erunt in ratione duplicata diametrorum CD, *cd*. Hæc porro plana EFMN, *efmn* sunt partes aliquotæ similes cylindricarum superficierum ACDB, *acdb* per hypothesein. Ergo cylindrica quoque superficies ACDB erit ad cylindricam superficiem *acdb* in ratione duplicata diametri CD ad diametrum *cd* (*Lib. I. §. 127.*).

I I.

83. Sint duo similes cono BAE, *bae*. Dico, conicas huiusmodi superficies esse directe inter se in ratione duplicata diametrorum BE, *be* suarum basium. Fig. 13.
Fig. 14.
Tab. 10.

Demonstratio.

Eadem est cum præcedenti. Ut enim similium cylindrorum superficies ex similibus parallelogrammis, ita similium conorum superficies ex totidem similibus triangulis confurgunt (*Lib. XI. §. 73.*). Erit ergo conica superficies BAE ad conicam superficiem *bae*, ut triangulum infinite parvum CAD ad triangulum sibi simile *cad* (*Lib. I. §. 127.*). Sunt autem huiusmodi triangula in ratione duplicata laterum homologorum, sive arcuum

Elem. Math. T. II.

E 3

fini.

similium CD, *ed* (§. 166.); proinde diametrorum BE, *be* (§. 156.). Ergo in eadem quoque ratione erunt conicæ ipsæ superficies BAE, *bae* (§. 77.). Superficies itaque cylindrorum &c. quod erat ostendendum.

S C H O L I O N.

84. Si cylindricæ superficies sumantur una cum circulis, quibus ipsi cylindri terminantur, & superficies conicæ una cum basium circulis itidem spectentur, ipsa adhuc tota assertio manifesta est. Sunt enim circuli in ratione suarum diametrorum *duplicata* (Lib. IX. §. 186.).

COROLLARIUM I.

Superficies cylindrorum, & conorum similium sunt respectivé inter se, ut quadrata diametrorum suarum basium.

85. Hujusmodi enim quadrata sunt, quemadmodum ipsæ cylindricæ, & conicæ superficies, in ratione ipsarum diametrorum *duplicata* (Lib. IX. §. 172.).

COROLLARIUM II.

Superficies cylindrorum, & conorum similium sunt in ratione duplicata tum axium, tum altitudinum.

86. Axes namque, & altitudines cylindrorum, & conorum similium sunt directe inter se, ut diametri basium (§. 8.).

COROLLARIUM III.

Similium cylindrorum, & conorum superficies sunt, ut quadrata axium, & altitudinum.

87. Sunt enim ejusmodi quadrata in ratione ipsorum axium, & altitudinum *duplicata* (Lib. IX. §. 172.).

COROLLARIUM IV.

Superficies cylindrorum, & conorum similium sunt directe, ut circuli basium, & vicissim circuli basium, ut superficies.

88. Constat enim, circulos basium esse inter se in ratione suarum diametrorum *duplicata* (Lib. IX. §. 186.) quemadmodum horum solidorum superficies.

COROLLARIUM V.

Si conus rectus secetur plano basi parallelo, curva superficies totius conici erit ad curvam superficiem segmenti conici, ut circulus baseos conici ad circumulum sectionis.

89. Ut si conus rectus BAD secetur plano MN basi BCD parallelo, curva superficies totius conici erit ad curvam superficiem segmenti conici MAN, ut est circulus baseos BCD totius conici ad circumulum sectionis MN. Et enim conici BAD, MAN sunt sibi mutuo similes (§. 26.).

COROLLARIUM VI.

Si ratio diametrorum basium, vel ratio axium, aut altitudinum in cylindris, & conis similibus continetur usque ad tertium terminum, superficies horum corporum respective erunt inter se, ut illorum primus ad tertium.

90. Ut si diameter CD basis CD cylindri AD fuerit ad diametrum *cd* basis *cd* cylindri similis *ad*, ut est quantitas *x* ad quantitatem *y*, & fiat $\frac{x}{y} = \frac{z}{x}$, superficies cylindri AD erit ad superficiem cylindri *ad*, ut est prima *x* ad tertiam *z*. Est enim *x* ad *z* in ratione duplicata primæ *x* ad secundam *y* (Lib. I. §. 277.). Idipsum dicito de ratione axium, & altitudinum.

THEOREMA XVI.

Polyedra similia in totidem ex æquo pyramides similes resolvi possunt.

91. Sint duo polyedra similia ACE, *acé*. Dico, ea in totidem ex æquo pyramides similes resolvi posse.

Demonstratio.

Sumto in area polyedri ACE puncto M, ex eo veluti centro ducantur ad singulos ipsius polyedri angulos rectæ MB, MP, MA, MH &c. His divisum erit polyedrum ACE in tot pyramides, punctum M pro vertice communi, & polyedri plana pro base habentes, ut patet de pyramidibus BMAP, AMFH, quot sunt plana, quibus ipsum polyedrum terminatur. Concipiatur modo polyedrum ACE veluti consurgens ex pluribus polyedricis superficiebus, quæ omnes sit concentricæ cum extrema superficie ACE, earumque plana sint respective parallela planis ipsius superficiei extremæ ACE, prout exhibet superficies *baf* polyedro ACE inclusa. Cum igitur plana *bpa*, BPA sint in pyramide BMAP inter se parallela, erunt sibi mutuo similia (Lib. E 4 XL §. 88.)

xi. §. 88.), eandemque ob causam similia erunt etiam plana *abf*, *AHF*, nec non plana *sue*, *FNE*, atque ita de ceteris. Quamobrem polyedrum superficie *bdf* terminatum simile erit polyedro *ACE* (§. 1.). Eodem modo ostendam, ea omnia polyedra, quæ superficiebus soliditatem polyedri *ACE* constituentibus continentur, polyedro *ACE* esse similia. Quoniam autem huiusmodi polyedra polyedro *ACE* inclusa, eique similia, eo continuo minora sunt, quo ipsorum superficies centro *M* sit proximior, uni certe ex ipsis æquale erit polyedrum *ace*, utpote quod minus est polyedro *ACE*, & illi simile. Ponamus ergo, polyedrum *ace* æquale esse polyedro *bdf*. Constat autem, polyedrum *bdf* constare ex tot pyramidibus, ex quo componitur polyedrum *ACE* atque unius pyramides similes esse pyramidibus alterius, alteram alteri, videlicet pyramidem *dMx*, pyramidi *DMEZ*, pyramidem *eM/s* pyramidi *EMFN*, atque ita deinceps (§. 25.) i. cum plana *dze*, *DZE* sint parallela, sicuti etiam plana *enf*, *ENF* &c. Ergo polyedrum quoque *ace* resolvi potest in tot pyramides, in quot polyedrum *ACE* dividitur, & ea quidem ratione, ut pyramides polyedrum constituentes *ace* similes sint iis, quæ polyedrum *ACE* constituunt, altera alteri, quæ nimirum super similia ipsorum polyedrorum plana sunt constitutæ. Itaque polyedra similia &c. quod erat ostendendum.

COROLLARIUM I.

92. Erectis super similia plana *DZE*, *dæ* similibus pyramidibus *DMEZ*, *dmea*, ductisque ex illarum apicibus *M*, *m* ad singulos ipsorum polyedrorum angulos rectis *ME*, *me* * *MZ*, *ma* &c. polyedra ipsa similia in totidem ex æquo pyramides similes divisa erunt.

COROLLARIUM II.

Polyedra regularia ejusdem generis in totidem ex æquo pyramides similes resolvi possunt.

93. Omnia enim polyedra regularia ejusdem generis sunt sibi mutuo similia (§. 3.).

L E M M A I.

Polyedrum quodcunque regulare resolvi potest in tot pyramides omnino inter se æquales, quot sunt illius plana.

94. Esto polyedrum regulare *ACE*. Dico, ipsum resolvi posse in tot pyramides omnino inter se æquales, quot sunt plana, quibus terminatur.

De-

Demonstratio.

Ex illius centro M ad singulos ejusdem angulos ducantur radii MB, MP, MA, MH, MF &c. Quoniam igitur polyedrum est regulare, omnia plana BPA, AHF, &c. quibus clauditur, erunt regularia, ejusdem generis, & inter se æqualia (*Lib. XI. §. 10.*): ac proinde æqualia inter se erunt omnia illorum latera BA, BP, PA, AF, AH, HF &c. (*Lib. V. §. 20.*). Sunt autem æquales inter se etiam radii MB, MP, MA, MH &c. (*§. 15.*). Ergo omnia triacula BMA, BMP, PMA, AMF &c., quibus pyramides BMAP, AMFH continentur, sunt isoscelia (*Lib. V. §. 25.*), & inter se æqualia (*§. 84.*). Quamobrem pyramides ipse sunt hujusmodi, ut, una intra alteram posita, sibi mutuo perfecte congruant: atque adeo omnes sunt inter se æquales (*§. 34.*). Hæ autem tot sunt, quot sunt plana polyedrum ipsum terminantia, ut patet. Ergo polyedrum ACE in tot resolvi potest pyramides &c. quod erat ostendendum.

COROLLARIUM I.

Anguli verticales equalium pyramidum, in quas regulare polyedrum resolvitur, sunt omnes inter se æquales.

95. Cum enim anguli verticales BMP, BMA, PMA, AMF &c. isoscelium triangulorum, quibus verticales ipsarum pyramidum anguli continentur, sint æquales (*§. 82.*), ob æqualitatem scilicet tum laterum, tum basium ipsorum triangulorum, ipsique verticales pyramidum anguli totidem ex æquo planis angulis contineantur, perspicuum est, eos omnes esse inter se æquales (*Lib. XI. §. 4.*). Fig. 15.
Tab. 10.

COROLLARIUM II.

Angulus verticalis singularum pyramidum equalium, in quas polyedrum regulare resolvitur, est ad quatuor solidos rectos angulos, ut basis ipsius pyramidis ad totam polyedri superficiem.

96. Angulus nempe verticalis BMA pyramidis BMAP in polyedro regulari ACE est ad quatuor solidos rectos angulos, qui circa centrum M fieri possunt, ut est basis BPA ipsius pyramidis ad totam polyedri superficiem. Etenim, cum in tot pyramides æquales polyedrum ACE resolvetur, quot sunt plana ipsum terminantia, omnesque verticales ipsarum pyramidum anguli, qui spatium replent circa centrum M, quique propterea quatuor rectos angulos simul summi adequant, sint inter se æquales (*§. 95.*), sicuti æqualia sunt inter se mutuo omnia plana, quæ polyedricam superficiem ACE constituunt (*Lib. XI. §. 10.*), quæ pars aliquota totius Fig. 15.
Tab. 10.

totius polyedricæ superficiæ ACE est planum BPA, eadem pars a liquota quatuor rectorum erit angulus verticalis EMA pyramidis BMAP; ac proinde &c.

THEOREMA XVII.

Si ex centro polyedrorum regularium ejusdem generis ad singulos ipsorum angulos radii ducantur, in totidem ex aquo pyramides sibi mutuo similes polyedra ipsa divisa erunt.

97. Sint duo polyedra ejusdem generis ACE, *ace*. Ex eorum centro M, *m* ducantur ad singulos ipsorum angulos radii MB, *mb*, MP, *mp* &c. Dico omnes pyramides, in quas divisum est polyedrum ACE, iis esse similes in quas divisum est polyedrum *ace*, & simul numero esse æquales.

Demonstratio.

Cum enim in utroque polyedro tot distinctæ sint pyramides, quot sunt plana terminantia, pyramides ipsæ in utroque erunt numero æquales. Quippe polyedra ipsa sunt per hypotheseum ejusdem generis. Rursus cum omnes pyramides, in quas divisum est polyedrum ACE, sint æquales inter se (§. 94.), sicuti etiam omnes pyramides, in quas divisum est polyedrum *ace*, erit angulus verticalis DME pyramidis DMEZ ad quatuor rectorum, ut planum DZE ad totam polyedri ACE superficiem (§. 96.). Angulus quoque verticalis *dme* pyramidis *dmea* erit ad quatuor rectorum, ut planum *dae* ad totam superficiem polyedri *ace*. Eadem est autem ratio utriusque plani DZE, *dae* ad totam sui respective polyedri superficiem; cum polyedra ipsa regularia sint, & ejusdem generis. Ergo anguli quoque verticales DME, *dme* pyramidum DMEZ, *dmea* eandem ad quatuor rectorum rationem habebunt; atque adeo erunt inter se æquales (Lib. I. §. 103.). Anguli autem solidi æquales planis angulis numero, & magnitudine æqualibus continentur (Lib. XI. §. 4.). Ergo anguli plani DME, *dme* æquales erunt inter se, sicuti etiam anguli plani DMZ, *dma*, nec non ZME, *ame*. Est autem latus DM ad latus ME in triangulo plano DME, ut in triangulo plano *dme* est latus *dm* ad latus *me*, cum sit $DM = ME$, & $dm = me$ (§. 15.). Ergo duo triangula DME, *dme* sunt sibi mutuo similia (Lib. IX. §. 69.). Eodem modo ostendam, similia esse sibi mutuo tum duo triangula DMZ, *dma*, tum duo ZME, *ame*, eo vel maxime quod, ut superiori loco demonstravimus (§. 95.), omnia triangula quibus continetur pyramis DMEZ, isocelia sint, & æqualia, sicuti etiam omnia triangula, quibus pyramis *dmea* comprehenditur. Manifestum porro est, duo quoque plana DZE, *dae* esse sibi mutuo similia (Lib. IX. §. 3.); cum sint regularia, & ejusdem generis. Ergo duæ pyramides DMEZ, *dmea* planis numero æqualibus, & magnitudine similibus terminantur; ac proinde sunt sibi mutuo similes (§. 1.). Demonstravimus autem, omnes pyramides, in quas

quas dividitur polyedrum regulare ope rectorum; quæ ex illius centro ad singulos ejusdem angulos ducuntur, esse omnino inter se æquales (§. 94.). Ergo omnes pyramides, in quas divisum est polyedrum regulare ACE ope radiorum MB, MP, MA &c. similes sunt iis omnibus, in quas polyedrum regulare ejusdem generis ace eodem modo resolvitur. Itaque si ex centro &c. quod erat ostendendum.

COROLLARIUM.

Radii polyedrorum regularium ejusdem generis sunt latera homologa pyramidum similium, in quas polyedra ipsa ope ipsorum radiorum resolvuntur.

98. Sic radii MD, md polyedrorum regularium ejusdem generis ACE, ace, sunt latera homologa similium pyramidum DMEZ, dmea, in quas polyedra ipsa fuorum radiorum ope resolvuntur. Ipsi namque radii sunt latera homologa planorum similium DME, dme, quibus ipsæ pyramides continentur.

THEOREMA XVIII.

Radii, & cateti polyedrorum regularium ejusdem generis sunt directe inter se, ut duo qualibet latera homologa planorum similium, quibus polyedra ipsa terminantur.

Sint duo polyedra regularia ejusdem generis ACE, ace, quorum radii sunt rectæ ZA, za, cateti vero rectæ ZN, zn.

Fig. 7.
Fig. 8.
Tab. 9.

I.

99. Dico primo, radium ZA esse ad radium za, ut est latus AM plani AMF ad latus sibi homologum am similis plani amf.

Demonstratio.

Radii ZA, za sunt latera homologa planorum similium AZM, azm, quibus similes pyramides AZMF, azmf continentur (§. 98.). Latera autem homologa planorum similium, quibus similia solida, cujusmodi sunt duo polyedra ACE, ace (§. 3.), terminantur, eandem omnia inter se rationem habent (§. 71.). Ergo radii ZA, za sunt directe inter se, ut duo homologa ipsorum polyedrorum latera AM, am.

I I.

180. Dico 2, catetum ZN esse ad catetum zn , ut latus AM ad latus sibi homologum am .

Demonstratio.

Cateti ZN , zn sunt altitudines pyramidum similium $AZMF$, $azmf$ (§. 10.). Altitudines autem pyramidum sunt directe inter se, ut duo quælibet homologa ipsarum latera (§. 73.). Ergo catetus ZN erit ad catetum zn , ut latus AM ad latus sibi homologum am . Itaque radii, & cateti &c. quod erat ostendendum.

C O R O L L A R I U M.

Cateti polyedrorum regularium ejusdem generis sunt directe inter se, ut ipsorum radii.

101. Sunt enim tam cateti, quam radii horum polyedrorum, ut duo quælibet homologa eorundem latera.

T H E O R E M A X I X.

Superficies omnium solidorum similium, quæ planis rectilineis continentur, sunt inter se in ratione duplicata homologorum laterum duorum quorumcunque planorum similium ipsa solida terminantium.

Fig. 7. 102. Sint duo solida similia ACE , ace rectilineis planis terminata.
Fig. 8. Dico, superficiem solidi ACE esse ad superficiem solidi ace in ratione
Tab. 9. duplicata lateris AF plani rectanei AMF ad latus sibi homologum af similis plani amf .

Demonstratio.

Quoniam eadem est ratio omnium laterum homologorum planorum similium, quibus solida ipsa ACE , ace continentur (§. 71.), & omnia plana similia in ratione duplicata suorum laterum homologorum (*Lib. IX.* §. 180.), duo quælibet plana similia, quibus terminantur solida ACE , ace , erunt in ratione duplicata lateris AF ad latus af . Igitur summa omnium planorum terminantium solidum ACE erit ad summam omnium planorum, quibus solidum ace continetur, in ratione duplicata lateris AF ad latus af (*Lib. I.* §. 144.). Superficies autem solidi cujuscunque non differt a summa planorum omnium, quibus solidum ipsum clauditur. Ergo
super.

superficies solidi ACE, est ad superficiem solidi sibi similis ace in ratione duplicata lateris AF ad latus af: Superficies itaque &c. quod erat ostendendum.

COROLLARIUM I.

Superficies solidorum similium, qua planis rectilineis terminantur, sunt directe inter se, ut duo qualibet ipsorum plana similia.

103. Superficies nimirum solidi ACE erit ad superficiem solidi similis ace, ut planum AMF ad planum sibi simile amf. Patet ex ipsa demonstratione theorematum.

COROLLARIUM II.

Superficies prismatum, & pyramidum similium, quorum bases sint plana similia, sunt directe se, ut eorum bases.

104. Sequitur ex precedenti.

COROLLARIUM III.

Superficies prismatum, & pyramidum similium, quarum bases sint plana similia, sunt in ratione duplicata altitudinum.

105. Sunt enim altitudines, ut duo quælibet latera homologa planorum terminantium (§. 72., 73.).

COROLLARIUM IV.

Superficies polyedrorum regularium ejusdem generis sunt in ratione duplicata duorum laterum planorum similium, quibus polyedra ipsa continentur

106. Polyedra namque regularia ejusdem generis sunt similia (§. 3.), & duo quælibet terminantium planorum latera sunt homologa (§. 5.).

COROLLARIUM V.

Superficies polyedrorum regularium ejusdem generis sunt in ratione duplicata suorum radiorum, & catetorum.

107. Sunt enim tam radii, quam cateti polyedrorum regularium ejusdem generis, ut duo quælibet homologa latera planorum terminantium (§. 99. 100.).

COROLLARIUM VI.

Superficies solidorum similium, quæ rectilineis planis continentur, sunt inter se, ut quadrata laterum homologorum planorum similium ipsa solida terminantium.

108. Quadrata namque illorum laterum sunt in ratione eorundem duplicata (Lib. IX. §. 172.).

COROLLARIUM VII.

Superficies prismatum, & pyramidum similium, quarum bases sint plana similia, sunt, ut quadrata altitudinum.

109. Ostenditur, ut præcedens.

COROLLARIUM VIII.

Superficies polyedrorum regularium ejusdem generis sunt, ut quadrata suorum radiorum, & catetorum.

110. Eodem ostenditur principio, quo coroll. VI. demonstravimus.

COROLLARIUM IX.

Si ratio duorum laterum homologorum planorum similium similium solida terminantium continetur usque ad tertium terminum, superficies ipsorum solidorum erunt inter se, ut illorum terminum primus ad tertium.

111. Si nimirum in solidis similibus ACE, ace latus AF plani AMF fuerit ad latus sibi homologum af similis plani amf, ut quantitas x ad quantitatem y, si ponatur $\frac{x}{y} = x \cdot y \cdot z$, superficies solidi ACE erit ad superficiem solidi ace, ut primus illorum trium terminorum ad tertium, videlicet ut x ad z. Constat enim, terminum x esse ad z in ratione duplicata ipsius x ad secundum y (Lib. I. §. 177.).

COROLLARIUM X.

Si ratio altitudinum prismatum, & pyramidum similium, quarum bases sint plana similia, continetur usque ad tertium terminum, horum solidorum superficies erunt respectu inter se, ut primus ad tertium.

112. Demonstratur, ut præcedens.

Co-

COROLLARIUM XI.

Si ratio tam radiorum, quam catetorum in polyedris regularibus ejusdem generis continetur usque ad tertium terminum, superficies ipsorum polyedrorum erunt directe inter se, ut primus ad tertium.

113. Patet ex demonstratione coroll. IX.

COROLLARIUM XII.

Duo qualibet latera homologa planorum similium, quibus similia solida continentur, sunt in ratione subduplicata superficialium ipsorum solidorum.

114. Quandoquidem cum superficies hujusmodi sint in ratione duplicata suorum laterum homologorum (§. 102.), ipsa vicissim latera erunt in ratione ipsarum superficialium subduplicata (Lib. 15. 59.)

COROLLARIUM XIII.

Altitudines prismatum, & pyramidum similium, quarum bases sint plana similia, sunt in ratione superficialium earundem subduplicata.

115. Evincitur eodem modo, quo præcedens.

COROLLARIUM XIV.

Duo qualibet latera planorum, quibus polyedra regularia ejusdem generis terminantur, sicuti etiam ipsorum radii, & cateti sunt in ratione subduplicata superficialium ipsorum polyedrorum.

116. Hujus demonstratio eadem est cum demonstratione coroll. XII.

L E M M A II.

Sphæra est polyedrum regulare infinitis planis magnitudinis infinite parva comprehensum.

117. Perspicuum namque est, polyedrum regulare magis ac magis ad sphæram accedere, quo numero plura, & magnitudine exiliora sunt plana, quibus polyedrum terminatur, ut proinde si hujusmodi plana terminantia sint numero infinita, & infinite exigua, polyedrum ipsum a sphæra differ-

discerni minime possit. Ergo sphaera spectari ac summi potest veluti polyedrum regulare planis numero infinitis, & magnitudine infinite parvis comprehensum.

COROLLARIUM I.

Sphaera catetus non differt ab illius radio.

118. Etenim recta, quæ intelligitur cadere a centro sphaeræ in unum ex illis planis infinite parvis, quibus sphaera terminatur, eique ad perpendicularum incumbere, non differt a sphaeræ radio, nisi quantitate, quæ omni assignabili minor est, scilicet quantitate infinite parva, atque adeo nulla (*Lib. II. §. 51.*). Ergo sphaeræ catetus non differt ab illius radio.

COROLLARIUM II.

Omnes sphaera sunt polyedra regularia ejusdem generis.

119. Idem namque est numerus planorum regularium, quibus omnes sphaeræ continentur.

COROLLARIUM III.

Sphaeræ sunt polyedra sibi mutuo similia.

120. Omnia siquidem polyedra regularia ejusdem generis sunt sibi mutuo similia (§ 3.).

COROLLARIUM IV.

Omnes sphaera sunt sibi mutuo similes.

121. Sequitur manifeste ex præcedenti.

THEOREMA XX.

Sphaerarum superficies sunt inter se in ratione duplicata suorum radiorum.

122. Sint duæ sphaeræ $ABCD$, $abcd$, quarum radii sint rectæ ED , ed . Dico, superficiem sphaeræ $ABCD$ esse ad superficiem sphaeræ $abcd$ in ratione duplicata radii ED ad radium ed .

Demonstratio I.

Sphaeræ $ABCD$, $abcd$ sunt polyedra regularia ejusdem generis (§. 119.).
Super-

Superficies autem polyedrorum regularium ejusdem generis sunt inter se in ratione *duplicata* suorum radiorum (§. 107.). Ergo superficies quoque sphaerarum ABCD, abed sunt in ratione suorum radiorum ED, ed *duplicata*.

Demonstratio II.

Cum enim sphaerae superficies confurgat ex completa revolutione semiperipheriae circularis circa quiescentem diametrum (Lib. XI. §. 49.), quam metitur integra peripheria circuli in ipsa sphaera maximi (§. 50.) superficies sphaerae ABCD erit ad superficiem sphaerae abed in ratione composita ex ratione semiperipheriae ABC ad semiperipheriam abc, ex quibus circa quiescentes diametros AC, ac rotantibus producantur, & ex ratione integrae peripheriae circuli maximi ABCD ad integram peripheriam circuli maximi abed (Lib. I. §. 169.). Est autem tam semiperipheria ABC ad semiperipheriam abc (Lib. IX. §. 150.), quam integra peripheria ABCD ad integram peripheriam abed, ut radius ED ad radium ed (§. 154.). Ergo superficies sphaerae ABCD erit superficiem sphaerae abed in ratione, quae confurgit ex ratione radii ED ad radium ed semel ducta in seipsam. Haec autem est ratio ipsorum radiorum *duplicata* (Lib. I. §. 55.). Ergo superficies sphaerae ABCD est ad superficiem sphaerae abed in ratione *duplicata* radii ED ad radium ed. Itaque sphaerarum &c. quod erat ostendendum.

COROLLARIUM I.

Sphaerae elementa decrescunt centrum versus in ratione duplicata imminuti radii.

123. Sphaericae namque superficies, quae sphaerae soliditatem constituunt (Lib. XI. §. 48.), sunt inter se in ratione *duplicata* radiorum, atque adeo in ratione *duplicata* imminuti radii centrum versus superficies ipsae minuantur.

COROLLARIUM II.

Elementa sectoris sphaerici decrescunt centrum versus in ratione duplicata imminuti radii.

124. Elementa enim sectoris sphaerici sunt partes similes superficierum sphaericarum, quae sphaerae soliditatem constituunt (§. 64.); ac proinde sunt directe inter se, ut ipsae sphaericae superficies (Lib. I. §. 126.).

COROLLARIUM III.

Sphærarum superficies sunt in ratione suarum diametrorum duplicata.

125. Ratio namque diametrorum a ratione radiorum diversa non est (§. 127.).

COROLLARIUM IV.

Superficies sphærarum sunt inter se, ut quadrata suarum diametrorum, & semidiametrorum.

126. Nimirum superficies sphære ABCD, est ad superficiem sphære *abcd*, ut quadratum AF diametri AC ad quadratum *af* diametri *ac*, sicuti Fig. 17. etiam ut quadratum EG radii EC ad quadratum *eg* radii *ec*. Sunt enim Fig. 18. huiusmodi quadrata in ratione suorum laterum duplicata, (Lib. IX. §. 172.). Tab. 10.

COROLLARIUM V.

Superficies sphærarum sunt directe inter se, ut maximæ ipsarum sphærarum circuli.

127. Ut si maximus circulus sphære ABCD sit MNPQ, & maximus circulus sphære *abcd* sit *mnpq*, superficies sphære ABCD erit ad superficiem sphære *abcd*, ut circulus MNPQ ad circulum *mnpq*. Etenim diametri Fig. 17. MP, *mp* circulorum MNPQ, *mnpq* diversæ non sunt a diametris ipsarum Fig. 18. sphærarum ABCD, *abcd* (Lib. XII. §. 49.). Sunt autem circuli, ut quadrata Fig. 19. suarum diametrorum (Lib. IX. §. 186.). Ergo circuli MNPQ, *mnpq* sunt quo- Fig. 20. que, ut quadrata diametrorum AC, *ac* sphærarum ABCD, *abcd*. Super- Tab. 10. ficies autem sphærarum ABCD, *abcd* sunt, ut quadrata diametrorum AC, *ac* (§. 126.). Ergo erunt etiam, ut quadrata diametrorum MP, *mp*, atque adeo ut maximæ ipsarum circuli MNPQ, *mnpq*.

COROLLARIUM VI.

Si ratio diametrorum, vel semidiametrorum duarum sphærarum continetur usque ad tertium terminum, superficies unius sphære erit ad superficiem alterius, ut illorum primus ad tertium.

128. Primus enim illorum terminorum est ad tertium in duplicata ratione primi ad secundum (Lib. I. §. 177.).

COROLLARIUM VII.

*Tam diametri, quam semidiametri sphaerarum sunt in ratione subduplicata
superficierum earundem.*

129. Id enim ex eo aperte sequitur, quod ex ratione tam diametro-
rum, quam semidiametrorum semel in se ducta ratio ipsarum superficio-
rum confurgat (§. 59.).

THEOREMA XXI.

*Prismata, & pyramides similes sunt respective inter se in ratione
triplicata laterum homologorum duorum planorum similium,
quibus continentur.*

I.

130. Sint duo prismata similia AE, ae , quorum homologa latera sint EF, ef . Dico, prismata AE esse ad prismata ae in ratione triplicata lateris EF ad latus ef . Fig. 3.
Fig. 4.
Tab. 9.

Demonstratio.

Duo similia plana DEF, def spectentur veluti bases ipsorum prismatum, eorumque altitudines sint rectae MN, mn : cum igitur prismata sint inter se in ratione composita basium, & altitudinum (§. 53.), prisma AE erit ad prismata ae in ratione composita basis DEF ad basim def , & ex ratione altitudinis MN ad altitudinem mn . Sunt autem bases DEF, def in ratione duplicata laterum homologorum EF, ef (Lib. IX. §. 181.); eademque est ratio altitudinum MN, mn ; quare laterum EF, ef (§. 72.). Ergo prisma AE erit ad prismata ae in ratione composita ex ratione laterum EF, ef , & ex eadem duplicata. Haec autem est ratio triplicata ipsorum laterum EF, ef (Lib. I. §. 55.). Ergo prismata AE, ae sunt in ratione laterum EF, ef triplicata.

131. Sint duae pyramides similes DMF, dmf , quarum basium similium DEF, def homologa latera sint EF, ef . Dico pyramidem DMF esse ad pyramidem dmf in ratione triplicata homologorum laterum EF, ef .

Demonstratio I.

Coincidit cum precedenti. Sunt enim pyramides, quemadmodum prismata,

mata, in ratione composita basium, & altitudinum (§. 56.):

Demonstratio II.

Super easdem bases DEF, def, & sub iisdem altitudinibus MN, mn constituta habeantur duo similia prismata AE, ae. Res perspecta est, pyramidem DMF esse ad pyramidem dmf, ut prismata AE ad prismata ae (§. 33). Est autem prismata AE ad prismata ae in ratione triplicata homologorum laterum EF, ef (§. 130.). Ergo in eadem quoque ratione erunt pyramides DMF, dmf. Itaque prismata &c. quod erat ostendendum.

COROLLARIUM I.

Prismata, & pyramides similes, quarum bases sint plana similia, sunt respectu inter se in ratione triplicata suorum altitudinum.

132. Sunt enim altitudines prismatum, & pyramidum similiarum, ut duo quolibet homologa ipsorum latera (§. 72. 73.).

COROLLARIUM II.

Parallelepipeda similia sunt in ratione triplicata suorum laterum homologorum.

133. Similia namque parallelepipeda sunt species prismatum similiarum; cum omne parallelepipedum sit prismata (Lib. XI. §. 23.).

COROLLARIUM III.

Cubi sunt in ratione triplicata suorum laterum.

134. Omnes enim cubi sunt parallelepipeda similia, cum omnis cubus sit parallelepipedum (§. 28.), & omnes cubi sint sibi mutuo similes (§. 4.). Omniaque insuper latera unius sunt homologa lateribus alterius (§. 5.).

COROLLARIUM IV.

Omnia tetraedra sunt in ratione suorum laterum triplicata.

135. Etenim omnia tetraedra sunt pyramides, & quidem similes (§. 4.); atque omnia unius tetraedri latera sunt alterius lateribus homologa (§. 5.).

COROLLARIUM V.

Omnia prismata similia a cubis diversa, omnesque pyramides similes sunt, ut cubi suorum laterum homologorum.

136. Omnia namque hujusmodi solida similia sunt *respective* inter se in ratione *triplicata* suorum laterum homologorum, in qua itidem ratione sunt eorumdem laterum cubi (§. 134.).

COROLLARIUM VI.

Si ratio laterum homologorum in prismatibus, parallelepipedis, & pyramidibus similibus, atque cubis continetur usque ad quartum terminum, solidum erit ad solidum, ut illorum primus ad quartum.

137. Ut si latus EF prismatis AE fuerit ad latus sibi homologum ef simi-
lis prismatis ae, quemadmodum est u ad x , & fiat $\frac{u}{x} = \frac{u}{x} \cdot \frac{y}{z}$, solidum
AE erit ad simile solidum a, e ut primus terminus u ad quartum z . Est
enim u ad z in ratione *triplicata* primi u ad secundum x (Lib. I §. 177.).

Fig. 3.
Fig. 4.
Tab 2.

SCHOLION.

138. Hinc apparet, ex inventione *duarum medianum proportionalium* inter duas data s rectas lineas dependere solutionem eximil problematis de *cubi duplicatione*, quod Priscorum ingenia maxime torfit, quodque ab Apollinis Deliaci responso *Deliacum* dictum est, quatenus nempe is consulentibus respondit, tum demum Athenas peste, quæ id temporis grassabatur, liberatum iri, cum ejus ara, quæ cubica erat, duplicaretur.

THEOREMA XXII.

Cylindri, & coni similes sunt respective inter se in ratione duplicata diametrorum suarum basium.

I.

139. Sint duo similes cylindri FD, fd. Dico, illos esse inter se in ratione *triplicata* diametrorum CD, cd suarum basium.

Demonstratio.

Cylindri FD, fd sunt in ratione composita ex ratione basium CD, cd; & ex ratione altitudinum OR, or (§. 57.). Circuli autem basium sunt
Elem. Math. T. III. in

G 3

Fig. 5. in ratione *duplicata* diametrorum CD, *cd* (Lib. IX. §. 186.), & ratio altitudinum OR, *or* diversa non est a ratione diametrorum CD, *cd* (§. 77.).
 Tab. 9. Ergo cylindri FD, *fd* erunt inter se in ratione composita ex ratione diametrorum CD, *cd*, & ex eadem *duplicata*. Hæc autem ratio est *triplicata* ipsarum diametrorum CD, *cd* (Lib. I. §. 55.). Ergo cylindri FD, *fd* sunt in ratione diametrorum suarum basium *triplicata*.

I I.

140. Sint duo conii similes COD, *cod*. Dico, eos quoque esse inter se in ratione *triplicata* diametrorum CD, *cd* suarum basium.

Demonstratio I.

Eadem est cum præcedenti. Etenim conii, quemadmodum cylindri, sunt in ratione composita basium, & altitudinum (§. 58.), & ratio altitudinum in conis similibus diversa non est a ratione diametrorum suarum basium (§. 78.).

Demonstratio II.

Enimvero, si super easdem bases CD, *cd*, & sub iisdem altitudinibus OR, *or* constituentur similes cylindri FD, *fd*, conii COD, *cod* erunt inter se, ut ipsi cylindri FD, *fd* (§. 34.). Cylindri autem FD, *fd* sunt in ratione *triplicata* diametrorum CD, *cd* suarum basium (§. 139.). Ergo in eadem itidem ratione erunt conii COD, *cod*. Itaque cylindri &c. quod erat ostendendum.

COROLLARIUM I.

Cylindri, & conii similes sunt respectively inter se in ratione *triplicata* semidiametrum suarum basium.

141. Semidiametri namque circulorum sunt inter se, ut eorundem diametri (Lib. I. §. 126.).

COROLLARIUM II.

Cylindri, & conii similes sunt respectively inter se in ratione *triplicata* tum axium, tum altitudinum.

142. Etenim ratio tum axium, tum altitudinum in cylindris, & conis similibus diversa non est a ratione diametrorum suarum basium (§. 8.).

COROLLARIUM III.

Cylindri, & conii similes sunt respectu inter se, ut cubi altitudinum; axium, diametrorum, & semidiametrorum suorum basium.

143. Sunt enim cubi in ratione triplicata suorum laterum (§. 134.):

COROLLARIUM IV.

Si ratio altitudinum, vel axium, aut diametrorum, vel semidiametrorum basium in cylindris, & conis similibus continetur usque ad quartum terminum, cylindrus erit ad cylindrum, & conus ad conum, ut illorum terminorum primus ad quartum.

144. Quandoquidem primus illorum terminorum est ad quartum in ratione triplicata primi ad secundum (Lib. I. §. 177.).

COROLLARIUM V.

Axes, & altitudines, sicuti etiam diametri, & semidiametri basium cylindrorum, & conorum similibus sunt respectu inter se in ratione subtriplicata ipsorum corporum.

145. Sunt enim inter se in ea ratione, ex qua ducta in seipsam duplicata ratio ipsorum corporum efficitur.

THEOREMA XXIII.

Polyedra similia sunt in ratione triplicata laterum homologorum duorum planorum similibus, quibus continentur.

146. Sint duo polyedra similia ACE, ace, & AF, af sint latera homologa planorum similibus AMF, amf. Dico, polyedrum ACE esse ad polyedrum ace in ratione triplicata laterum AF, af. Fig. 7.
Fig. 8.
Tab. 9.

Demonstratio.

Cum polyedra ACE, ace resolvi possint in pyramides numero aequales, & magnitudine similes (§. 91.), eademque sit ratio omnium laterum homologorum planorum similibus, quibus polyedra ipsa terminantur (§. 71.), atque insuper pyramides similes sint in ratione triplicata suorum laterum homologorum (§. 131.), quolibet pyramis illarum, in quas resolvitur polyedrum ACE, erit ad quamlibet sibi similem illarum pyramidem, in

quas polyedrum *ace* dividitur, in ratione *triplicata* laterum homologorum AF, af; atque adeo omnes simul pyramides constituentes polyedrum ACE erunt ad eas omnes pyramides, simul itidem sumtas, quæ polyedrum *ace* constituunt, in ratione ipsorum laterum AF, af *triplicata* (Lib. I. §. 144.). Igitur polyedrum ACE erit ad polyedrum *ace* in ratione *triplicata* homologorum laterum AF, af. Polyedra itaque similia &c. quod erat ostendendum.

COROLLARIUM I.

Polyedra similia sunt directe inter se, ut cubi laterum homologorum duorum planorum similitum, quibus terminantur.

147. Sunt enim cubi illorum laterum in ratione eorundem *triplicata* (§. 134.).

COROLLARIUM II.

Polyedra regularia ejusdem generis sunt directe inter se in ratione triplicata laterum homologorum.

148. Omnia siquidem polyedra regularia ejusdem generis sunt sibi mutuo similia (§. 3.); atque adeo in ratione *triplicata* suorum laterum, utpote quæ omnia sunt sibi mutuo homologa (§. 5.).

COROLLARIUM III.

Polyedra regularia ejusdem generis sunt inter se in ratione triplicata suorum radiorum, & catetorum.

149. Etenim radii, & cateti polyedrorum regularium ejusdem generis sunt inter se, ut duo quælibet ipsorum latera (§. 99. & 100.). Hæc autem polyedra sunt in ratione suorum latera *triplicata* (§. 148.). Ergo erunt quoque in ratione *triplicata* suorum radiorum, & catetorum,

COROLLARIUM IV.

Polyedra regularia ejusdem generis sunt inter se, ut cubi suorum laterum, nec non radiorum, & catetorum.

150. Siquidem horum omnium cubi sunt in ratione eorundem *triplicata*. (§. 134.).

COROLLARIUM V.

Duo qualibet solida rectilinea similia sunt in ratione triplicata laterum homologorum duorum planorum similium, quibus continentur.

151. In hac enim ratione demonstravimus esse duo prismata similia (§. 130.), duas similes pyramides (§. 131.), duoque similia polyedra (§. 146.). Ad hæc autem omnia solida similia rectilinea reducuntur. Ergo &c.

COROLLARIUM VI.

Si ratio duorum laterum homologorum planorum rectilineorum similium, quibus similia solida terminantur, continetur usque ad quartum terminum, solidum erit ad solidum, ut illorum primus ad quartum.

152. Est enim primus illorum quatuor terminorum ad quartum in ratione triplicata primi ad secundum (Lib. I. §. 177.).

COROLLARIUM VII.

Si quatuor rectæ proportionales fuerint latera homologa solidorum similium, solida ipsa erunt proportionalia.

153. Ut si quatuor rectæ proportionales a, b, c, d , fuerint latera homologa solidorum similium A, B, C, D , solida ipsa A, B, C, D , erunt inter se proportionalia. Cum enim sit per hypothesin $a. b = c. d$, sicuti solidum A est ad solidum B in ratione triplicata primæ a secundam b (§. 151.), erit solidum A ad solidum B in ratione triplicata etiam tertiæ c ad quartam d . Est autem solidum quoque C ad solidum D in ratione triplicata earundem c, d . Ergo erit $A. B = C. D$.

COROLLARIUM VIII.

Si in polyedris regularibus ejusdem generis ratio radiorum, vel eatorum continetur usque ad quartum terminum, erit polyedrum ad polyedrum, ut primus illorum terminorum ad quartum.

154. Demonstratio eadem est cum demonstratione coroll. VI.

COROLLARIUM IX.

Latera homologa solidorum rectilineorum similium sunt in ratione ipsorum solidorum subtriplicata.

155. Ipsorum namque laterum ratio ea est, ex qua ducta in seipsam duplicatam ratio ipsorum solidorum efficitur.

COROLLARIUM X.

Radii, & cateti polyedrorum regularium ejusdem generis sunt in ratione ipsorum polyedrorum subtriplicata.

156. Coincidit cum præcedenti.

COROLLARIUM XL

Si fuerint quatuor solida similia inter se proportionalia, eorum latera homologa erunt proportionalia.

157. Ut si fuerint quatuor solida rectilinea proportionalia A, B, C, D , quorum latera homologa sint a, b, c, d , erit $a \cdot b = c \cdot d$. Cum enim sit $A \cdot B = C \cdot D$, quemadmodum latera a, b sunt in ratione subtriplicata duorum solidorum A, B (§. 115.), erunt etiam in ratione subtriplicata duorum solidorum C, D (§. 115.). Sunt autem etiam duo c, d in ratione subtriplicata solidorum C, D . Ergo erit $a \cdot b = c \cdot d$.

THEOREMA XXIV.

Sphæra sunt inter se in ratione triplicata suorum radiorum.

158. Sint duæ sphæræ $ABCD, abcd$, quarum radii sint rectæ ED, ed . Dico, spheram $ABCD$ esse ad sphæram $abcd$ in ratione triplicata radii ED ad radium ed .

Demonstratio I.

Sphæræ considerari possunt veluti duo polyedra regularia ejusdem generis (Fig. 17, 18, 19). Hujusmodi autem polyedra sunt inter se in ratione triplicata suorum radiorum (§. 149.). Ergo in triplicata quoque suorum radiorum ED, ed ratione erunt sphæræ $ABCD, abcd$.

Demonstratio II.

Quoniam sphaera ABCD oritur ex completa revolutione semicirculi ABC circa quiescentem diametrum AC, quam metitur peripheria circuli in ipsa sphaera maximi ABCD, & sphaera *abcd* ex rotatione semicirculi *abc* circa diametrum quiescentem *ac*, cujus rotationis mensura est peripheria circuli itidem maximi *abcd* (*Lib. XI. §. 47*, 50.), sphaera ABCD erit ad sphaeram *abcd* in ratione composita ex ratione semicirculi ABC ad semicirculum *abc*, & ex ratione integre peripheriae circuli maximi ABCD ad peripheriam circuli maximi *abcd* (*Lib. I. §. 169*). Semicirculus autem ABC est ad semicirculum *abc* in ratione duplicata radii ED ad radium *ed* (*Lib. IX. §. 187*), & peripheria circuli ABCD est ad peripheriam circuli *abcd*, ut radius ED ad radium *ed* (*§. 154*). Ergo ratio sphaerae ABCD ad sphaeram *abcd* est composita ex ratione radiorum ED, *ed*, & ex ratione eorundem duplicata. Haec autem est ratio ipsorum radiorum triplicata (*Lib. I. §. 55*). Ergo sphaera ABCD est ad sphaeram *abcd* in ratione triplicata radii ED ad radium *ed*. Itaque sphaerae &c. quod erat ostendendum.

COROLLARIUM I.

Sphaerae sunt in ratione triplicata suarum diametrorum.

159. Sphaerarum namque diametri sunt directe inter se, ut earundem semidiametri (*Lib. I. §. 127*).

COROLLARIUM II.

Sphaerae sunt directe inter se, ut cubi suarum diametrorum, & semidiametrorum.

160. Cubi siquidem tam diametrorum, quam semidiametrorum sunt in ratione ipsarum triplicata (*§. 134*).

COROLLARIUM III.

Si ratio diametrorum, vel semidiametrorum duarum sphaerarum continetur usque ad quartum terminum, sphaera est ad sphaeram, ut illorum primus ad quartum.

161. Primus enim quatuor terminorum continuo proportionalium est ad quartum in ratione triplicata primi ad secundum (*Lib. I. §. 177*).

COROLLARIUM IV.

Sphæra, quarum diametri sint proportionales, inter se quoque sunt proportionales.

162. Demonstratur eodem modo, quo §. 153.

COROLLARIUM V.

Diametri, & semidiametri sphaerarum sunt in ratione ipsarum sphaerarum subtriplicata.

163. Ratio namque diametrorum, & semidiametrorum duarum sphaerarum huiusmodi est, ut ex in illa ducta seipsam duplicatam ipsarum sphaerarum ratio consurgat.

COROLLARIUM VI.

Si fuerint quatuor sphaerae proportionales, earum quoque diametri, & semidiametri erunt proportionales.

164. Hujus demonstratio coincidit cum demonstratione §. 157.



ELEMENTORUM MATHEMATICORUM

LIBER XIV.

De solidorum dimensione,

Quemadmodum ea. practicæ Geometriæ pars, quæ modum exhibet dimetiendi figuras planas, *Planimetria* dicitur, ita illa, in qua de solidorum dimensione disseritur, *Stereometria* nuncupatur. Hujus ergo fundamentalia principia hic exhibemus, & demonstramus una cum nonnullis ex pulcherimis divinisque prorsus inventis, quæ duobus libris de *sphæra*, & *cylindro* Archimedes tradidit.

DEFINITIO I.

1. *Digitus, palmus, pes, & pollex cubici sunt cubi, quorum latus unius digiti, palmi, pedis, aut pollicis longitudini est æquale. Ut si latus KL cubi KP fuerit digitalis longitudinis, cubus KP dicetur digitus cubicus; si pedalis, pes cubicus, atque ita de ceteris.* Fig. 10.
Tab. 19.

HYPOTHESIS I.

1. Magnitudo, sive quantitas cujusvis solidi determinatur per numerum digitorum, palmorum, pedum, vel pollicum cubicorum, quos area ipsius solidi adæquat. Illius vero superficiei valor definitur per numerum digitorum, palmorum, pedum, aut pollicum quadratorum, cui superficies ipsa est æqualis.

DEFINITIO II.

3. Magnitudo itaque, sive quantitas cujusvis solidi dicitur nota, cum notum nobis fuerit, quod digitos, palmos, pedes, vel pollices cubicos illius area comprehendat. Notus quoque dicitur valor superficiei dati solidi, cum nobis innotescit, quod digitos, palmos, pedes, aut pollices quadratos ipsa superficies complectatur.

HYPOTHESIS II.

4. Pro definienda soliditate corporeum, quæ a prismate, & cylindro sunt

sunt diversa; ea ad prisma, vel ad cylindrum, prout opus fuerit, primo revocabimus. Similiter pro determinanda solidorum superficie, superficiem ipsam ad rectangulum reducemus. Constat enim, facili negotio valorem rectanguli palam fieri. Constat quoque, soliditatem prismatis, & cylindri facillime in aperto poni.

DEFINITIO III.

5. Quemadmodum si semicirculus ACB in gyrum agatur circa quiescentem diametrum AB, producitur sphaera ACBD, ita si circa eandem diametrum revolvatur semiquadratum AEFB semicirculo ACB circumscriptum, efficitur cylindrus rectus EFGH, qui sphaera ACBD circumscriptus dicitur.

Fig. 1.
Tab. 11.

COROLLARIUM I.

6. Axis, sive altitudo cylindri recti sphaera circumscripti diversa non est a diametro inscriptae sphaerae. Est enim diameter semicirculi, ex cuius revolutione inscripta sphaera efficitur.

COROLLARIUM II.

7. Diameter basis cylindri recti sphaera circumscripti est aequalis diametro ipsius sphaerae. Diameter nimirum FG baseos cylindri recti EG sphaera ACBD circumscripti adaequat diametrum AB ipsius sphaerae. Utraque enim diameter est dupla lateris FB semiquadrati genitoris AEFB.

Fig. 1.
Tab. 11.

COROLLARIUM III.

8. Basis cylindri recti sphaera circumscripti est aequalis circulo maximo ipsius sphaerae. Videlicet circulus baseos FG cylindri recti EFGH circumscripti sphaerae ACBD est aequalis circulo maximo ipsius sphaerae. Cum enim diameter baseos FG non differat a diametro sphaerae inscriptae ACBD (§. 7.), circulus baseos FG aequabit circulum in sphaera, qui per ipsius sphaerae centrum transit. Circulus autem, qui per sphaerae centrum transit, est maximus in ipsa sphaera (Lib. XII. §. 45.). Ergo circulus baseos FG cylindri EG sphaera ACBD circumscripti adaequat circulum maximum ipsius sphaerae.

Fig. 1.
Tab. 11.

COROLLARIUM IV.

9. Axis, sive altitudo cylindri recti sphaera circumscripti est aequalis diametro baseos ipsius cylindri. Quandoquidem tam axis ipsius cylindri, quam diameter circuli baseos ejusdem adaequat diametrum inscriptae sphaerae (§. 6.).

DE.

DEFINITIO IV.

10. Si quadratum CBDA, & quadrans circuli AMBD simul circa im-
 motum latus AD revolvantur, sicuti ex revolutione quadrantis AMBD
 habetur hemisphærium BAE, ita ex rotatione completa quadra ti CBDA
 emergit cylindrus rectus CBEF, qui hemisphærio BAE *circumscrip-<sup>Fig. 2.
Tab. 11.</sup>*tus vo-
 catur.

COROLLARIUM I.

11. *Circulus baseos cylindri recti hemisphærio circumscrip-^{2.}to est circulus ma-
 ximus sphæra, cujus hemisphærium ipsum est una medietas. Sphæra namque
 non dividitur bifariam, nisi a circulo per illius centrum transeunte (Lib.
 XI. §. 53), atque adeo in ipsa sphæra maximo (Lib. XII. §. 45).-*

COROLLARIUM II.

12. *Diameter baseos cylindri recti hemisphærio circumscripti diversa non
 est a diametro baseos hemisphærii, siue sphæra, cujus ipsum hemisphærium
 est una medietas. Patet ex precedenti.*

COROLLARIUM III.

13. *Latus cylindri recti hemisphærio circumscripti adæquat radium ipsius
 hemisphærii. Nimirum latus CB cylindri CE hemisphærio BAE circum-
 scripti est æquale radio AD ipsius hemisphærii. Omnia enim latera qua-
 drati genitoris ACBD sunt inter se æqualia (Lib. VI. §. 2.).*

DEFINITIO V.

14. Si triangulo æquilatelo ABC inscriptus sit circulus MEN, isque
 simul cum ipso triangulo circa communem axim AE revolvatur, duo
 fiunt solida, videlicet sphæra MEN, & conus æquilaterus BAC, qui ipsi
 sphæra *circumscrip-<sup>Fig. 2.
Tab. 11.</sup>*tus dicitur.

COROLLARIUM.

15. *Centrum sphæra cono æquilatelo inscripta diversum non est a centro
 ipsius con. Etenim centrum trianguli genitoris BAC non differt a centro
 circuli genitoris MEN ipsi triangulo inscripti (Lib. IX. §. 16.).*

THEO.

THEOREMA I.

Superficies prismatis recti, seclusis basibus, aequat rectangulum sub perimetro basis, & sub uno ipsius prismatis latere comprehensum.

Fig. 4. 16. Esto prisma rectum AF trilateram habens basim DEF. Dico, illius
Fig. 5. superficiem, seclusis basibus DEF, ABC, æquare rectangulum ac conten-
Tab. 11. tum sub recta *de*, quæ sit æqualis perimetro basis DEF, & sub recta *ad*,
quæ sit æqualis uni laterum AD ipsius prismatis.

Demonstratio.

Superficies prismatis AF, basibus seclusis, componitur ex tot rectangu-
lis ejusdem altitudinis, quot sunt latera in perimetro basis DEF, nimi-
rum ex tribus rectangulis æque altis ADEB, BEFC, CFDA (Lib. XI
§. 10). Tria autem hujusmodi rectangula æqualia sunt rectangulo *adcb* :
cum posito segmento *de* = DE, segmento *ef* = EF, & segmento *fc* = FD,
ductisque rectis *me*, *nf* parallelis tum inter se, tum lateribus *ad*, *bc*,
adeoque ad perpendicularum insistentibus basi *d*, rectangulum *adeb* divisum
sit in tria rectangula tribus rectangulis, quibus prismatica superficies AF
continetur, æqualia, alterum alteri (Lib. IX §. 88), utpote supra æqua-
les bases *respective*, & sub eadem altitudine per hypothesin constituta.
Ergo superficies prismatis AF, basibus seclusis, est æqualis rectangulo *adcb*.
Itaque superficies prismatis &c. quod erat ostendendum.

COROLLARIUM I.

Superficies prismatis recti, basibus seclusis, aequat rectangulum sub perimetro basis, & sub illius altitudine comprehensum.

17. Altitudo siquidem prismatis recti ab illius latere diversa non est
(Lib. XI §. 21.).

COROLLARIUM II.

*Si basis prismatis recti fuerit figura regularis, illius superficies, demtis basibus, erit ad basim, ut illius latus, sive alti-
tudo, ad dimidium cateti basis.*

Fig. 6. 18. Superficies nimirum prismatis AB, cujus basis CB sit penta-
gonum regulare, erit ad basim ipsam, ut latus, sive altitudo AC, ad di-
Fig. 7. midium cateti *xy* ipsius basis. Etenim basis CB aequat rectangulum *md*
Fig. 8. contentum sub recta *ad*, quæ sit æqualis perimetro ipsius basis, & sub
Tab. 11. recta *mn*, quæ sit æqualis dimidio cateti *xy*, sicuti aequat rectangulum
ex

ex dimidia parte perimetri in catetum (*Lib. X. §. 50.*). Superficies autem prismatis AB est æqualis rectangulo ab contento sub recta cb æquali perimetro basis CB, & sub recta ac æquali lateri, sive altitudini AC (§. 16.). Ergo prismatica superficies AB, demtis basibus, est ad suam basim CB, ut rectangulum ab ad rectangulum md. Rectangulum porro ab est ad rectangulum md æqualis basis per hypothefim, ut latus, sive altitudo ac, ad latus, sive ad altitudinem mn (*Lib. IX. §. 100.*). Ergo prismatica quoque superficies AB, basibus seclufis, erit ad basim CB, ut latus, sive altitudo AC ad dimidium cateti xy ipsius basis.

PROBLEMA I

Superficiem prismatis recti invenire.

19. Determinare oporteat superficiem recti prismatis AB.

Resolutio.

Perimeter basis CB ducatur in altitudinem, sive in latus AC, & factò Fig. 6. adjiciatur valor basis CB bis sumtus. Summa erit valor totius superficiei Tab. 11. prismatice AB quæsitus. Ut si perimeter basis CB fuerit $= a$, & altitudo $= b$, valor superficiei prismatis AB, demtis basibus, erit $= ab$; sique propterea valor basis CB fuerit $= mn$, tota prismatis superficies erit $= ab + 2mn$.

Demonstratio.

Factò siquidem ab æquale est rectangulum sub perimetro basis, & sub latere ipsius prismatis comprehensum. Huic autem rectangulo æqualis est prismatica superficies AB, demtis basibus (§. 16.). Ergo &c.

PROBLEMA II

Invenire superficiem prismatis inclinati.

Resolutio.

20. Determinetur valor omnium planorum; quibus prisma continetur; Horum omnium summa erit valor totius superficiei prismatice quæsitus;

Demonstratio.

Totum quippe æquale est omnibus suis partibus simul sumtis (*57^m. Alg. §. 156.*).

S C H O L I O N.

Pro determinanda cubi, qui species est prismatis, superficie, satis est, ut inveniat area unus ex illis sex quadratis, quibus cubus comprehenditur, & valor huiusmodi per 6. multiplicetur. Factum enim dabit superficiem cubi quaesitam.

T H E O R E M A . II.

Superficies pyramidis rectæ, cujus basis sit figura regularis, adæquat seclusa basi, triangulum rectangulum, cujus alterum latus eorum, quæ sunt circa angulum rectum, est æquale perimetro basis, alterum altitudini unius ex illis isoscelibus triangulis, quibus pyramis continetur.

21. Esto pyramis recta BAD, cujus basis BCD sit regularis. Dico illius, superficiem, seclusa basi BCD, æquare triangulum rectangulum abc, cujus alterum latus bc positum circa angulum rectum abc, sit æquale perimetro basis BCD, alterum ab sit æquale altitudini Ae trianguli isoscelis CAD, quod simul cum aliis pyramis ipsa continetur.

Demonstratio.

Diviso latere bd in tria æqualia segmenta bd, df, fe, quemadmodum tria sunt latera æqualia, quibus basis BCD data pyramidis continetur, ductisque rectis ad, af, tria triangula bad, daf, fac, utpote super æquales bases, & sub eadem altitudine constituta, erunt inter se æqualia (Lib. IX. §. 43.).

Fig. 9. Æqualia sunt autem inter se etiam tria triangula isoscelia, quibus superficies pyramidis BAD, seclusa basi, terminatur; estque triangulum bad æquale triangulo CAD (Ibidem.); cum per hypothesin eadem sit utriusque basis, & altitudo. Ergo tria triangula bad, daf, fac simul sumta, æqualia erunt tribus triangulis CAD, DAB, BAC simul itidem sumtis, quibus, seclusa basi, continetur superficies pyramidis BAD; atque adeo triangulum abc superficiem ipsam æquabit, demta basi. Itaque superficies pyramidis &c. quod erat ostendendum.

C O R O L L A R I U M . I.

Superficies pyramidis rectæ, cujus basis sit figura regularis, adæquat, seclusa basi, rectangulum contentum sub perimetro basis, & sub dimidia altitudine unius ex illis isoscelibus triangulis, quibus pyramis terminatur.

22. Superficies nimirum pyramidis rectæ BAD, cujus basis sit triangulum.

lum regulare, adæquat, seclusa ipsa basi, rectangulum *mbcn* contentum Fig. 9. sub recta *bc*, quæ sit æqualis dimidiæ altitudini *Ae* trianguli *CAD*. Re- Fig. 10. ctangulo quippe *mbcn* æquale est triangulum *bac* (Lib. IX. §. 102.), cui Tab. 11. superficies ipsius pyramidis, demta basi, est æqualis.

COROLLARIUM II.

Superficies pyramidis rectæ, cujus basis sit figura regularis, seclusa basi, est ad ipsam basim, ut altitudo unius ex illis triangulis pyramidem terminantibus ad catetum ejusdem basis.

23. Videlicet superficies rectæ pyramidis *BAD*, seclusa basi *BCD*, est ad ipsam basim, quæ ponitur figura regularis, ut altitudo *Ae* trianguli *CAD* ad catetum *xe* ejusdem basis. Quandoquidem constitutus ex altitu- Fig. 9. dine *Ae*, & ex perimetro basis *BCD* triangulo rectangulo *abc*, nec non Fig. 10. ex cateto *xe*, & ex eodem perimetro triangulo rectangulo *xey*, erit trian- Fig. 11. gulum *abc* ad triangulum *xey* ejusdem basis, ut altitudo, sive latus *ab* ad altitudinem, sive ad latus *xe* (§. 101.). Superficies autem pyramidis *BAD*, seclusa basi, est æqualis triangulo *abc* (§. 21.), & basis ipsa *BCD* adæ- quat triangulum rectangulum *xey* (Lib. X. §. 29.). Ergo superficies py- ramidis *BAD*, seclusa basi *BCD*, est ad ipsam basim, ut altitudo *Ae* ad catetum ejusdem basis *xe*.

PROBLEMA III.

Determinare superficiem pyramidis rectæ, cujus basis sit figura regularis.

24. Esto pyramis recta *BAD*, cujus basis *BCD* sit figura regularis. Determinare oporteat illius superficiem.

Resolutio.

Per dimidium altitudinis unius ex illis triangulis, quibus pyramis con- tinetur, multiplicetur valor perimetri basis, & facto valor basis addicia- Fig. 9. tur. Summa dabit superficiem quæsitam. Ut si altitudo *Ae* trianguli *CAD* Tab. 11. fuerit $= m$, & perimetur basis *BCD* $= n$, valor superficiæ pyramidis *BAD*, seclusa basi, erit $= \frac{mn}{2}$. Quamobrem si valor basis *BCD* fuerit $= pr$, tota superficies datæ pyramidis erit $= \frac{mn}{2} + pr$.

Demonstratio.

Patet ex §. 22. hujus:

PROBLEMA IV.

Determinare superficiem cujuscunque pyramidis

Resolutio.

25. Inveniatnr valor singulorum triangulorum; quibus pyramis ipsa terminatur, nec non valor basis. Horum omnium summa erit superficies quaesita.

Demonstratio.

Valor enim totius diversus non est a valore omnium suarum partium simul sumtarum.

THEOREMA III.

Superficies cylindri recti, seclusis basibus, aequat rectangulum sub peripheria basis, sub illius latere comprehensum.

26. Esto cylindrus rectus ACDB. Dico, illius superficiem, demtis basibus AB, CD, aquare rectangulum acdb sub recta cd, quae sit aequalis perimetro basis CD, & sub recta ac, quae sit aequalis lateri AC ipsius cylindri, comprehensum.

Demonstratio.

Cylindrus quippe ACDB est prisma rectum infinitarum laterum (Lib. XI. §. 70.). Superficies autem recti prismatis, seclusis basibus, est aequalis rectangulo contento sub latere ipsius prismatis, & sub perimetro basis (Fig. 12. §. 16.). Ergo idipsum quoque verum est de superficie recti cylindri ACDB. Tab. 11. Superficies itaque cylindri &c. quod erat ostendendum.

S C H O L I O N.

27. Veritas hujus propositionis ex eo etiam patet, quod si superficiei cylindri recti aptetur charta, ut illi omnino congruat, tum ipsa charta in planum extendatur, rectangulum illa exhibeat, cujus basis aequalis est peripheriae basis, altitudo vero lateri ipsius cylindri.

COROLLARIUM I.

Superficies cylindri recti, demtis basibus, æqualis est rectangulo contento sub peripheria basis, & sub illius axe.

18. Axis namque cylindri æqualis est ejusdem lateri (*Lib. XI. §. 113.*).

COROLLARIUM II.

Superficies cylindri recti, seclusis basibus, æqualis est rectangulo contento sub peripheria basis, & sub illius altitudine.

19. Etenim altitudo cylindri recti ab illius axe diversa non est (*Lib. XI. §. 39.*).

COROLLARIUM III.

Superficies cylindri recti, seclusis basibus, est ad circumulum basis, ut latus, sive axis ipsius cylindri ad dimidium radii, sive ad quartam partem diametri ipsius basis.

30. Coincidit cum demonstratione tradita §. 18. hujus: Circuli namque caretus non differt ab illius radio (*Lib. IX. §. 150.*), utque alibi ostensum est, circulus æqualis est rectangulo comprehenso sub peripheria, & sub dimidia parte radii (*Lib. X. §. 46.*).

COROLLARIUM IV.

Superficies cylindri recti, cujus axis, sive altitudo sit æqualis diametro circuli basis, demtis basibus, est quadrupla circuli basis.

31. Ut si axis, sive altitudo xy cylindri recti $ACDB$ fuerit æqualis diametro CD basis CD ipsius cylindri, cylindrica ipsa superficies, demtis basibus, erit quadrupla circuli CD . Superficies namque cylindrica $ACDB$, seclusis basibus, est ad circumulum basis CD , ut axis, sive altitudo xy ad quartam partem diametri CD (§. 30.). Est autem per hypothefim $xy = CD$. Ergo superficies cylindrica $ACDB$ erit ad circumulum basis CD , ut 4. ad 1. Fig. 12.
Tab. 11.

COROLLARIUM V.

Superficies cylindri recti sphaera circumscripti, seclusis basibus, est quadrupla maximi circuli ipsius sphaera.

32. Curva vimirum superficies cylindri recti EG sphaerae $ACBD$ circumscripti Elem. Math. T. III. H 3 scripti

Fig. 1. scripti est quadrupla circuli maximi ipsius sphaerae. Maximus namque circulus inscriptae sphaerae ACBD est aequalis circulo basis FG ipsius cylindri (§. 8.)

COROLLARIUM VI.

Superficies cylindri recti, cujus axis sit aequalis diametro circuli basis, adaequat, seclusis basis circulum ex diametro basis descriptum.

33. Si nimirum axis xy cylindri recti AD fuerit aequalis diametro CD basis, cylindrica superficies AD, basis seclusis, aequalis erit circulo EG, cujus radius FE sit aequalis diametro CD basis, ipsius cylindri. Cum enim Fig. 12. radius FE circuli EG, sit duplus radii $\frac{1}{2}$ C circuli basis CD, sique circuli in ratione duplicata suorum radiorum (Lib. IX. §. 185.), circulus EG erit quadruplo major circulo basis CD (Lib. I. §. 55.). Curva autem cylindri AD superficies est quadrupla circuli baseos CD (§. 31.). Ergo superficies ipsa circulum adaequat EG (Lib. I. §. 103.).

COROLLARIUM VII.

Superficies cylindri recti sphaerae circumscripti, seclusis basis, adaequat circulum descriptum ex diametro ipsius sphaerae.

34. Diameter namque inscriptae sphaerae est aequalis diametro basis ipsius cylindri (§. 7.), quam quidem diametrum axis ejusdem cylindri itidem adaequat (§. 9.).

COROLLARIUM VIII.

Curva superficies cylindrorum rectorum aequales bases habentium sunt inter, ut eorundem axes, sive altitudines, seu latera.

35. Cum enim curva cylindri recti superficies aequalis rectangulo contento sub peripheria baseos, & sub axe, sive altitudine, seu latere (§. 28.). curvae superficies cylindrorum rectorum aequales bases habentium erunt inter se, ut rectangula super aequales bases constituta. Haec autem sunt, ut eorum altitudines (Lib. IX. §. 100.). Ergo &c.

COROLLARIUM IX.

Superficies curvae cylindrorum rectorum, quorum axes, seu altitudines, sive latera sint aequalia, sunt directe inter se, ut peripheriae basium.

36. Sunt enim inter se, ut rectangula aequalium altitudinum.

Co-

COROLLARIUM X.

Curva superficies cylindrorum rectorum aequales axes, sive altitudines, seu latera habentium sunt inter se, ut basium radii, & diametri.

37. Ratio namque tam radiorum, quam diametrorum diversa non est a ratione peripheriarum (§. 154. 155.).

COROLLARIUM XI.

Si cylindrus rectus secetur plano basi parallelo, curvæ segmentorum superficies erunt inter se, ut segmenta axis, sive lateris, seu altitudinis.

38. Si nimirum cylindrus rectus AD secetur plano m basi CD parallelo, curva superficies segmenti An erit superficiem curvam segmenti mD, ut segmentum axis xz ad segmentum axis zy, sive ut segmentum lateris Am ad segmentum lateris mC. Segmenta namque An, mD sunt cylindri basium æqualium (Lib. XI. §. 82.).

PROBLEMA V.

Curvam cylindri recti superficiem determinare:

39. Invenire oporteat superficiem curvam recti cylindri AD.

Resolutio.

Invento valore peripheriæ baseos CD (Lib. X. §. 40.), multiplicetur per ipsum valor lateris AC. Factum dabit superficiem quaesitam. Ut si periphæria basis CD fuerit = a, & valor lateris AC = b, erit ab valor superficiei cylindricæ AD, seclusis basibus.

Demonstratio.

Est enim ab valor rectanguli, cui cylindrica ipsa superficies est æqualis (§. 26.).

T H O R E M A. IV.

*Superficies cylindri recti, seclusis basibus, aequalis est circulo,
cujus radius est media proportionalis inter cylindri latus,
& diametrum basis.*

40. Inter latus AC cylindri recti AD, & diametrum CD basis CD sit media proportionalis recta FG. Dico, curvam cylindri AD superficiem æquare circulum HK ex illa recta descriptum.

Demonstratio.

Cum enim per hypothese[m] recta, sive radius FG sit media proportionalis inter latus AC, & diametrum basis CD, rectangulum ACDB æquale erit quadrato MG (Lib. IX. §. 111.). Rectangulo autem ACDB æquale est rectangulum EC ab contentum sub radio Ca basis CD, & sub recta EC dupla lateris AC, adeoque super dimidiam basim, & sub dupla altitudine constitutum (§. 102.). Ergo rectangulum quoque EC ab æquale erit quadrato MG (Syn. Algeb. §. 259.) ac proinde latus, sive radius FG erit media proportionalis inter latus EC, & radium basis Ca (Lib. IX. §. 118.).

Fig. 15.
Fig. 16.
Fig. 17.
Tab. 11. Rursum cum curva ipsius cylindri superficies adæquet rectangulum edfe comprehensum sub recta ed, quæ sit æqualis lateri AC ipsius cylindri, & sub recta df æquali peripheriæ baseos CD (§. 26.), eadem quoque superficies æquabit triangulum rectangulum dbf super eandem basim df, & sub dupla altitudine bd constitutum (Synop. Alg. §. 261.), quod hujusmodi triangulum sit rectangulo edfe æquale (Lib. IX. §. 102.). Circulus autem basis CD æqualis est triangulo rectangulo dmf, cujus altitudo md sit æqualis radio Ca, & basis df ejusdem peripheriæ (Lib. X. §. 43.). Ergo curva cylindri AD superficies erit ad circulum basis CD, ut triangulum dbf ad triangulum dmf; cumque triangulum dbf sit ad triangulum dmf, ut recta bd ad rectam md (Lib. IX. §. 101.), sive per hypothese[m] ut recta EC dupla lateris AC ad radium Ca basis CD, curva ipsa cylindri superficies erit ad circulum basis CD, ut est recta EC ad rectam Ca (Lib. I. §. 78.). Circulus porro HK est ad circulum basis CD, ut eadem ipsa recta EC, ad eandem Ca; cum tam circulus HK sit ad circulum CD (Lib. IX. §. 185.), quam recta EC ad rectam Ca in ratione duplicata radii, sive rectæ FG ad eadum, sive ad rectam Ca (Lib. I. §. 177.), ex eo nimirum, quod radius FG sit media proportionalis inter rectam EC, & radium Ca, ut jam demonstravimus. Ergo curva cylindri AD superficies, circulusque Hk eandem ad circulum basis CD rationem habent (§. 76.), ac proinde sunt inter se æquales (§. 103.). Superficies itaque cylindri recti &c. quod erat ostendendum.

COROLLARIUM I.

Curva cylindri recti superficies adaequat circulum, cujus radius sit media proportionalis inter illius axim, & diametrum basis, sicuti etiam inter illius altitudinem, & eandem diametrum.

41. Axis namque cylindri est aequalis lateri (Lib. XI. §. 113.), & altitudo cylindri recti ab illius axe diversa non est (§. 39.).

COROLLARIUM II.

Curva cylindri recti superficies est ad circulum basis, ut recta, quae sit dupla lateris, axis, sive altitudinis, ad radium basis.

42. Demonstravimus enim, curvam cylindri AD superficiem esse ad Fig. 15. circulum basis CD ut recta $EC = 2AC$ ad rectam Ca, quae est radius Tab. 11. basis CD.

THEOREMA V.

Curva cylindri recti superficies est ad circulum basis, ut rectangulum per axim ad quadratum radii ejusdem basis.

43. Esto cylindrus rectus AD. Dico, curvam illius superficiem esse ad circulum basis CD, ut est rectangulum per axim ACDB, quod nempe sub latere cylindri, & sub diametro basis ejusdem continetur, ad quadratum γa radii Ca ejusdem basis.

Demonstratio.

Posita namque recta FG media proportionali inter latus AC, & diametrum CD, quadratum FMKG aequabit rectangulum ACDB (Lib. IX. §. 111.). Fig. 19. Circulus autem HK est ad circulum basis CD, ut quadratum FK ad quadratum γa (§. 188.). Ergo circulus HK erit ad circulum basis CD, ut rectangulum ACDB ad quadratum γa (Lib. I. §. 102.). Curva porro cylindri AD superficies adaequat circulum HK (§. 41.). Ergo ipsa eadem superficies erit quoque ad circulum basis CD, ut est rectangulum ACDB ad quadratum γa (Lib. I. §. 102.). Itaque curva &c. quod erat ostendendum.

THEOREMA VI.

Curvæ cylindrorum rectorum superficies sunt directæ inter se, ut rectangulo per axim.

44. Sint duo cylindri recti AD , ad. Dico, curvam superficiem cylindri AD esse ad curvam superficiem cylindri ad , ut est rectangulum $ACDB$ ad rectangulum $acdb$, quæ per illorum axim transeunt.

Demonstratio.

Posita namque recta FG media proportionali inter latus AC , & diametrum basis CD , sicuti etiam recta fg media proportionali inter latus ac , & diametrum basis cd , descriptisque circulis HK , hk , quorum illæ sint radii, nec non quadratis FK , fk super easdem constitutis, erit quadratum FK æquale rectangulo $ACDB$, & quadratum fk æquale rectangulo $acdb$ (*Lib. IX. §. 111.*) ; ac proinde rectangulum $ACDB$ erit ad rectangulum $acdb$, ut quadratum FK ad quadratum fk . Circulus autem Hk est ad circulum hk , ut est quadratum FK ad quadratum fk (§. 188.). Ergo circulus HK erit quoque ad circulum hk , ut rectangulum $ACDB$ ad rectangulum $acdb$ (*Lib. I. §. 76.*). Curva porro cylindri AD superficies adæquat circulum HK , & curva superficies cylindri ad circulum hk (§. 41.). Ergo curva itidem cylindri AD superficies erit ad curvam superficiem cylindri ad , ut est rectangulum $ACDB$ ad rectangulum $acdb$. Itaque curvæ cylindrorum rectorum superficies &c. quod erat ostendendum.

COROLLARIUM.

Curvæ cylindrorum rectorum superficies sunt directæ inter se, ut rectangula ex latere in radium basis.

45. Hujusmodi namque rectangula sunt directæ inter se, ut rectangula per axim (*Lib. I. §. 126.*) ; cum sit illorum partem dimidiæ (*Lib. IX. §. 95.*).

L E M M A

Omnia latera conii recti sunt inter se æqualia.

46. In cono recto BAE spectentur latera AB , AC , AD , AE . Dico, ea esse inter se æqualia

Demonstratio.

Cum enim F conus sit rectus, illius axis Az perpendicularis erit circulo basis

basis BE, ad cuius centrum π insitit (Lib. XI. §. 33.). Rectæ autem AB, AC, AD, AE cadunt ab eodem puncto A perpendicularis Az in peripheriam circuli BE. Ergo sunt omnes inter se æquales. Omnia itaque latera &c. quod erat ostendendum.

Fig. 10.
Tab. 11.

COROLLARIUM.

47. Curva conî recti superficies confurgit ex infinitis triangulis isoscelibus, inter se mutuo æquilateris adeoque æqualibus, basim infinite parvam habentibus; simulque penes latera unitis. Conus enim quicumque est pyramis infinitis triangulis comprehensa, quorum latera a lateribus ipsius conî non sunt diversa.

THEOREMA VII.

Superficies conî recti, seclusa basi, adæquat sectorem circuli, cuius arcus sit æqualis peripheria basis, radius vero lateri ipsius conî.

48. Esto conus rectus BAE, atque sector circuli bac, cuius arcus be sit æqualis peripheriæ baseos BE ipsius conî, radius vero ab ejusdem lateri AB. Dico, superficiem conî BAE, seclusa basi BE, æquare sectorem bac.

Demonstratio.

Triangulum BAC sit unum ex illis infinitis isoscelibus; atque inter se æqualibus triangulis, quibus componitur curva conî BAE superficies (§. 47.). Sumta autem in arcu be sectoris bac particula infinite parva be, quæ sit æqualis basi BC trianguli BAC, ductoque radio ac, cum omnes circuli radii sint inter se æquales (Lib. VII. §. 10.), sitque radius ab æqualis lateri AB conî, triangulum bac æquilaterum erit triangulo BAC; ac proinde duo ipsa triangula erunt inter se æqualia (Lib. V. §. 84.). Igitur, cum arcus be positus sit æqualis peripheriæ baseos BE conî BAE, in tot triangula isoscelia triangulo bac æqualia resolvi poterit sector bac, in quot triangula itidem isoscelia, trianguloque BAC æqualia resolvitur curva superficies conî BAE; eritque propterea curva ipsa conî superficies ad sectorem bac, ut est triangulum BAC ad triangulum bac (Lib. I. §. 127.). Triangulum autem BAC est æquale triangulo bac. Ergo ipsa quoque curva conî BAE superficies sectorem bac æquabit (§. 45.). Itaque curva conî recti &c. quod erat ostendendum.

Fig. 20.
Fig. 11.
Tab. 11.

SCHOLIUM.

49. Id quoque perspicuum fiet, si charta ita aptetur curvæ superficiei conî BAE, ut illi plane congruat, tum charta ipsa in planum extendatur. Hæc enim sectorem circuli exhibebit sectori bac omnino æqualem.

Co.

COROLLARIUM I.

Curva conii recti superficies adaequat triangulum rectangulum, cuius altitudo sit aequalis lateri ipsius conii, basis vero peripheria baseos eiusdem.

50. Superficies nimirum conii recti BAE, secta basi BE, aequalis erit triangulo rectangulo mdn , cuius altitudo md sit aequalis lateri AB, & basis mn peripheriae circuli baseos BE ipsius conii. Triangulum quippe mdn est aequalis sectori bac (Lib. X. §. 54.), quem conica ipsa superficies adaequat (§. 48.).

COROLLARIUM II.

Curva conii recti superficies adaequat rectangulum contentum sub dimidio latere conii, & sub recta, qua baseos peripheria sit aequalis.

51. Bifariam nempe diviso latere dm , quod posuimus aequale lateri AB conii recti BAE, constitutoque sub segmento em , & sub recta mn , quae aequalis posita est peripheriae baseos BE, rectangulo em , curva conii BAE superficies rectangulum ipsum em aequabit. Rectangulum quippe em adaequat triangulum mdn (Lib. IX. §. 102.), cui curva ipsius conii superficies est aequalis (§. 50.).

COROLLARIUM III.

Curva conii recti superficies est ad circulum basis, ut ipsius conii latus ad eiusdem radium.

52. Videlicet curva superficies conii recti BAE est ad circulum basis BE, ut latus AB ad radium basis BE. Ducta namque recta mn aequali peripheriae baseos BE, erectaque perpendiculari dm aequali lateri AB, & sumto in illa segmento xm , quod sit aequale radio Bz, curva conii superficies BAE aequabit triangulum rectangulum dmn (§. 50.), & circulus basis BE triangulum rectangulum xmn (Lib. X. §. 43.), eritque propterea superficies conii ad circulum basis, ut triangulum dmn ad triangulum xmn . Triangulum autem dmn est ad triangulum xmn , ut est altitudo dm ad altitudinem xm (Lib. IX. §. 101.), sive ut latus AB ad radium Bz basis BE. Ergo curva quoque conii BAE superficies erit ad circulum basis BE, ut est latus AB ad radium Bz (Lib. I. §. 77.).

COROLLARIUM IV.

Superficies curvæ conorum rectorum æquales bases habentium sunt directe inter se, ut ipsorum latera.

33. Enimvero, cum curvæ recti conī superficies sit æqualis triangulo rectangulo, cujus altitudo adæquat latus, & basis peripheriam baseos ipsius conī (§. 50.), superficies curvæ conorum rectorum æquales bases habentium erunt inter se, ut triangula rectangula basium æqualium. Hæc autem sunt, ut altitudines (Lib. IX. §. 101.). Ergo ipsæ quoque conorum superficies erunt, ut ipsorum latera.

COROLLARIUM V.

Superficies curvæ conorum rectorum habentium latera æqualia sunt, ut periphæria baseos.

34. Sunt enim, ut triangula rectangula, quorum altitudines sint æquales.

COROLLARIUM VI.

Superficies curvæ conorum rectorum latera æqualia habentium sunt directe inter se, ut suarum basium radii, & diametri.

35. Quandoquidem circulorum tam radii, quam diametri sunt respectu inter se, ut ipsorum circulorum periphæriæ (Lib. IX. §. 154., 155.).

PROBLEMA VI.

Curvæ conī recti superficiem invenire.

36. Esto conus rectus BAE, cujus curvæ superficiem determinare oporteat.

Resolutio.

Invento valore periphæriæ baseos BE (Lib. X. §. 40.), per ipsum multiplicetur valor dimidii lateris AB. Factum dabit valorem superficiei conicæ BAE, demta basi BE. Ut si periphæria basis BE fuerit $= a$, & valor dimidii lateris AB fuerit $= b$, curvæ conī BAE superficies erit $= ab$.

Demonstratio.

Factum quippe ab exprimit valorem rectanguli, cui conica ipsa superficies est æqualis (§. 51.).

THEO.

THEOREMA VIII

Curva conï recti superficies adæquat circulum, cuius radius sit media proportionalis inter latus ipsius conï, & radium basis.

57. Recta EF sit media proportionalis inter latus AB conï recti BAC, & radium BD basis BC ejusdem, atque ex recta EF, veluti radio, describatur circulus EG. Dico, curvam conï BAC superficiem æquare circulum EG.

Demonstratio.

Cum enim circulus EG sit ad circulum basis BC in ratione duplicata radii EF ad radium BD (*Lib. IX §. 185.*), sitque itidem latus AB ad radium BD in ratione duplicata ejusdem radii EF ad radium BD (*Lib. I §. 177.*), ex eo nimirum quod tres rectæ AB, EF, BD posite sint continuo inter se proportionales, erit circulus GE ad circulum basis BC, ut latus AB ad radium BD (*§. 78.*). Curva autem conï BAC superficies est ad circulum basis BC, ut latus AB ad radium BD (*§. 52.*). Ergo curva ipsa conï BAC superficies erit ad circulum basis BC, ut ad eundem circulum BC se habet circulus EG (*Lib. I §. 78.*); ac proinde conica ipsa eadem superficies circulum EG æquabit (*§. 103.*). Itaque curva conï &c. quod erat ostendendum.

THEOREMA IX

Curva conorum rectorum superficies sunt directe inter se, ut rectangula sub eorum lateribus, & basium radii comprehensa.

58. Sint duo conï recti recti BAC, bac. Dico, curvam superficiem conï BAC esse ad curvam superficiem conï bac, ut rectangulum KHBA conï teneum sub latere AB, & sub recta BH æquali radio BD basis BC ad rectangulum kbba, quod sub latere ab, & sub recta bh, quæ radio bd basis bc sit æqualis, continetur.

Demonstratio.

Radius EF circuli EG sit media proportionalis inter latus AB conï BAC, & radium BD basis, sicuti etiam radius ef circuli eg inter latus ab conï bac, & radium bd basis ejusdem. Erit ergo curva conï BAC superficies æqualis circulo EG, & curva conï bac superficies circulo eg (*§. 57.*). ac proinde curva superficies conï BAC erit ad curvam superficiem conï bac, ut est circulus EG ad circulum eg; adeoque ut quadratum itidem MF radii EF ad quadratum mf radii ef; cum hujusmodi quadrata eam inter

inter se rationem habeant, quam ipsi circuli (*Lib. IX. §. 188.*). Rectangulum autem KHBA est æquale quadrato MF, & rectangulum khba quadrato mf (*§. 111.*); ut propterea ratio rectanguli KHBA ad rectangulum khba non sit diversa a ratione quadrati MF ad quadratum mf. Ergo curva quoque superficies conï BAC, erit ad curvam superficiem conï bæ, ut est rectangulum KHBA ad rectangulum khba. Itaque curvæ conorum rectorum &c. quod erat ostendendum.

1. COROLLARIUM I.

Curva superficies conorum rectorum, æquales bases habentium sunt directe inter se, ut eorum latera.

59. Ut si basium circuli BC, bc fuerint æquales, superficies conï BAC erit ad superficiem conï bæ, ut latus AB ad latus ab. Cum enim circuli basium nequeant esse æquales, quin eorum itidem radii BD, bd sint æquales (*§. 50.*); rectangula KB, kb erunt hoc ipso, ut latera AB, ab (*§. 100.*). Ergo in eadem quoque ratione erunt ipsorum conorum superficies.

COROLLARIUM II.

Curva superficies conorum rectorum, quorum latera sint æqualia; sunt directe inter se, ut basium radii.

60. Hanc enim proportionem habent rectangula, quibus superficies ipsæ proportionaliter respondent (*§. 95.*).

THEOREMA X.

Curva superficies conï recti est ad curvam superficiem cylindri itidem recti, ut rectangulum contentum sub latere conï, & sub radio baseos ad rectangulum per axim ipsius cylindri.

61. Esto conus rectus bæ, & cylindrus rectus AC. Dico conicam superficiem bæ esse ad superficiem cylindricam ABCD, basibus seclusis, ut Fig. 3. rectangulum khba, quod sub latere ab, & sub radio bd baseos continetur, Tab. 12. ad rectangulum per axim ABCD.

Demonstratio.

Facta hypothesi, ut radius ef circuli eg sit media proportionalis inter Fig. 4. latus ab conï, & radium bd basis ejusdem, quemadmodum etiam radius Fig. 6. EF circuli EG inter latus AB cylindri, & baseos diametrum BC, conicalab. 12. s. per.

superficies *bac* æquabit circulum *eg* (§. 57.), & superficies cylindrica ABCD circulum EG (§. 41.) quoniam conica superficies *bac* erit ad superficiem cylindricam ABCD, basibus seclufis, ut est circulus *eg* ad circulum EG; adeoque etiam ut quadratum *ea* ad quadratum EN (*Lib. IX.* §. 188.). Quadratum autem *ea* adæquat rectangulum *khba*, & quadratum EN rectangulum ABCD (§. 111.); ut proinde ratio rectanguli *khba* ad rectangulum ABCD diversa non sit a ratione quadrati *ea* ad quadratum EN. Ergo conica superficies *bac* erit ad superficiem cylindricam ABCD, demtis basibus, ut rectangulum *khba* ad rectangulum ABCD (*Lib. I.* §. 78.). Itaque curva coni recti &c. quod erat ostendendum.

L E M M A II.

In omni parallelogrammo complementa eorum parallelogrammorum, quæ circa diametrum existunt, sunt inter se æqualia.

Fig. 7. Tab. 12. 62. Per punctum G diagonalis AC parallelogrammi ABCD ducatur recta EF parallela lateribus AB, DC, & recta HK parallela lateribus AD, BC, ut proinde totum ipsum parallelogrammum divisum sit in quatuor parallelogramma HE, GD, BG, FK. Dico, parallelogramma BG, GD, quæ dicuntur complementa duorum HE, FK circa diametrum AC existentium, esse inter se æqualia.

Demonstratio.

Quoniam triangula ACD, ACB sunt æqualia, sicuti etiam triangula GCK, GCF (*Lib. VI.* §. 21.), si triangulo ACD dematur triangulum GCK, & triangulo ACB triangulum GCF, trapezium AGKD æquale erit trapezio AGFB (*Syn. Algeb.* §. 266.). Triangulum porro AGE adæquat triangulum AGH (*Lib. VI.* §. 21.). Ergo, his sublati, parallelogrammum GD parallelogrammum BG æquabit (*Syn. Algeb.* §. 266.). Itaque in omni parallelogrammo &c. quod erat ostendendum.

L E M M A III.

In omni frusto coni recti rectangulum contentum sub diametro circuli intermedii, & sub latere ipsius frusti adæquat rectangula, quæ sunt ex eodem latere in radios circulorum parallelorum frustum ipsum terminantium.

Fig. 8. Tab. 12. 63. Esto conus rectus BAC, in quo ducto plano DE circulo basis BC parallelo, spectetur frustum BDEC. Recta autem FG sit diameter circuli circulis DE, BC paralleli, atque bifariam dividendis latera DB, EC ipsius frusti. Dico, rectangulum contentum sub recta FG, & sub latere DB frusti conici BDEC, æquale esse rectangulis simul sumtis, quæ sunt ex eodem

dem latere DB in radios DM, BH circularum DE, BC frustum ipsum terminantium,

Demonstratio.

Cum tres circuli DE, FG, BC positi sunt paralleli, eorum diametri DE, FG, BC in eodem plano BAC existentes erunt inter se parallelæ (*Lib. VIII. §. 26.*). Quamobrem erit $DE \cdot FG = AD \cdot AF$, & $FG \cdot BC = AF \cdot AB$ (*Lib. IX. §. 59.*). Tres autem rectæ AD, AF, AB sunt inter se arithmetice proportionales (*Lib. I. §. 195.*); cum earum excessus DF, FB positi sint æquales. Ergo tres quoque DE, FG, BC arithmetice inter se proportionales erunt; ac proinde summa extremarum DE, BC dupla erit mediæ FG (§. 196.) Est autem ipsa eadem summa duarum DE, BC dupla summæ radiorum DM, BH. Ergo summa radiorum DM, BH æquabit mediam FG. Quapropter rectangulum contentum sub recta FG, & sub latere DB æquale erit rectangulis simul sumtis, quæ sub eodem latere DB, & sub radiis DM, BH continentur (*Syn. Alg. §. 256.*). In omni igitur frusto conici recti &c. quod erat ostendendum.

THEOREMA XI.

Superficies frusti conici recti est ad superficiem integri conici, ut rectangulum contentum sub latere frusti, & sub diametro circuli frustum ipsum in medio dividensis, ad rectangulum, quod sub latere totius conici, & sub basis radio continetur.

64. Sit BDEC frustum conici recti BAC, quod per medium dividatur a circulo, cujus diameter sit recta FG. Constitutur autem sub recta BR, quæ rectam adæquet FG, & sub latere DB ipsius frusti rectangulum RD, sub recta vero BN æquali radio BH baseos BC, & sub latere AB conici rectangulum BT. Dico, curvam superficiem frusti conici BDEC esse ad superficiem curvam integri conici BAC, ut est rectangulum RD ad rectangulum BT.

Demonstratio.

Ducta in parallelogrammo BT diagonali AN, & per punctum P, in quo diagonalis ipsa a latere DX parallelogrammi RD secatur, recta SV lateribus TN, AB parallelogrammi BT parallela, cum tam recta DM sit ad re. *Fig. 8*
ctam EH, quam recta PD ad rectam NB, ut segmentum AD ad latus AB *Tab. 12*
(*Lib. IX. §. 59.*), erit DM. BH = DP. BN (*Lib. I. §. 76.*). Est autem per
hypothesein BN = BH. Ergo erit quoque PD = DM (§. 128.); atque
adeo parallelogrammum rectangulum DS comprehensum erit sub latere AD
conici recti DAE, & sub radio DM basis ejus. Igitur curva superficies con-
ici BAC erit ad curvam superficiem conici DAE, ut rectangulum BT ad re-
ctangulum DS (§. 63.), & dividendo per conversionem rationis superficies
Elem. Math. T. III. I frusti

frustri conici BDEC erit ad superficiem totius conici BAC, ut rectangulum BNQD simul cum rectangulo QPST ad rectangulum DS (*Lib. A §. 141.*). Rectangulum autem QPST adæquat rectangulum PVBD (§. 62.); & rectangulum PVBD illud est, quod sub latere DB, & sub radio DM circuli DE continetur. Ergo superficies frustri conici BDEC erit ad curvam superficiem integri conici BAC, ut rectangulum BNQD una cum rectangulo BVPD ad rectangulum BT. Duo porro rectangula BNQD, BVPD facta ex latere DB in radios BH, DM circulorum BC, DE simul sumta adæquant rectangulum BRXD, quod sub diametro FG circuli intermedii, & sub eodem frustri latere DB continetur (§. 63.). Ergo curva frustri conici BDEC superficies est ad superficiem integri conici BAC, ut rectangulum BX ad rectangulum BT (*Lib. I §. 102.*); adeoque superficies &c. quod erat ostendendum.

THEOREMA XII

Superficies frustri conici recti adæquat circumulum, cuius radius sit media proportionalis inter diametrum circuli intermedii, latus ipsius frustri.

- Fig. 8. 65. Diameter circuli intermedii in frusto BDEC conici recti BAC sit re-
 Fig. 9. ctæ FG. Inter ipsam autem FG, & latus DB ipsius frustri media propor-
 Fig. 12. tionalis sit radius ab circuli ac. Dico, curvam superficiem frustri conici BDEC æquare circumulum ac.

Demonstratio.

- Fig. 10. Radius de circuli df sit media proportionalis inter latus AD segmenti
 Tab. 12. conici DAE, & radium DM basis ejus; sitque propterea curva superficies conici DAE circulo df æqualis (§. 57.). Quoniam igitur radius ab est media proportionalis inter rectam FG, & latus DB, rectangulum RD sub his rectis contentum æquale erit quadrato mb (*Lib. IX §. 111.*); eandemque ob causam rectangulum quoque DS sub latere AD, & sub recta DP radio DM æquali comprehensum æquabit quadratum ne radii de. Superficies autem frustri conici BDEC est ad superficiem conici DAE, ut rectangulum RD ad rectangulum DS (§. 63.). Ergo superficies frustri conici BDEC erit quoque ad superficiem conici DAE, ut quadratum mb ad quadratum ne. Circulus porro ac est ad circumulum df, ut quadratum mb ad quadratum ne (§. 188.). Ergo superficies frustri conici BDEC erit ad superficiem conici DAE, ut circumulum ac ad circumulum df (*Lib. I §. 76.*), & alternando superficies frustri conici BDEC erit ad circumulum ac, ut superficies conici DAE ad circumulum df (§. 125.). Posuimus autem, superficiem conici DAE æquare circumulum df. Ergo circumulo quoque ac æqualis erit curva frustri conici superficies BDEC (§. 45.). Itaque superficies &c. quod erat ostendendum.

THEO.

THEOREMA XIII.

Superficies frusti conii recti est ad cuiusvis recti cylindri superficiem, ut rectangulum contentum sub diametro circuli intermedii, & sub latere ipsius frusti ad rectangulum per axim cylindri.

66. Frustum conii recti sit BDEC. Dico, illius superficiem esse ad superf. Fig. 8.
ficiem cylindri recti AC, ut rectangulum RD contentum sub latere D3, Fig. 6.
& sub recta BR, quæ sit æqualis diametro FG circuli intermedii, ad re- Tab. 12.
ctangulum ABCD per axim ipsius cylindri.

Demonstratio.

Radius ab circuli ac sit media proportionalis inter latera RB, DB re-
ctanguli RD, & radius EF circuli EG sit media proportionalis inter latus Fig. 9.
AB, & latus BC rectanguli AC; sitque propterea superficies frusti conici Fig. 6.
BDEC æqualis circulo ac (§. 65.), & superficies cylindri AC æqualis cir- Tab. 12.
culo EG (§. 41.). Ut ergo circulus ac ad circumulum EG, ita erit superfi-
cies frusti conici BDEC ad superficiem cylindri AC. Circulus autem ac est
ad circumulum EG, ut quadratum mb ad quadratum MF (Lib. IX §. 188.).
Ergo superficies quoque frusti conici BDEC erit ad superficiem cylindri
AC, ut quadratum mb ad quadratum MF (Lib. I §. 77.). Ut autem quadra-
tum mb ad quadratum MF, ita rectangulum RD ad rectangulum ABCD;
cum rectangulum RD sit æquale quadrato mb, & rectangulum ABCD qua-
drato MF (Lib. IX §. 111.). Ergo superficies frusti conici BDEC erit ite-
dem ad superficiem cylindricam AC, ut rectangulum RD ad rectangulum
ABCD (Lib. I §. 77.). Superficies itaque &c. quod erat ostendendum.

L E M M A I V.

*Omnes conica superficies, quæ gignuntur a lateribus segmentum perimetri
polygoni regularis constituentibus, atque circa perpendicularem ejusdem
radium revolutis, adequant simul sumta curvam superficiem
cylindri recti producti a rectangulo, cujus altitudo, circa
quam rotatur, eadem sit cum altitudine ipsius segmenti,
basis vero sit ejusdem polygoni catetus.*

67. Esto ABCD segmentum perimetri polygoni regularis, quod concl-
piatur revolvi circa ejusdem radium AE chordæ DL perpendiculariter in-
sistentem. Sub eadem autem altitudine AE rotantis segmenti ABCD, & Fig. 11.
super rectam EK, quæ sit æqualis cateto ipsius polygoni, constituatur Tab. 12.
rectangulum HKEA, quod circa eandem altitudinem AE itidem revolvatur,
integramque revolutionem compleat. Dico, omnes conicas superfi-
cies, quæ in illa revolutione producuntur a lateribus AB, BC, CD, quæ

re simul sumtas curvam superficiem cylindri recti, qui a rotante rectangulo HKEA simul efficitur.

Demonstratio.

Per puncta B, C ducantur rectæ Gr, Fn parallelæ lateribus HA, KE rectanguli HE, atque adeo ad rectos angulos lateri AE insistentibus. Tum a centro E ad punctum B ducta recta EB, cum rectæ EA, EB sint radii polygoni regularis, erunt inter se æquales (Lib. IX. §. 19.), ac proinde triangulum BEA erit isosceles (Lib. IV. §. 25.). Quamobrem, si ab eodem centro E in latus BA cadat catetus, sive recta perpendicularis Ea, hæc latus ipsum bifariam dividet (§. 78.). Rursus quoniam triangulum EaA est rectangulum, demissa perpendiculari ab, triangulum Eab simile erit triangulo Aab (Lib. IX. §. 73.). Triangulum autem ABc simile est triangulo Aab (§. 65.), ex eo nimirum quod recta ab sit basi Bc parallela (Lib. IV. §. 10.). Ergo triangulum Eab simile quoque erit triangulo ABc (Lib. IX. §. 35.); hæc autem idcirco huiusmodi triacula Eab, ABc latera circa æquales angulos Eab, BAc proportionalia, videlicet erit Ea . ab = BA . Ac (§. 1.). Positis autem quatuor rectis lineis proportionalibus, rectangulum extremarum adæquat rectangulum mediarum (§. 107.). Igitur, cum recta Gc adæquet catetum Ea (Syn. Alg. §. 259.), ex eo quod sit Gc = KE (Lib. III. §. 20.), & per hypothesein KE = Ea, rectangulum Hc contentum sub extremis Ea, Ac æquabit rectangulum af contentum sub mediis ab, BA. Rectangulum porro Bb contentum sub recta Bc, & sub eadem BA duplum est rectanguli af (Lib. IX. §. 95.); cum sit Bc . ab = AB . Aa (§. 59.); adeoque Bc = 2aA, quemadmodum per hypothesein est BA = 2aA. Rectangulum quoque HN duplum est rectanguli Hc (§. 95.), utpote super duplam basim, & sub eadem altitudine constitutum. Ergo rectangula Bb, HN erunt inter se æqualia (Lib. I. §. 103.). Manifestum porro est, rectangulum HN esse rectangulum per axim cylindri recti producti a rotante rectangulo HGcA; rectangulum vero Bb comprehendi sub latere AB, & sub radio Bc baseos conici producti a rotante triangulo BAc. Ergo conica superficies genita a latere AB erit ad cylindricam superficiem productam a latere HG, ut est rectangulum Bb ad rectangulum HN (§. 61.). Huiusmodi autem rectangula ostensa sunt æqualia. Igitur ipsæ quoque superficies erunt inter se æquales (§. 45.).

Rursus ducto ex centro E in latus HC cateto Ed, qui latus ipsum bifariam dividet, ut de cateto Ea, & de latere BA supra demonstravimus; tum ex puncto medio d educta recta dm parallela utrique rectæ Bc, Cu, adeoque ad perpendicularum insistente radio AE (Lib. III. §. 24.), nec non demissa ex puncto B in rectam Cn recta Be, quæ sit perpendicularis rectæ Cn, ac proinde etiam rectæ Gc (Lib. IV. §. 16.), simulque parallela rectæ en ob rectitudinem angulorum interiorum eBc, acB (§. 9.), quoniam anguli GBc, EdB æquales sunt inter se (Lib. III. §. 37.), utpote recti (§. 23.), sicuti etiam anguli alterni GBd, Bdm (Lib. IV. §. 15.), his sublatis, erit reliquus CBe reliquo mdE æqualis (Syn. Alg. §. 266.). Æquales sunt autem etiam duo B.C

BeC, *dmE* (*Lib. III. §. 37.*), quod uterque sit rectus (§. 23.). Ergo reliquus itidem BCe trianguli BeC reliquo *dEm* trianguli *dmE* æqualis erit (*Lib. V. §. 46.*); ac proinde duo hujusmodi triangula erunt æquiangula; adeoque sibi mutuo similia (*Lib. IX. §. 66.*), habebuntque latera circa æquales angulos CBe, Edm proportionalia (§. 1.), erit nempe Ed. *dm* = CB. Be, sive Ed. *dm* = CB. *en* (*Lib. I. §. 112.*), cum sit Be = *en* (*Lib. VI. §. 20.*). Rectangulum igitur GFac extremarum Ed, *en* æquabit rectangulum *dy* mediarum *dm*, BC (*Lib. IX. §. 107.*); atque adeo etiam rectangulum GM duplum rectanguli Gn æquale erit rectangulo *dx* duplo rectanguli *dy* (*Lib. I. §. 103.*). Jam autem patet, rectangulum GM esse rectangulum per axem cylindri recti producti a rotante rectangulo Gn, & rectangulum *dx* contineri sub latere BC frustii conici geniti a rotante trapezio cBCn, & sub diametro *dz* circuli frustum ipsum conicum per medium dividētis. Ergo curva superficies frustii conici producta a latere BC erit ad superficiem cylindri genitam a latere GF, ut est rectangulum *dx* ad rectangulum GM (§. 66.). Ista autem rectangula sunt inter se æqualia. Igitur illæ quoque superficies erunt inter se æquales (*Lib. I. §. 45.*). Eodem modo ostendam, superficiem frustii conici, quæ gignitur a latere CD æquare superficiem cylindricam, quæ a latere FK producitur. Ergo omnes conicæ superficies, quæ sunt a lateribus AB, BC, CD, adæquant simul sumtæ cylindricam superficiem genitam a latere HK; ac proinde omnes superficies conicæ &c. quod erat ostendendum.

THEOREMA XIV.

Curva hemisphærii superficies adæquat curvam superficiem cylindri recti sibi circumscripti.

68. Hemisphæro BAE circumscriptus sit rectus cylindrus BCFE. Dico, curvam hemisphærii BAE superficiem æquare curvam superficiem cylindri BCFE.

Demonstratio.

Cum enim circulus sit polygonum regulare infinitorum laterum (*Lib. IX. §. 149.*), arcus BMA quadrantis circuli BMAD spectari potest, veluti segmentum perimetri polygoni regularis; ac proinde veluti constans ex infinitis lateribus, sive rectis lineis infinite parvæ magnitudinis. Curva autem hemisphærii BAE superficies oritur ab arcu BMA quadrantis BMAD rotantis circa immotum radius AD (*Lib. XI. §. 60.*). Ergo curva hemisphærii BAE superficies composita erit ex infinitis superficiebus conicis genitis in illa revolutione ab illis lateribus infinite parvis, quæ arcum BMA constituunt. Omnes autem hujusmodi conicæ superficies adæquant simul sumtæ curvam superficiem circumscripti cylindri BCFE (§. 67.), utpote genitam a latere CB rectanguli ACBD, cujus altitudo AD, circa quam

Elem. Math. T. III.

I 3

rota-

Fig. 7.
Tab. 11.

rotatur, eadem est cum altitudine quadrantis genitoris BMAD, basis vero BD est catetus polygoni, cuius perimetri una portio est arcus BMA. Ergo curva superficies hemisphærii BAE adæquat curvam superficiem cylindri circumscripti CBEF; adeoque curva &c. quod erat ostendendum.

COROLLARIUM I.

Curva hemisphærii superficies est æqualis rectangulo sub illius radio, & sub peripheria circuli baseos comprehenso.

69. Videlicet curva superficies hemisphærii BAE est æqualis rectangulo contento sub radio DA, & sub peripheria circuli baseos BGE. Etenim Fig. 2. radius AD adæquat latus CB cylindri BCEF ipsi hemisphærio circumscripti (S. 13.), idemque circulus BE est basis utriusque (S. 11.). Superficies autem cylindri BCEF, basis seclusis, est æqualis rectangulo contento sub latere CB, & sub peripheria baseos BGE (S. 26.). Ergo, cum superficies curva hemisphærii BAE curvam cylindri BCEF superficiem adæquet (S. 68.), eadem ipsa superficies rectangulum sub radio AD, & sub peripheria baseos BGE comprehensum æquabit (Synop. Alg. §. 262.).

COROLLARIUM II.

Curva superficies hemisphærii adæquat circulum, cuius radius sit media proportionalis inter diametrum, & radium ipsius hemisphærii.

70. Ut si inter diametrum BE, & radium BD hemisphærii BAE inveniat media proportionalis, hæc erit radius circuli, cui curva ipsius Fig. 2. hemisphærii superficies æqualis erit. Hunc enim circulum adæquat curva Tab. 11. superficies circumscripti cylindri BCEF (S. 49.); cum latus huius cylindri ab hemisphærii radio, & diameter basis ejusdem a diametro inscripti hemisphærii non differant (S. 13., 12.).

COROLLARIUM III.

Superficies sphære adæquat curvam superficiem cylindri sibi circumscripti.

71. Superficies nimirum sphære ABHE adæquat curvam superficiem circumscripti cylindri CGKF. Ut enim superficies totius sphære ABHE est dupla curvæ superficiei hemisphærii BAE, ita curva superficies cylindri CGKF toti sphære circumscripti est dupla curvæ superficiei cylindri BCEF circumscripti hemisphærio BAE. Curva autem superficies hemisphærii BAE adæquat curvam superficiem cylindri BCEF sibi circumscripti (S. 68.). Ergo superficies quoque totius sphære ABHE curvam superficiem æquabit cylindri sibi circumscripti CGKF (Lib. I. §. 127.).

Co-

COROLLARIUM IV.

*Superficies sphaera est aequalis rectangulo contento sub illius diametro,
& sub peripheria maximi in ea circuli.*

71. Videlicet superficies sphaerae ABHE adaequat rectangulum contentum sub diametro AH, & sub peripheria circuli maximi BE. Cum enim ^{Fig. 11.} ^{Tab. 12.} circulus maximus BE adaequet circulum baseos GK cylindri ipsi sphaerae circumscripti (§. 11.), & diameter AH ejusdem cylindri latus CG, rectangulo contento sub diametro AH, & sub peripheria circuli BE curva circumscripti cylindri CGKF aequalis erit (§. 26.). Huic autem cylindricae superficiei est aequalis superficies inscriptae sphaerae ABHE (§. 71.). Ergo superficies sphaerae ABHE ipsum quoque rectangulum aequabit (*Syn. Algeb.* §. 262.).

COROLLARIUM V.

*Superficies sphaera adaequat circulum, cujus radius
sit diameter ipsius sphaera.*

73. Ut si ex diametro AH sphaerae ABHE, veluti radio, circulus de ^{Fig. 12.} ^{Tab. 12.} scribatur, superficies sphaerae ABHE erit ejusmodi circulo aequalis. Hunc enim circulum adaequat curva superficies circumscripti cylindri CGKF (§. 34.), cui ipsa sphaerae superficies est aequalis (§. 71.). Ergo sphaera quoque ABHE superficies circulum ipsum aequabit.

S C H O L I O N.

74. Ex eo, quod superficies sphaerae adaequet circulum ex illius diametro, veluti radio, descriptum, manifestum efficitur, quod alibi aliter demonstravimus, sphaerarum nempe superficies esse inter se in ratione duplicata suarum diametrorum; cum hanc rationem habeant inter se circuli, qui ex earum sphaerarum diametris describuntur, quosque sphaericae ipsae superficies adaequant.

COROLLARIUM VI.

Superficies sphaera est quadrupla circuli in ea maximi.

75. Nimirum superficies sphaerae ABHE est quadrupla circuli in ea maximi BE. Cum enim illius circuli quadrupla sit curva superficies circum- ^{Fig. 12.} ^{Tab. 12.} scripti cylindri CGKF (§. 32.) quam inscriptae sphaerae ABHE superficies adaequat (§. 71.), ejusdem quoque circuli quadruplam esse ipsius sphaerae superficiem, consectorium est (*Lib. I.* §. 102.).

S C H O L I O N.

76. Id porro ex eo etiam patet, quod circuli in sphaera maximi quadruplus sit circulus ex sphaerae diametro, veluti radio, descriptus (*Lib. IX. §. 185.*); cum hoc ipso huius radius sit duplo maior radio ipsius circuli maximi. Circulum autem descriptum ex sphaerae diametro, adaequat eiusdem sphaerae superficies (§. 73.). Ergo sphaerae quoque superficies quadrupla erit circuli in ea maximi (*Lib. I. §. 102.*).

P R O B L E M A V I I.

Curvam superficiem hemisphaerii determinare.

77. Determinare oporteat valorem curvae superficiei hemisphaerii BAE.

Resolutio.

Fig. 2. Invento valore peripheriae circuli maximi BGE (*Lib. X. §. 40.*), valor
Tab. 11. huiusmodi per valorem radii BD multiplicetur. Factum dabit valorem superficiei quaesitum. Ut si peripheria maximi circuli EGE fuerit $= a$, & valor radii BD fuerit b , valor curvae superficiei hemisphaerii BAE erit $= ab$.

Demonstratio.

Curva namque superficies hemisphaerii BAE adaequat rectangulum, cuius valor a producto ab exprimitur (§. 69.).

P R O B L E M A V I I I.

Invenire superficiem sphaerae.

Invenire oporteat valorem superficiei sphaericae ABHE.

Resolutio I.

Fig. 12. Determinato valore peripheriae circuli BE in ipsa sphaera maximi (*Lib. X. §. 40.*), valor ipse multiplicetur per diametrum ipsius sphaerae. Quod enim
Tab. 12. hinc fit productum, erit valor sphaericae superficiei ABHE. Si nimirum peripheria circuli maximi BE fuerit $= a$, & diameter AH $= b$, superficies sphaerae ABHE erit ab .

Demonstratio.

Factum quippe ab exprimit valorem rectanguli, cui sphaerica ipsa superficies est aequalis (§. 72.).

Reso-

Resolutio II.

Inveniat^r valor maximi circuli ipsius sphaeræ (*Lib. X. §. 52.*); tum valor hujusmodi per 4. multiplicetur. Factum dabit valorem superficiei sphaericæ quæsitum. Valor nempe superficiei ABHE erit $\equiv 4ab$, si valor circuli in ea maximi fuerit $\equiv ab$.

Demonstratio.

Superficies siquidem sphaeræ est quadrupla circuli in illa maximi (§. 75.).

THEOREMA XV.

Si eidem sphaera circumscripti habeantur conus æquilaterus & cylindrus superficies coni sumta simul cum bascos circulo erit ad superficiem cylindri una cum basibus in ratione sesquialtera, sicuti etiam superficies cylindri una cum basibus, ad superficiem sphaera.

Sphaeræ MEN circumscripti habeantur conus æquilaterus BAC, & cylindrus FHKG.

L

79. Dico primo superficiem coni BAC sumtam simul cum circulo baseos BC, esse in ratione *sesquialtera* ad superficiem cylindri FHKG una cum basibus FG, HK. Fig. 3.
Tab. 11.

Demonstratio.

Quoniam conus est æquilaterus, illius sectio BAC per axim erit triangulum æquilaterum (*Lib. XI. §. 99.*); ac proinde recta, sive axis AE, utpote basi BC ad perpendicularum incumbens, angulum verticalem BAC bisariam dividet (*Lib. V. §. 80.*). Ducta igitur a centro D ad angulum B recta DB, cum radii DA, DB sint æquales (*Lib. VII. §. 10.*), anguli quoque DAB, DBA inter se æquales erunt (*Lib. V. §. 60.*). Duo autem anguli BAC, ABC æquales sunt inter se (§. 61.). Ergo etiam duo anguli DBE, EAC æquales erunt (*Lib. I. §. 126.*); cumque angulus EAC angulum EAB adæquet, ut modo vidimus, angulus quoque DBE angulum BAE æquabit. In triangulis itaque rectangulis AEB, BED duo anguli BAE, DBE sunt æquales. Communis autem utrique est angulus rectus AEB. Ergo reliquus angulus ABE unius reliquo angulo BDE alterius æqualis erit (*Lib. V. §. 46.*); duoque ipsa triangula erunt inter se mutuo æquiangula (§. 19.); adeoque similia (*Lib. IX. §. 60.*), habebuntque latera circa æquales angulos

gulos proportionalia, erit nempe $BE \cdot ED = AE \cdot EB$ (§. 1.); ac proinde quadratum quoque lateris BE erit ad quadratum lateris ED , ut est quadratum lateris AE ad quadratum lateris EB (*Lib. I. §. 187.*). Manifestum porro est, quadratum lateris AE triplum esse quadrati lateris BE ; cum quadratum lateris AB dupli lateris BE per hypothefim sit quadruplum quadrati ipsius lateris BE (*Lib. IX. §. 172.*), & quadratum ejusdem lateris AB quadrata adæquet laterum AE , EB simul sumta (*Lib. VI. §. 37.*). Ergo quadratum quoque lateris BE triplum erit quadrati lateris DE . Porro circuli sunt inter se, ut quadrata fuorum radiorum (*Lib. IX. §. 188.*). Ergo circulus descriptus ex latere EB , sive circulus baseos coni BAC , erit triplus circuli lateris DE , videlicet circuli in sphaera maximi MEN . Curva autem coni BAC superficies est ad circulum baseos, ut latus AB ad radium BE basis BC (§. 52.); adeoque in ratione dupla. Ergo curva coni BAC superficies erit ad maximum inscriptæ sphaeræ circulum MEN , ut 6 ad 1; atque adeo ipsa eadem curva superficies coni, sumta simul cum ejusdem basi BC , erit ad circulum maximum inscriptæ sphaeræ MEN , ut 9 ad 1. Constat autem, curvam superficiem cylindri $FHKG$ esse ad circulum maximum MEN ejusdem sphaeræ sibi inscriptæ, ut 4 ad 1 (§. 32.); adeoque superficiem ipsam curvam cylindri una cum ejus basibus esse ad maximum sphaeræ circulum MEN , ut 6 ad 1; cum circulus basis adæquet circulum maximum sphaeræ ipsi cylindro inscriptæ (§. 8.). Ergo curva superficies coni BAC una cum circulo baseos BC erit ad curvam superficiem cylindri $FHKG$ sumtam simul basibus HK , FG , ut 9 ad 6, in ratione nimirum *sesquialtera*.

I L

80. Dico 2, superficiem cylindri $FHKG$ una cum basibus HK , FG esse in ratione quoque *sesquialtera* ad superficiem sphaeræ sibi inscriptæ MEN .

Demonstratio.

Enimvero; quoniam curva superficies cylindri $FHKG$ est quadrupla circuli suæ basis HK (§. 31.), superficies ipsa sumta simul cum basibus HK , FG erit ad seipsam, basibus seclusis, ut 6 ad 4. Superficies autem inscriptæ sphaeræ MEN adæquat curvam superficiem cylindri $FHKG$ (§. 71.). Ergo curva superficies ipsius cylindri una cum basibus erit quoque ad superficiem inscriptæ sibi sphaeræ, ut 6 ad 4, nempe in ratione *sesquialtera*. Itaque si eidem sphaeræ &c. quod erat ostendendum.

THEOREMA XVI

Curva superficies segmenti sphaerici adaequat curvam superficiem cylindri recti geniti a rectangulo, cujus altitudo eadem sit cum altitudine segmenti sphaerici, basis vero sit radius sphaerae, cujus ipsum segmentum est portio.

81. Sit ABC segmentum sphaericum genitum ex revolutione arcus AB Fig. 11. circa radium BE. Dico, curvam illius superficiem ABC aequare curvam Tab. 12. superficiem cylindri recti KHML producti a rectangulo KHDB, cujus altitudo BD eadem sit cum altitudine ipsius segmenti, basis vero HD sit aequalis radio BE sphaerae, cujus segmentum ipsum sphaericum ABC est una portio.

Demonstratio.

Eadem est cum demonstratione Theor. XIV. hujus: Curva enim superficies sphaerici segmenti ABC confurgit ex infinitis conicis superficiebus productis ab infinitis illis lateribus, quae arcum genitorem AB constituent. Omnes autem hujusmodi conicae superficies simul sumtae adaequant curvam superficiem cylindri geniti a rectangulo KHDB. Ergo &c. Itaque curva superficies &c. quod erat ostendendum.

COROLLARIUM.

Curva superficies segmenti sphaerici est aequalis rectangulo comprehenso sub recta, quae sit aequalis peripheria maximi circuli sphaerae, cujus ipsum segmentum est portio, & sub ea parte radii, quae est ipsius segmenti altitudo.

82. Curva nimirum superficies segmenti sphaerici ABC adaequat rectangulum contentum sub recta, quae sit aequalis peripheriae maximi circuli Fig. 13. sphaerae AFNG, & sub altitudine BD ipsius segmenti. Ejusmodi siquidem re. Tab. 12. ctangulo aequalis est curva superficies cylindri geniti ex revolutione rectanguli KHDB circa idem axis segmentum BD (§. 28.); cum propter hypothefim hujusce cylindri basis sit circulus maximus ipsius sphaerae BFNG. Curva autem superficies segmenti sphaerici ABC adaequat curvam superficiem cylindri geniti ex revolutione rectanguli KHDB (§. 81.). Ergo haec ipsa quoque segmenti sphaerici superficies rectangulum illud aequabit (§yn. 1. §. 261.).

PRO.

PROBLEMA IX.

Curvam superficiem segmenti sphaerici invenire :

83. Determinare oporteat curvam superficiem segmenti sphaerici ABC.

Resolutio.

Fig. 13. Tab. 12. Invenitur valor peripheriæ maximi circuli sphaeræ BFNG, cujus ipsum segmentum est una portio (*Lib. X. §. 40.*). Tum valor ille per valorem axis AD ipsius segmenti multiplicetur. Factum erit valor curvæ superficiei quaesitus. Ut si peripheria maximi circuli fuerit $\equiv a$, & axis segmentum AD fuerit $\equiv b$, curva superficies segmenti sphaerici ABC erit $\equiv ab$.

Demonstratio.

Quandoquidem factum ab est valor rectanguli, cui curva superficies segmenti sphaerici ABC est æqualis (§. 82.).

THEOREMA XVII.

Curva segmenti sphaerici superficies est æqualis circulo, cujus radius sit chorda arcus genitoris.

84. In sphaera BFGN spectetur segmentum ABC genitum ex revolutione arcus BA circa quiescentem diametrum BN. Dico, curvam superficiem segmenti ABC æquare circulo, cujus radius sit chorda BA ipsius arcus genitoris AB,

Demonstratio.

Sub eodem segmento BD axis, & sub recta HD, quæ sphaeræ radio sit æqualis constituitur rectangulum KHDB, atque a puncto A ad extremum N diametri BN ducatur recta AN. Quoniam igitur angulus BAN, utpote in semicirculo consistens, est rectus (*Lib. VII. §. 75.*), triangulum BAN erit rectangulum (*Lib. V. §. 29.*), cumque per hypothesim recta AD sit lateri BN perpendicularis, chorda BA erit media proportionalis inter diametrum BN, ejusque segmentum BD (*Lib. XI. §. 74.*) ; ac proinde etiam inter diametrum HM baseos cylindri geniti ex revolutione rectanguli KD, & inter ejusdem latus KH; cum per hypothesim sit HD \equiv BE, adeoque $\triangle HD \equiv \triangle BE$, sive HM \equiv BN, & KH \equiv BD. Igitur curva superficies cylindri KHML æqualis erit circulo, cujus radius sit recta AB (§. 41.). Curva autem superficies segmenti sphaerici ABC adæquat curvam superficiem cylindri KHML (§. 81.). Ergo curva superficies segmen-

ti sphaerici ABC circum quoque æquabit , ejus radius sit chorda AB (*Syn. Alg. §. 261.*). Itaque curva &c. quod erat ostendendum.

THEOREMA XVIII.

*Segmenta sphaerica superficiei parallelis circulis divisa
sunt directe inter se , ut segmenta axis.*

85. Sphaera BFNG secetur circulis parallelis AC, FG. Dico, curvam superficiem genitam ex revolutione arcus AF esse ad curvam superficiem genitam ex revolutione arcus AB circa eundem axim BN, ut est segmentum RD axis ad ejusdem segmentum DB.

Demonstratio.

Quoniam circuli , qui sphaeram dividunt , sunt paralleli , eorum quoque diametri in eodem plano existentes AC, FG erunt parallelæ (*Lib. VIII. Fig. 13. §. 26.*) ; cumque sphaeræ axis BN ipsis circulis ad perpendicularum incum-
bat, diametris quoque AC, FG erit perpendicularis (*Lib. VIII. §. 2.*). Itaque cum segmentum superficiei sphaericæ genitum ex revolutione arcus BA sit æquale circulo ex chorda AB, & segmentum sphaericæ superficiei genitum ex revolutione arcus FAB æquet circumlo ex chorda BF (§. 84.), segmentum superficiei sphaericæ genitum ex revolutione arcus FAB erit ad segmentum ejusdem superficiei genitum ex revolutione arcus AB, ut circulus ex chorda BF ad circumlo ex chorda AB; ac proinde ut quadratum chordæ BF ad quadratum chordæ AB (*Lib. IX. §. 188.*). Quadratum autem chordæ BF adæquat rectangulum KQ contentum sub recta KL æquali diametro CN, & sub recta KP æquali segmento BR axis BN, & quadratum chordæ AB adæquat rectangulum KM, quod sub eadem recta KL, & sub recta KH æquali segmento BD ejusdem axis continetur (§. 111.) ; cum recta BF sit media proportionalis inter totam BN, & partem BR, sicuti etiam recta BA inter totam BN, & partem BD (§. 74.) ; quod anguli BFN, BAN triangulorum BFN, BAN sint recti (*Lib. VII. §. 75.*), & rectæ FR, AD ad perpendicularum axi BN insistant. Ergo segmentum superficiei sphaericæ genitum ex revolutione arcus BF erit quoque ad ejusdem superficiei segmentum genitum ex revolutione arcus BA, ut rectangulum KQ ad rectangulum KM (*Lib. I. §. 76.*) ; ac proinde dividendo, segmentum superficiei sphaericæ genitum ex revolutione arcus FA erit ad segmentum ejusdem superficiei genitum ex revolutione arcus AB, ut rectangulum HQ ad rectangulum KM (§. 135.). Rectangulum porro HQ est ad rectangulum KM, ut HP ad HK, sive ut DR ad DB (*Lib. IX. §. 100.*). Ergo, ut DR ad DB, erit quoque segmentum sphaericæ superficiei genitum ex revolutione arcus AF ad ejusdem segmentum ex revolutione arcus AB (*Lib. I. §. 98.*). Itaque segmenta &c. quod erat ostendendum.

PRO-

PROBLEMA X.

Polyedri regularis superficiem dimetiri.

86. Dimetiri oporteat superficiem octaedri.

Resolutio.

Inveniatnr valor unius ex illis octo triangulis æqualibus, quibus octaedrum clauditur (*Lib. X §. 25.*), atque huiusmodi valor per 8, scilicet per numerum omnium planorum polyedrum ipsum terminantium multiplicetur. Factum erit superficies quæsitæ.

Demonstratio.

Superficies enim octaedri ex octo triangulis æqualibus simul sumtis consurgit.

PROBLEMA XI.

Superficiem polyedri irregularis determinare.

Resolutio.

87. Inveniatnr area omnium planorum, quibus polyedrum terminatur (§. 28.); tum ex hisce omnibus valoribus fiat summa, quæ erit valor totius superficiei quæsitæ.

Demonstratio.

Omnes enim partes cujuscvis totius simul sumtæ ipsum totum adæquant.

THEOREMA XIX.

Soliditas cujuscvis prismatis adæquat factum ex multiplicatione basis per altitudinem.

Fig. 14. 88. Esto prisma AB, cujus altitudo sit recta EF. Dico, illius soliditas æquare valorem producti, quod emergit multiplicando illius basim DCB per altitudinem EF.

Demonstratio.

Patet ex genesi ipsius prismatis (*Lib. XI. §. 80.*).

SCHO

P R O B L E M A XII

Soliditatem prismatis cujuscunque invenire.

89. Determinare oportet soliditatem prismatis AB.

Resolutio.

Valor basis DCB multiplicetur per altitudinem EF. Factum dabit valorem totius prismatis AB. Ut si basis DCB fuerit $= ab$, & altitudo EF $= d$, soliditas ipsius prismatis erit $= abd$.

Demonstratio.

Manifesta est ex §. 88.

S C H O L I O N L

90. Pro determinanda soliditate cubi, satis est, ut invento valore unius ex illis quadratis, quibus cubus ipse clauditur, valor ille per valorem lateris multiplicetur. Paret ex ipsa natura cubi.

S C H O L I O N II

91. Quoniam cylindrus est species prismatis (Lib. XI. §. 70.), habebitur soliditas dati cylindri, si illius basis per altitudinem multiplicetur.

T H E O R E M A XX.

Omnis pyramis adequat prisma ejusdem basis, & subtripla altitudinis.

92. Esto pyramis quæcunque *debc*, cujus basis sit planum *deb*, & altitudo recta *ef*. Super eandem autem basim, & sub tertia parte *nf* altitudinis *ef* constitutum habeatur prisma *mbd*. Dico, pyramidem *debc* æquare prisma *mbd*. Fig. 15. Tab. 12.

Demonstratio.

Super basim DCB æqualem basi *deb*, & sub altitudine EF altitudini *ef* æquali constitutum sit prisma AB. Quoniam igitur duo prismata AB, *mbd* Fig. 14. habent æquales bases DCB, *deb*, prisma AB erit ad prisma *mb*, ut altitudo EF ad altitudinem *ef* (Lib. XIII. §. 46.), adeoque in ratione tripla. Est autem prisma AB in hac eadem quoque ratione ad pyramidem *debc* (§. 29.). Ergo pyramis *debc*, & prisma *mb* sunt duo solida æqualia (Lib. I. §. 113.). Omnis itaque pyramis &c. quod erat ostendendum.

Co:

COROLLARIUM I.

Omnis pyramis adaequat prisma subtriplex basis, & ejusdem altitudinis

93. Ut si basis DCB prismatis AB fuerit *tertia pars basis deb* pyramidis *debe*, altitudo vero EF altitudini *ef* aequalis, pyramis *debe* aequabit prisma AB. Hac enim facta hypothesi, prisma AB est aequale prismati *mb* (Lib. XIII. §. 59.), cui pyramis ipsa *debe* est aequalis; cum duo prismata AB, *mb* reciprocent hoc ipso sibi mutuo bases, & altitudines.

COROLLARIUM II.

Omnis conus adaequat cylindrum ejusdem basis, & subtriplex altitudinis, necnon cylindrum subtriplex basis, & ejusdem altitudinis.

94. Omnis enim conus est pyramis infinitangula (Lib. XI. §. 71.), & omnis cylindrus est prisma infinitis parallelogrammis comprehensum (§. 70.).

PROBLEMA XIII.

Pyramidis soliditatem invenire.

95. Determinare oporteat soliditatem pyramidis *deb*.

Resolutio.

Inveniatur valor basis *deb* (Lib. X. §. 28.), isque per tertiam partem altitudinis *ef* multiplicetur. Productum, quod hinc emergit, erit valor pyramidis *deb* quaesitus. Ut si basis *deb* fuerit $= mn$, & tertia pars altitudinis *ef* fuerit $= p$, soliditas pyramidis *deb* erit $= mnp$.

Demonstratio.

Patet ex §. 93.

SCHOLIUM I.

96. Cum pyramis sit tertia pars prismatis ejusdem basis, & altitudinis (Lib. XIII. §. 29.), & prismatis soliditas sit factum ex ductu basis in altitudinem (Lib. XI. §. 125.),¹ habebitur soliditas pyramidis, si multiplicata basi per altitudinem, factum per 3. dividatur. Soliditas nimirum pyramidis erit $= \frac{mnx}{3}$ si basis fuerit $= mn$, & altitudo $= x$.

3

SCHO.

S C H O L I O N II.

97. Quod modo diximus de dimensione pyramidis, intelligendum est etiam de dimensione coni. Habebitur nempe soliditas coni, si illius basis multiplicetur per tertiam partem altitudinis, vel factum ex ductu basis in totam altitudinem per 3. dividatur. Patet ex §§. 94, 95.

P R O B L E M A XIV.

Invenire soliditatem polyedri irregularis.

98. Esto polyedrum irregulare ACE. Determinare oporteat illius soliditatem, Fig. 7.
Tab. 9.

Resolutio.

Facta resolutione polyedri in pyramides (Lib. XI. §. 115.), singularum valor inquiratur (§. 95.). Tum fiat omnium summa, quæ erit valor ipsius polyedri quæsitus.

Demonstratio.

Omnes enim partes cujuscvis totius simul sumptæ, æquæquant ipsum totum (Synop. Alg. §. 156.).

T H E O R E M A XXI.

Polyedrum regulare adæquat prisma, cujus basis sit æqualis superficiei ipsius polyedri, altitudo vero tertiam cateti partem adæquet.

99. Esto polyedrum regulare ACE, cujus centrum sit Z, & catetus ZN. Fig. 7.
Tab. 9.
Dico, polyedrum ACE æquare prisma, cujus basis sit æqualis superficiei ipsius polyedri, altitudo vero sit tertia pars cateti ZN.

Demonstratio.

Cum polyedrum ACE resolvi possit in tot pyramides omnino inter se æquales, quot sunt plana ipsum terminantia (Lib. XIII. §. 94.), atque omnia hujusmodi plana sint inter se æqualia (Lib. XI. §. 10.); tam multiplex pyramidis MZAF erit ipsum polyedrum ACE, quam multiplex plani AMF est tota ipsius polyedri superficies (Lib. I. §. 20.), ac proinde polyedrum ACE erit ad pyramidem MZAF, ut est tota superficies ipsius polyedri ad planum AMF. Ut autem integra polyedri superficies ad planum AMF, ita est prisma, cujus basis sit æqualis superficiei ipsius polyedri, altitudo vero ter.
Elem. Math. T. III. K

tertiam partem cateti ZN adæquet, ad prisma, cujus basis sit planum AMF, & eadem altitudo (*Lib. XIII. §. 40.*). Ergo polyedrum ACE est ad pyramidem MZAF, ut prisma, cujus basis sit tota superficies ipsius polyedri, & altitudo sit tertia pars cateti ZN, ad prisma ejusdem altitudinis, cujus basis sit planum AMF (*Lib. I. §. 78.*). Constat autem, pyramidem MZAF æquare prisma, cujus basis sit planum AMF, & altitudo sit tertia pars cateti ZN (*§. 92.*); cum altitudo pyramidis MZAF ab ipso cateto ZN non differat (*Lib. XIII. §. 24.*). Ergo polyedrum quoque ACE æquabit prisma, cujus basis sit tota ipsius polyedri superficies, altitudo vero tertia pars cateti ZN (*Lib. I. §. 128.*). Itaque polyedrum &c. quod erat ostendendum.

COROLLARIUM I.

Polyedrum regulare adæquat prisma, cujus basis sit tertia pars superficiei ipsius polyedri, altitudo vero ejusdem catetus.

100. Hujusmodi siquidem prisma est illi æquale, cujus basis est tota polyedri superficies, altitudo vero tertia pars cateti (*Lib. XIII. §. 59.*); cum scilicet duo ista prismata reciprocent hoc ipso sibi mutuo bases, & altitudines.

COROLLARIUM II.

Sphæra adæquat prisma, cujus basis sit æqualis superficiei ipsius sphæra, altitudo vero sit tertia pars radii, vel cujus basis sit tertia pars superficiei, altitudo vero ejusdem sphæra radius.

101. Sphæra namque est polyedrum regulare infinitis planis comprehensum (*Lib. XIII. §. 117.*); cujus catetus non differt ab ejusdem radio (*§. 118.*).

PROBLEMA XV.

Soliditatem polyedri regularis dimetiri.

102. Dimetiri oporteat soliditatem polyedri regularis ACE, cujus catetus sit recta ZN.

Resolutio.

Inventa superficiei (*§. 86.*), ipsius valor per catetum ZN multiplicetur, & factum per 3. dividatur. Quotus erit soliditas quaesita. Ut si superficies polyedri ACE fuerit $= mn$, & catetus ZN $= d$, soliditas ipsius polyedri erit $\frac{mnd}{3}$.

Fig. 7.
Tab. 9.

Demonstratio.

Quantitas enim $\frac{\text{und}}{3}$ est valor prismatis, cui polyedrum ipsum est æquale (§. 99.).

THEOREMA XXII.

Sphæra est æqualis cono recto, cujus basis adæquat integram superficiem sphæra, altitudo vero, sive axis sit ejusdem sphæra radius.

103. Sit sphæra ABEC, atque conus rectus KDM, cujus basis KLM sit æqualis integræ superficiæ ipsius sphære ABEC, altitudo vero, sive axis DE sit ipsius sphære radius. Dico, sphæram ABEC esse æqualem cono KDM.

Demonstratio.

Soliditas sphære ABEC confurgit ex tot sphæricis superficiebus sibi concentricis, quot puncta, centro excepto, sunt in radio DE (*Lib. XI. §. 48.*). Soliditas vero cono KDM componitur ex tot circulis baseos circulo KLM parallelis, quot puncta in axe, sive in eodem radio DE numerantur (§. Fig. 16, 92.). Ergo tot sunt elementa sphære ABEC, quot sunt elementa cono KDM. Elementa autem sphære ABEC sunt æqualia elementis cono KDM, alterum alteri, quæ nimirum sunt in eadem distantia a centro, seu vertice D. Spectetur namque sphærica elementaris superficies NFP, & circulus elementaris GEH. Cum igitur sphærica superficies ABEC sit ad superficiem sphæricam NFP (*Lib. XIII. §. 122.*), & circulus KLM ad circulum GEH, in ratione duplicata radii DE ad radium DF (*Lib. XI. §. 101.*) sphærica superficies ABEC erit ad sphæricam superficiem NFP, ut circulus KLM ad circulum GH (*Lib. I. §. 76.*). Posuimus autem, superficiem sphæricam ABEC æqualem esse circulo KLM. Ergo sphærica quoque superficies NFP æqualis erit circulo GEH (*Lib. I. §. 128.*). Eodem modo ostendam, quamlibet superficiem sphæricam constituentem soliditatem sphære ABEC æqualem esse circulo constituenti soliditatem cono KDM, si utrumque elementum in eadem a centro D distantia sumatur. Elementa igitur sphære ABEC sunt magnitudine æqualia elementis cono KDM. Demonstravimus autem, ea esse etiam numero æqualia. Ergo sphæra ABEC æquatur conum KDM (*Lib. IX. §. 53.*); ac proinde sphæra &c. quod erat ostendendum.

COROLLARIUM I.

Sphæra est æqualis cono recto, cujus circulus baseos descriptus sit ex diametro sphære, veluti radio, axis vero sit ejusdem sphære radius.

Tab. 12. 104. Sphæra nimirum ABEC æquabit conum rectum KDM, cujus axis
Fig. 16. est ipsiusmet sphære radius DE, si radius circuli baseos KLM fuerit diametro ipsius sphære æqualis. Hoc enim ipso basis ipsius conici superficiem sphære adæquat (§. 73.).

COROLLARIUM II.

Sphæra est æqualis cono recto, cujus basis sit maximus ipsius sphære circulus, axis vero sit duplo major diametro ipsius sphære.

105. Ut si basis conici recti fuerit æqualis circulo maximo sphære ABEC, & illius axis fuerit duplo major diametro ipsius sphære, atque adeo quadruplus radii DE ejusdem, conus iste sphæram ipsam æquabit. Enimvero hujusmodi conus adæquat conum KDML (Lib. XIII §. 63.), cui sphæra ipsa ABEC est æqualis, quatenus nempe horum conorum bases sunt hoc ipso in ratione reciproca altitudinum. Circulus namque sphære maximus est in ratione subquadrupla ad circulum baseos KLM conici KDML (Lib. IX §. 185.), quemadmodum axis DE ipsius conici KDML est in ratione subquadrupla ad axim, qui sit duplo major diametro ipsius sphære ABEC.

COROLLARIUM III.

Sphæra est æquali cylindro recto, cujus baseos radius sit ipsius sphære diameter, axis vero, sive latus, seu altitudo sit tertia pars radii ejusdem sphære.

106. Hujusmodi namque cylindro æqualis est conus rectus, cujus baseos radius sit diameter sphære, altitudo vero, sive axis sit ejusdem sphære radius (§. 94.). Hunc autem conum rectum adæquat ipsa sphæra (§. 104.). Ergo illi quoque cylindro ipsa eadem sphæra æqualis erit (Syn. Algéb. §. 261.). Hinc

COROLLARIUM IV.

Sphæra est æqualis cylindro recto, cujus baseos circulus adæquet superficiem ipsius sphære, axis vero, sive altitudo sit tertia pars radii ejusdem sphære.

107. Quandoquidem hujusmodi cylindrus non est diversus a cylindro recto,

recto, cujus baseos radius sit sphaeræ diameter; cum circulus, cujus radius sit sphaeræ diameter, superficiem ipsius sphaeræ adæquet (§. 73.).

COROLLARIUM V.

Sphæra est æqualis cylindro recto, cujus basis sit maximus ipsius sphaeræ circulus, axis vero, sive altitudo quatuor trientes radii, seu duas tertias partes diametri ipsius sphaeræ contineat.

108. Videlicet sphaera ABCD adæquat cylindrum rectum DBLM, cujus basis LM sit maximus ipsius sphaeræ circulus, axis vero, sive altitudo EC ^{Fig. 17.} Tab. 12. quatuor trientes radii XC, sive duas tertias partes diametri AC comprehendat. Constituto namque cono recto KHEG, cujus basis EG sit circulus descriptus ex diametro AC ipsius sphaeræ, axis vero ac sit tertia pars radii XC, sive quarta pars axis EC cylindri BLMD, quoniam basis cylindri HEGK, utpote reciprocanes sibi mutuo bases, & altitudines, erunt inter se æquales (Lib. XIII. §. 62.). Sphaera autem ABCD adæquat cylindrum HEGK (§. 106.). Ergo cylindrum quoque æquabit BLMD.

PROBLEMA XVI.

Sphæra soliditatem dimetiri.

109. Esto sphaera ABCD, cujus soliditatem dimetiri oporteat.

Resolutio I.

Inveniatur area circuli ex sphaeræ diametro AC, veluti ex radio, descripti (Lib. X. §. 28.), atque hujusmodi valor per tertiam radii XC ipsius sphaeræ partem multiplicetur. Factum erit soliditas sphaeræ quaesita. Ut si area circuli descripti ex sphaeræ diametro AC fuerit $= ab$, & radius XC

fuerit $= d$, soliditas sphaeræ ABCD erit $= \frac{abd}{3}$.

Demonstratio.

Etenim factum $\frac{abd}{3}$ exprimit valorem cylindri recti, cujus basis est circulus ex sphaeræ diametro AC descriptus, altitudo vero, sive axis est tertia pars radii XC. Hujusmodi autem cylindro æqualis est sphaera (§.).

Ergo factum $\frac{abd}{3}$ soliditatem quoque ipsius sphaeræ determinabit.

Resolutio I I.

Inveniatur area circuli in ipsa sphaera maximi, ejusque valor per duas tertias partes diametri AC multiplicetur. Quod enim hinc emergit productum, erit soliditas ipsius sphaerae ABCD. Ut si valor maximi in ipsa sphaera circuli fuerit $\equiv mn$, & duae tertiae partes diametri AC fuerint $\equiv r$, soliditas sphaerae ABCD erit mnr .

Demonstratio.

Factum quippe mnr exprimit valorem cylindri recti, cui ipsa sphaera est aequalis (§. 108.)

THEOREMA XXIII.

Si eidem sphaerae conus aequilaterus, & cylindrus circumscripti habeantur, conus erit ad cylindrum quoad soliditatem in ratione sesquialtera, sicuti etiam cylindrus ad sphaeram.

Sphaerae MEN circumscripti habeantur conus aequilaterus ABC, & cylindrus FHKG.

I.

110. Dico primo, cylindrum FHKG esse ad sphaeram MEN in ratione *sesquialtera*.
Fig. 18
Tab. 12.

Demonstratio.

Etenim cylindrus FHKG est ad cylindrum PHKR, cujus eadem sit basis; nempe maximus inscriptae sphaerae circulus HK, altitudo vero, sive axis bE duas tertias partes contineat axis dE, sive diametri ejusdem sphaerae, ut axis dE ad axim bE (*Lib. XIII. § 49.*), nimirum ut 3 ad 2. Cylindro autem PHKR aequalis est sphaera MEN (§. 108.). Ergo cylindrus FHKG erit quoque ad inscriptam sibi sphaeram MEN, est 3 ad 2, videlicet in ratione *sesquialtera*.

I I.

111. Dico 2, conum ABC esse ad cylindrum FHKG in eadem quoque ratione *sesquialtera*.

Dr.

Demonstratio.

Diametro BC baseos conï hinc inde in directum producta, ponatur tam recta ES, quam recta ET æqualis axi, sive diametro dE sphæræ inscriptæ, atque a centro a ducantur rectæ aS, aB, aC, aT, quæ spectentur veluti latera conorum rectorum SaT, BaC habentium pro axe radium sphæræ aE. Quoniam itaque, ut superiori loco demonstravimus, nimirum §. 69., propter similitudinem triangulorum AEB, BEa, latus AE est ad latus EB, ut est EB ad latus, sive ad sphæræ radium aE, latus AE erit ad latus, sive ad radium aE, ut est quadratum ipsius AE ad quadratum mediæ proportionalis EB (*Lib. IX. §. 183.*). Loco autem citato ostensum quoque est, quadratum lateris AE esse triplum quadrati lateris EB. Ergo recta, sive axis AE conï erit tripla radii aE; ac proinde conus BAC ad conum BaC ejusdem basi erit, ut 3 ad 1, sive ut 9 ad 3 (*Lib. XIII. §. 50.*), & recta aA = Ed, adeoque etiam aB = dE (*Syn. Alg. §. 261.*) propterea quod sit aB = aA (*Lib. IX. §. 19.*), ac demum ES = aB (*Syn. Alg. §. 261.*) cum posita fuerit ES = Ed, sitque Ed = aB. Demonstravimus porro eodem loco, quadratum lateris aE triplum esse quadrati lateris Ea. Ergo, cum quadratum lateris aB sit æquale quadratis laterum BE, Ea simul sumtis (*Lib. VI. §. 37.*), quadratum lateris Ba, adeoque etiam lateris SE, erit ad quadratum lateris BE, ut 4 ad 3. Quamobrem circulus quoque ex radio ES erit ad circulum ex radio EB, ut 4 ad 3 (*Lib. IX. §. 188.*). Constat porro, conum SaT esse ad conum BaC ejusdem axis, sive altitudinis aE, ut circulus ex radio ES ad circulum ex radio EB (*Lib. XIII. §. 44.*). Ergo conus SaT erit ad conum BaC, ut 4 ad 3. Cono autem SaT æqualis est sphaera MEN (§. 104.). Igitur sphaera MEN erit ad conum BaC, ut 4 ad 3, & quoniam cylindrus FHKG, ut supra demonstravimus, est ad sphaeram MEN, ut 6 ad 4, cylindrus FHKG erit ad conum BaC, ut 6 ad 3; atque adeo conus BAC ad cylindrum FHKG, ut 9 ad 6; cum scilicet ostensum fuerit, conum BAC esse ad conum BaC, ut 9 ad 3. Conus itaque BAC est ad cylindrum FHKG in ratione sesquialtera. Ergo, si eidem sphæræ &c. quod erat ostendendum.

COROLLARIUM I.

112. Quoniam, ut superiori loco, nimirum §. 79, 80. ostensum est, si sphaera circumscribatur conus æquilaterus, & cylindrus, tota superficies conï est ad totam superficiem cylindri, & hæc ad superficiem inscriptæ sibi sphæræ in ratione sesquialtera, manifestum est, tria hujusmodi corpora esse in continua ratione sesquialtera tam penes integras eorum superficies, quam penes soliditatem spectata.

S C H O L I O N:

113. Diffimulandum non est, Archimedes hoc theorema, quod primus omnium invenit, tanti fecisse, ut sphaeram cylindro inscriptam suo tumulo apponi jussisset.

COROLLARIUM II.

Sphaera est dupla coni recti, cujus basis sit maximus ipsius sphaerae circulus, axis vero ejusdem sphaerae diameter.

Fig. 17. 114. Videlicet sphaera ABCD est dupla coni recti LAM habentis pro
Tab. 12. basi LM maximum ipsius sphaerae circulum, pro axe vero ejusdem sphaerae diametrum AC: Quandoquidem cylindrus NLMP ipsi sphaerae circumscriptus est ad ipsam sphaeram, ut 3 ad 2 (§. 110.). Est autem ad conum LAM, ut 3 ad 1 (Lib. XIII. §. 31.). Ergo sphaera ABCD erit ad conum LAM, ut 2 ad 1, scilicet in ratione dupla.

COROLLARIUM III.

Hemisphaerium est duplum coni eandem cum illo habentis basim, & altitudinem.

115. Sequitur manifeste ex praecedenti Ut enim hemisphaerium est pars dimidia integræ sphaerae, ita conus, cujus basis eadem sit cum basi hemisphaerii, nempe maximus sphaerae circulus, altitudo vero ejusdem sphaerae radius, est in ratione subdupla ad conum, qui circulum itidem sphaerae maximum pro basi habeat, diametrum vero ejusdem sphaerae pro altitudine: cum coni æqualium basium sint directe inter se, ut altitudines (Lib. XIII. §. 50.).

THEOREMA XXIV.

Señtor sphaericus est æqualis cono recto, cujus basis aequat curvam ipsius señtoris superficiem, axis vero sphaerae radius.

116. Esto señtor sphaericus BACD genitus ex revolutione señtoris circularis BAD circa axim, sive radius AD. Ponatur autem conus rectus EDF, cujus basis EF sit circulus æqualis curvæ superficiei BAC ipsius señtoris sphaerici, axis vero AD sit sphaerae radius. Dico, señtorem sphaericum BACD esse æqualem cono EDF.

Demonstratio.

Coincidit cum demonstratione theorematum XXI. Item elementa sectoris sphaerici BACD sunt numero, & magnitudine aequalia elementis coni EDF. Sunt enim numero aequalia; quia tot portiones circulares sphaericarum superficierum sibi mutuo concentricarum BAC, *rnf*, *ebd*, & *gxz* productae ex revolutione similium arcuum BA, *rn*, *eb*, *gx* sectoris generatoris BAD, constituunt soliditatem sectoris sphaerici BACD, quot circuli sibi mutuo paralleli EF, *pq*, *am*, *st*, geniti ex revolutione rectarum parallelarum EA, *pn*, *ab*, *sx* constituentium triangulum rectangulum EAD, ex quo circa axim AD revolutio gignitur conus EDF, constituunt soliditatem ipsius coni EDF; cum huiusmodi elementa tot utrobique sint, quot puncta in radio AD numerantur. Sunt etiam magnitudine aequalia, alterum alteri, videlicet curva superficies *rnf* circulo *pq*, superficies curva *ebd* circulo *am*, atque ita deinceps. Ut enim circulus EF ad circumulum *pq*, ita curva superficies BAC ad curvam superficiem *rnf*; cum tam circulus EF sit ad circumulum *pq* (Lib. IX. §. 188.), quam curva superficies BAC ad superficiem *rnf* in ratione duplicata radii AD ad radium *nd* (Lib. XIII. §. 122.). Positum est autem circulus EF aequalis curvae superficiei BAC. Ergo circulus quoque *pq* curvam superficiem *rnf* aequabit (Lib. I. §. 128.). Eodem modo circulus *am* ostendetur aequalis curvae superficiei *ebd*, & circulus *st* curvae superficiei *gxz*. Ergo sector sphaericus BACD adaequat conum rectum EDF (Lib. IX. §. 53.); ac proinde sector sphaericus &c. quod erat ostendendum.

C O R O L L A R I U M I.

Sector sphaericus est aequalis cono recto, cujus axis adaequat radium sphaerae, radius vero baseos est aequalis chorda arcus sectoris generatoris circuli.

117. Sector nimirum sphaericus BACD aequabit conum rectum EDF, si huius axis AD fuerit sphaerae radius, semidiameter vero AE baseos EFTab. 12. fuerit aequalis chordae AB arcus AB sectoris circularis BAD, ex quo circa Fig. 16. axim, sive radium AD revolutio, sector ipse sphaericus producitur. Sinamque radius AE fuerit aequalis chordae arcus AB, circulus baseos coni EDF erit aequalis curvae superficiei BAC sectoris BACD (§. 84.); adeoque sector ipse sphaericus conum EDF aequabit (§. 116.).

COROLLARIUM II.

Seſſor ſphæricus eſt æqualis cylindro recto, cujus baſeos radius eſt æqualis chorda arcus ſeſſori circuli genitoris, axis vero adequat tertiam partem radii ipſius ſeſſoris.

118. Videlicet ſeſſor ſphæricus BACD erit æqualis cylindro recto; cujus baſeos radius adæquat chordam arcus AB ſeſſoris circuli genitoris BAD, axis vero tertiam partem radii AD. Huic namque cylindro æqualis eſt conus EDF (§. 94.), quem ſeſſor ipſe ſphæricus BACD adequat (§. 117.).

PROBLEMA XVII.

Soliditatem ſeſſoris ſphærici dimetiri.

119. Eſto ſeſſor ſphæricus ADCB, cujus ſoliditatem dimetiri oporteat.

Reſolutio.

Determinato ſeſſore ADB circuli, ex cujus revolutione circa radium Fig. 10. DB ſeſſor ipſe ſphæricus produciſſetur, inveniatur valor circuli, cujus radius Tab. 12. ſit chorda arcus AD (*Lib. X § 52.*), atque huiusmodi valor per tertiam partem radii DB multiplicetur. Factum erit ſoliditas ſeſſoris ſphærici ADCB quaſita. Si nimirum valor circuli, cujus radius ſit corda arcus AD, fuerit $= ab$, & tertia pars radii DB fuerit $= d$, ſoliditas ſeſſoris ADCB erit $= abd$.

Demonſtratio.

Factum quippe abd exprimit valorem cylindri recti, cui ſeſſor ADCB eſt æqualis (§. 118.).

PROBLEMA XVIII.

Segmenti ſphærici quantitatem determinare.

I.

120. Dimetiri oporteat ſegmentum ſphæricum ACD minus hemiſphærio.

Reſolutio.

Inveniatur valor ſeſſoris ſphærici ABCD, qui curva dati ſegmenti ſuperficies